

नमो नमो निम्मल दंशणरस

# आगमसुत्ताणि



४५

अनुओगदाराइं

वितिया चूलिया

संसोहय-संपायग

निपुण निर्यामिड पू. मुनिराज श्री सुधर्म सागरजु म. ना शिष्य

मुनि दीपरत्नसागर

બાલ બ્રહ્મચારી શ્રી નેમિનાથાય નમઃ

નવો નવો નિમ્મલ દંતગસ

શ્રી આનંદ-સમ્પા-લલિત-સુશીલ-સુધર્મસાગરગુરુઓ નમઃ

# ૪૫-આગમસુત્તાણિ

--: સં સો હ ધ--સં પા ય ગ :--

પૂજ્ય મુનિરાજ શ્રી સુધર્મસાગરજી મહારાજ સાહેબના શિષ્ય

**મુનિ દીપરત્નસાગર**

તા. ૨૨/૪/૯૬

સોમવાર ૨૦૫૨

અષાઢ સુદ : ૬

૪૫ આગમના સેટની કિંમત - રૂ. ૧૫૦૦/-  
(ભાવે આગમ-કાર્ય ખાતે)

**આગમ શ્રુત પ્રકાશન**

મુદ્રક

નવપ્રભાત પ્રિન્ટીંગ પ્રેસ લીકાંટરોડ, અમદાવાદ.

કમ્પોઝ

શ્રી ગ્રાફિક્સ ૨૧, સુભાષનગર, ગિરધરનગર,  
શાહીબાગ, અમદાવાદ.

[2]

## આર્થિક અનુદાન દાતા

**૪૫ આગમમાં મુખ્ય દ્રવ્ય સહાયક**

નિષ્ઠાભાવી જ્ઞાતીવર્ગ શ્રી સૌમ્યગુણશ્રીજીની પ્રેરણાથી

જન્મ સુ લ ભુ ય ની જ મ દો પ સિ જા

**શ્રીમતી નયનાબેન રમેશચંદ્ર શાહ - સપ્તસ્વાર [વડોદરા]**

● અલગ-અલગ આગમના મુખ્ય દ્રવ્ય સહાયકો ●

- ૧ સાધ્વીશ્રી રત્નત્રયાશ્રીજી મ. ના પરમવિનેયા સાધ્વીશ્રી સૌમ્યગુણશ્રીજીની પ્રેરણાથી - શ્રી શાંતિલાલ કેશવલાલના બંગલે, ૨૦૫૧ ના ચાતુર્માસમાં થયેલી જ્ઞાનની ઉપજમાંથી - વડોદરા
- ૨ રત્નત્રયારાધકા સાધ્વીશ્રી સૌમ્યગુણશ્રીજીની પ્રેરણાથી શ્રી હરિનગર જૈન સંઘ વડોદરામાં શ્રી પર્યુષણ પર્વમાં થયેલી સૂત્રોની બોલીની ઉપજમાંથી - સં. ૨૦૫૧
- ૩ સ્વનામધન્યા સાધ્વીશ્રી સૌમ્યગુણશ્રીજીની પ્રેરણાથી-શ્રી શાંતિલાલ કેશવલાલના બંગલે, વડોદરા, ૨૦૫૧ના ચોમાસાની આરાધના નિમિત્તે
- ૪ પ્રશાંતમૂર્તિ સા. સૌમ્યગુણશ્રીજીના શિષ્યા તપસ્વી સા. સમજાશ્રીજીના ૪૫ આગમના ૪૫ ઉપવાસ નિમિત્તે શા.કે. બંગલે થયેલ જ્ઞાનપૂજન તથા ગુરુભક્તો તરફથી. બરોડા
- ૫ સા. શ્રી રત્નત્રયાશ્રીજીના પ્રશિષ્યા સા. સમજાશ્રીજીના સિદ્ધિતપ નિમિત્તે સ્વ. રતિલાલ કાલીદાસ વોરાના સ્મરણાર્થે લીલીબેન રતીલાલ તરફથી, સુરેન્દ્રનગર.
- ૬ પૂ. રત્નત્રયાશ્રીજી મ. ની દ્વિતીયપુન્યતિથિ નિમિત્તે સા. મોક્ષરત્નાશ્રીજીની પ્રેરણાથી શાહ ખીમચંદ છગનલાલ પરિવાર, હ. મંજુલા બેન. ખેરવાવાળા [હાલ-મુંબઈ]
- ૭ સાધ્વી શ્રી સૌમ્યગુણશ્રીજીના ઉપદેશથી શ્રી ગુજરાતી શ્વે. મૂ. જૈન સંઘ, મદ્રાસ હસ્તે શ્રી ઈન્દ્રવદન રતીલાલ દામાણી - વિંછીયાવાળા-હાલ-મદ્રાસ
- ૮ સા. શ્રી સૌમ્યગુણશ્રીજીની પ્રેરણાથી, સ્વ. ચતુરાબેન પિતાબરદાસ પી. દામાણીના સ્મરણાર્થે તેમનો પરિવાર, હ. ઈન્દ્રવદન રતીલાલ દામાણી-વિંછીયાવાળા (મદ્રાસ)
- ૯ પૂ. ગુરુમાતા રત્નત્રયાશ્રીજીના અંતેવાસી સાધ્વી શ્રી સૌમ્યગુણશ્રીજી ની પ્રેરણાથી પૂજ્યશ્રીની પુન્યતિથિ નિમિત્તે, શ્રી સાંકળીબાઈ જૈન શ્રાવિકા ઉપાશ્રય-રાણપુર તથા શ્રી જોરાવરનગર જૈન શ્રાવિકાસંઘની જ્ઞાનની ઉપજમાંથી
- ૧૦ શ્રીમતી દીપ્તીબેન સુનીલભાઈ પટેલ હ. નયનાબેન, લોસએન્જલેસ, અમેરિકા
- ૧૧ શ્રીમતી અનુપમા બહેન ભરતભાઈ ગુપ્તા. હ. નયનાબેન, વડોદરા
- ૧૨ શ્રીમતી પ્રિયંકાબેન પરાગભાઈ ઝવેરી, હ. નયનાબેન, મુંબઈ
- ૧૩ શ્રી અલકાપુરી-શ્વે. મૂર્તિ જૈનસંઘ-વડોદરા-હ. નયનાબેન
- ૧૪ શ્રી વાસુપૂજ્ય ચૈત્ય-મેહુલ સોસાયટી, સુભાનપુરા-જ્ઞાનખાતુ-વડોદરા હ. લાભુબેન
- ૧૫ શ્રીમતી સુમિત્રાબહેન હસમુખભાઈ સંઘવી, ખાનપુર (ઈન્દોડા) અમદાવાદ

## [3]

- ૧૬ સ્વ. મનસુખલાલ જગજીવનદાસ શાહ તથા સ્વ. મંગલાબેન જગજીવનદાસના સ્મરણાર્થે શાહ મેડિકલ સ્ટોર, ધોરાજી વાળા, હ. અનુભાઈ તથા જગદીશભાઈ
- ૧૭ શ્રી કોઠીયોળ, શ્વે. મૂર્તિ. જૈન સંઘ, શ્રી શાંતિનાથ જિનાલય - જ્ઞાનખાતુ, વડોદરા
- ૧૮ શ્રી કારેલી બાગ શ્વે. મૂર્તિ. જૈનસંઘ, વડોદરા-હ. શાંતિભાઈ
- ૧૯ શ્રી કૃષ્ણનગર શ્વે. મૂર્તિ, જૈનસંઘ-અમદાવાદ.
- ૨૦ શ્રી કૃષ્ણનગર શ્વે. મૂર્તિ. જૈનસંઘ, અમદાવાદ
- ૨૧ સિદ્ધાન્તનિષ્ઠ પૂ. ગચ્છા. આ. શ્રી વિજયરામચંદ્રસૂરીચરજી મ. સા. ના દિવ્યઆશીષથી - પટેલ આશાભાઈ સોમાભાઈ, હ. લલીતાબેન, સુભાનપુરા, વડોદરા
- ૨૨ સ્વ. વિરચંદભાઈ મણીલાલ લીંબડીવાળા, તથા સ્વ. જસુદેવેન વિરચંદભાઈની શ્રુતજ્ઞાનારાધાનાની સ્મૃત્યર્થે તેમના સુપુત્રો તરફથી, અમદાવાદ
- ૨૩ વૈયાવચ્ચપરાયણ શ્રમણીવર્યા શ્રી અનંતગુણશ્રીજીની પ્રેરણાથી સમ્યગ્દર્શન આરાધના ભવનટ્રસ્ટ, અમદાવાદ તરફથી [શ્રી મહાનિસીદ સૂત્ર માટે]

● ૪૫ - બાગમ સેટ-યોજના ગ્રાહક - દાતા ●

પ. પૂ. સા. સૌમ્યગુણશ્રી મ. ના ઉપદેશ તથા તેમના સંસ્તારીભાઈ શ્રી ઈન્દ્રવદન રતીલાલ દામાણી (વિંછીયાવાળા) - મદ્રાસના પ્રેરક સૌજ્યથી

૧. શ્રીમતી ગુફીબેન જ્યાનંદભાઈ સી. કોઠારી, પાલનપુર, હાલ-મદ્રાસ
૨. શ્રીમતી દેવ્યાનીબેન ચંદ્રકાન્તભાઈ એમ. ટોલીયા, વાંકાનેર, હાલ-મદ્રાસ
૩. શ્રીમતી સુશીલાબેન શાંતિભાઈ એન. વોરા, જમનગર, હાલ-મદ્રાસ
૪. શ્રીમતી પુષ્પાબેન અમૃતલાલ ટી. શાહ, મુઢા, હાલ-મદ્રાસ
૫. શ્રીમતી નિર્મલાબેન જયંતિભાઈ એસ. મહેતા, થાન, હાલ-મદ્રાસ
૬. શ્રીમતી મધુકાન્તાબેન રતિલાલ જે. શાહ, વીંછીયા, હાલ-મદ્રાસ
૭. શ્રીમતી ગુણિબેન દિનેશભાઈ સી. શાહ, પાલનપુર, હાલ-મદ્રાસ
૮. શ્રીમતી મુદુલાબેન પ્રિયકાન્તભાઈ સી. શાહ, મૂળી, હાલ-મદ્રાસ
૯. શ્રીમતી નયનાબેન નરેન્દ્રભાઈ આર. શાહ, મૂળી, હાલ-મદ્રાસ
૧૦. શ્રીમતી મંજુલાબેન ગુણવંતભાઈ સી. દોશી, મદ્રાસ
૧૧. શ્રીમતી કુંદનબેન રતીલાલ જે. શાહ કાપડીયા પરિવાર તરફથી લખતર, હાલ-મદ્રાસ
૧૨. શ્રી વાડીલાલ કાળીદાસભાઈ દોશી, મોરબી, હાલ-મદ્રાસ
૧૩. મે. પી. બી. શાહ એન્ડ કું. હ. અરવિંદભાઈ મોરબી, હાલ-મદ્રાસ
૧૪. સ્વ. માતૃશ્રી ચંપાબેનના સ્મરણાર્થે શ્રી નગીનદાસ અમૃતલાલ શાહ, મદ્રાસ
૧૫. અમરીબાઈના સ્મરણાર્થે હ. બાબુલાલ - મહાવીરચંદ બોહરા, મદ્રાસ

[4]

સા મોક્ષરત્નાશ્રીજી તથા સા શ્રી સમજાશ્રીજીની પ્રેરણાથી - હાલ પુલિયાવાળા

૧ કાંતિલાલ હજારીલાલ ચોવટીયા

૨ સંઘવી રતનલાલ ભગવાનદાસ ચઢોડ

૩ મધુમતી રાજેશ રેદાસની

૪ સરલાબેન રમેશચંદ્ર વોરા

૫ સુમનભાઈ બાલચંદ્રજી ચોરડીયા

૬ અ.સૌ.હંસાબેન ઉત્તમલાલ સુખડીયાના વર્ષિતપ નિમિત્તે ઉત્તમલાલ રતીલાલ રામપુરાવાળા તરફથી

૭ સ્વ. પૂ. પિતાશ્રી રતિલાલ તારાચંદ તથા કાન્તાબેન રતીલાલના આત્મશ્રેયાર્થે તેમના સુપુત્રો તરફથી

૧ સુખડીયા હસમુખલાલ વનેચંદ (જામવંચલી) નંદુરબાર

૨ ગં. સ્વ. સુરજબેન પદમશી શાહ. હ. જ્યોતિબેન નંદુરબાર

૩ સા. સમજાશ્રીજીની પ્રેરણાથી શ્રી અજિતનાથ - મંદિર ભે. પૂર્તિ સંઘના શ્રાવિકાબહેનો નંદુરબાર

૪ સા. સમજાશ્રીજીની પ્રેરણાથી - શાહ ચુનિલાલજી શિવલાલજી, સોનગીર

૫ સુખડીયા ચત્રભુજ જગમોહનદાસ હ. વીરાભાઈ - ધોરાજી

૬ શાહ મફતલાલ ફકીરચંદ, વિધિકારક (ડબોઈ) હાલ-અમદાવાદ

૭ સા. શ્રી સૌમ્યગુણશ્રીજીની પ્રેરણાથી રમેશચંદ્ર મનસુખલાલ શાહ, અમદાવાદ

૮ સા. શ્રી સૌમ્યગુણશ્રીજીની પ્રેરણાથી શ્રીમતી અસુદબેન લક્ષ્મીચંદ મેતા, હ.ઈન્દુભાઈ દામાણી, સુરત

૯ સા. શ્રી મોક્ષરત્નાશ્રીજીની પ્રેરણાથી સ્વ. સોમચંદ બોધાભાઈ પરિવાર હ. બાલુબેન, રામપુરા

૧૦ પૂ. આગમોદ્ધારકશ્રીના સમુદાયના દીર્ઘસંઘથી વિદુષી સા. શ્રી સુતારાશ્રીજી જાનનગરવાળાના ઉપદેશથી તથા તેમના પદશિષ્યાની પુનિત પ્રેરણાથી

૧૧ ભોગીલાલ ત્રિભોવનદાસ શાહ, હ. નયનાબેન, વડોદરા

૧૨ સંગીતા અજમેરીયા - મોરબી

● ૪૫ આમજસેટ યોજના-જામદાતા ●

૧ પરબાર દીપ્તી રાજેશકુમાર-વડોદરા

૨. સા. શ્રી સૌમ્યગુણશ્રીજીની પ્રેરણાથી કિરણબેન અજિતકુમાર કાપડીયા, વડોદરા

૩. સા. શ્રી સમજાશ્રીજીની પ્રેરણાથી - શ્રી નિજામપુરા જૈન સંઘ, વડોદરા

૪. સા. શ્રી સમજાશ્રીજીની પ્રેરણાથી - ચંદ્રિકાબેન મહેશભાઈ શાહ, વડોદરા

૫. સા. શ્રી મોક્ષરત્નાશ્રીજીની પ્રેરણાથી ગં. સ્વ. વસંતબેન તંબકલાલ દોશી, નંદુરબાર

૬. માણેકબેન શાહ- વડોદરા

૭. શોભનાબેન શાહ - વડોદરા

### :- ગં વા ણુ ક્ક મ :-

ક્રમકો	વિસય	સુત્ર	ગાથા	અનુક્રમ	પિટંકો
૧	નાળ વ આવસસય	૧-૫૧	૧-૭	૧-૬૧	૨-૭
૨	અનુઓગ વ ડવક્કમણાનુઓગ	૬૦-૭૦	-	૭૦-૮૦	૭-૮
૩	નામાદ્-આણુપુઘ્વી	૭૧-૧૧૧	૮-૧૭	૮૧-૧૪૫	૮-૧૧
૪	અનુઓગદારેનામાદ્ પદં	૧૨૦-૧૫૨	૧૮-૧૪૧	૧૪૬-૩૫૦	૧૧-૬૪

### પરિસિદ્ધ-નિદંસણં

ક્રમ	પરિસિદ્ધં	પિટંકો
૧	વિસયાણુક્કમો	૮
૨	વિસિદ્ધતદ્વાણુક્કમો	૮
૩	વિસેસ નામાણુક્કમો	૮
૪	ગાઠાણુક્કમો	૮
૫	કુત્તાણુક્કમો	૮

### સુચના પત્ર

૧. આગમ સૂત્રોમાં ડાબી બાજુએ છપાયેલ પ્રથમ-અંક, સૂત્ર તથા ગાથાનો સંયુક્ત સર્જનક્રમાંક સૂચવે છે. [અણુક્કમ]
૨. છેડે જમણી બાજુએ દર્શાવેલ હિન્દી ક્રમાંકન આગમમંજુષામાં છપાયેલ સૂત્રાંક અને ગાથાંક સૂચવે છે. [ક્રમ]
૩. સૂત્રને જજ્ઞાવવા માટે અહીં ઉભા લીટા । । ની વચ્ચે આગમમંજુષાનો સૂત્રાંક મુકેલો છે. [સુત્રંકો]
૪. ગાથાને જજ્ઞાવવા માટે અહીં બે ઉભા લીટા ॥ ॥ ની વચ્ચે આગમમંજુષા નો ગાથાંક મુકેલો છે. [ગાથંકો]
૫. છેડે જમણી બાજુએ દર્શાવેલ અંગ્રેજી ક્રમાંક - વૃત્તિનો અંક જજ્ઞાવવા માટે છે. અહીં આપેલ કોઈ પણ સૂત્ર કે ગાથાની વૃત્તિ જોવી હોય તો જે-તે અભ્યયનાદિ નો વૃત્તિમાં જે અંક હોય તે જ અંક અહીં અંગ્રેજી ક્રમાંકન કરી નોંધેલો છે.
૬. અંગ્રેજી ક્રમાંકન માં જ્યાં અંક પછી R આવે ત્યાં આ સૂત્રાંક કે ગાથાંક વૃત્તિમાં બીજી વખત આવેલો જણવો. - શોધવો.
૭. જ્યાં સૂત્રોમાં [ ] આ રીતે ચોરસ કૌંસ મુકેલા છે તે બે ચોરસ કૌંસ વચ્ચેનું લખાણ જાવ વાળા પાઠીની કરેલ પૂર્તિ દર્શાવે છે.

नमो नमो निम्बस्त दंतणस्त  
पंचम गणघर श्री सुधर्मा स्वामिने नमः

## ४५ अनुओगदाराई

(१) नाणं पंचविहं पन्नत्तं तं जहा-आभिणिबोहियनाणं सुयनाणं ओहिनाणं मणपञ्चवनाणं केवलनाणं ।१।-१

(२) तत्थ चत्तारि नाणाई ठप्पाई ठवणिआई-नो उहिस्संति नो समुहिस्संति नो अणुन-विजंति सुयनाणस्स उहेसो समुहेसो अणुन्ना अनुओगो य पवत्तइ ।२।-२

(३) जइ सुयनाणस्स उहेसो समुहेसो अणुन्ना अनुओगो य पवत्तइ किं अंगपविट्ठस्स उहेसो समुहेसो अणुन्ना अनुओगो य पवत्तइ अंगबाहिरस्स उहेसो समुहेसो अणुन्ना अनुओगो य पवत्तइ अंगपविट्ठस्स वि उहेसो समुहेसो अणुन्ना अनुओगो य पवत्तइ अंगबाहिरस्स वि उहेसो समुहेसो अणुन्ना अनुओगो य पवत्तइ इमं पुण पट्ठवणं पडुच्च अंगबाहिरस्स उहेसो समुहेसो अणुन्ना अनुओगो य पवत्तइ ।३।-३

(४) जइ अंगबाहिरस्स उहेसो समुहेसो अणुन्ना अनुओगो य पवत्तइ किं कालियस्स उहेसो समुहेसो अणुन्ना अनुओगो य पवत्तइ उक्कालियस्स उहेसो समुहेसो अणुन्ना अनुओगो य पवत्तइ कालियस्स वि उहेसो समुहेसो अणुन्ना अनुओगो य पवत्तइ उक्कालियस्स वि उहेसो समुहेसो अणुन्ना अनुओगो य पवत्तइ इमं पुण पट्ठवणं पडुच्च उक्कालियस्स उहेसो समुहेसो अणुन्ना अनुओगो य पवत्तइ ।४।-४

(५) जइ उक्कालियस्स उहेसो समुहेसो अणुन्ना अनुओगो य पवत्तइ किं आवस्सयस्स उहेसो समुहेसो अणुन्ना अनुओगो य पवत्तइ आवस्सयवतिरित्तस्स उहेसो समुहेसो अणुन्ना अनुओगो य पवत्तइ आवस्सयस्स वि उहेसो समुहेसो अणुन्ना अनुओगो य पवत्तइ आवस्सयवतिरित्तस्स वि उहेसो समुहेसो अणुन्ना अनुओगो य पवत्तइ इमं पुण पट्ठवणं पडुच्च आवस्सयस्स अनुओगो ।५।-५

(६) जइ आवस्सयस्स अनुओगो आवस्सयणं किं अंगं अंगाई सुयखंधो सुयखंधा अज्झयणं अज्झयणाई उहेसो उहेसा आवस्सयणं नो अंगं नो अंगाई सुयखंधो नो सुयखंधा नो अज्झयणं अज्झयणाई नो उहेसो नो उहेसा ।६।-६

(७) तन्हा आवस्सयं निक्खिविस्सामि सुयं निक्खिविस्सामि खंधं निक्खिविस्सामि अज्झयणं निक्खिविस्सामि ।७।-७

(८) जत्थ य जं जाणेआ निक्खेवं निक्खिवे निरवसेसं

जत्थ वि य न जाणेआ चउक्कयं निक्खिवे तत्थ ॥११॥-१

(९) से किं तं आवस्सयं आवस्सयं चउव्विहं पन्नत्तं तं जहा-नामायस्सयं ठवणावस्सयं दव्वावस्सयं पायावस्सयं ।८।-८

(१०) से किं तं नामावस्सयं नामावस्सयं-जस्स णं जीवस्स वा अजीवस्स वा जीवाण वा अजीवाण वा तदुमयस्स वा तदुभयाण वा आवस्सए ति नामं कइइ से तं नामावस्सयं ।९।-९

(११) से किं तं ठवणावस्सयं ठवणावस्सयं-अण्णं कइइकमे वा चित्तकमे वा पोत्थकमे वा

लेष्यकम्मे वा गंथिमे वा वेढिमे वा पूरिमे वा संघाइमे वा अक्खे वा धराडए वा एगो वा अणेगा वा सव्वावठणाए वा असव्वावठवणाए वा आवस्सए ति ठवणा ठविज्जइ से तं ठवणावस्सयं १०-१०

(११) नाम-द्ववणाणं को पइविसेसो नामं आवकहिंयं ठवणा इत्तरिया वा होजा आवकहिंया वा ११-११

(१२) से किं तं दव्वावस्सयं दव्वावस्सयं दुविहं प० आगमओ य नोआगमओ य १२-१२

(१३) से किं तं आगमओ दव्वावस्सयं आगमओ दव्वावस्सयं-जस्स णं आवस्सए ति पदं सिक्खियं ठियं जियं मियं परिजियं नामसमं घोससमं अहीणक्खरं अणक्खक्खरं अव्वाइल्लक्खरं अक्खलियं अमिलियं अवघामेलियं पडिपुअं पडिपुअघोसं कंठोद्विष्णुमुक्कं गुरुवापणोवगयं से णं तस्य वायणाए पुच्छणाए परियङ्गणाए घम्मकहाए नो अनुपेहाए कक्का अनुवओगो दव्वमिति कइ १३-१३

(१४) नेगमस्स एगो अनुवउत्तो आगमओ एणं दव्वावस्सयं दोण्णि अनुवउत्ता आगमओ दोण्णि दव्वावस्सयाइं तिण्णि अनुवउत्ता आगमओ तिण्णि दव्वावस्सयाइं एवं जावइया अनुवउत्ता तावइयाइं ताइं नेगमस्स आगमओ दव्वावस्सयाइं एवमेव ववहारस्स वि संगहस्स एगो वा अणेगा वा अनुवउत्तो वा अनुवउत्ता वा आगमओ दव्वावस्सयं वा दव्वावस्सयाणि वा से एगे दव्वावस्सए उज्जुसुयस्सएगो अनुवउत्तो आगमओ एणं दव्वावस्सयं पुहत्तं नेच्छइ तिणं सइनयाणं जाणए अनुवउत्ते अवत्तू कक्का जइ जाणए अनुवउत्ते न भवइ से तं आगमओ दव्वावस्सयं १४-१४

(१५) से किं तं नोआगमओ दव्वावस्सयं नोआगमओ दव्वावस्सयं तिविहं प० जाणगसरीरदव्वावस्सयं भवियसरीरदव्वावस्सयं जाणगसरीर-भवियसरीरवतिरितं दव्वावस्सयं १५-१५

(१६) से किं तं जाणगसरीरदव्वावस्सयं जाणगसरीरदव्वावस्सयं-आवस्सए ति पयत्थाहि-गारजाणगस्स जं सरीरयं ववगय-नुय-चाविय-चत्तदेहं जीवदिप्पजजंसेज्जागयं वा संयारगयं वा निसीहियगयं वा सिद्धसिलातलगयं वा पासित्ताणं कोइ वएज्जा-अहो णं इमेणं सरीरसमुत्सएणं जिणदिट्ठेणं भावेणं आवस्सए ति पयं आघवियं पन्नवियं परुवियं दंसियं निदंसियं उवदंसियं जहा को दिट्ठतो अयं महुकुंमे आसी अयं घयकुंमे आसी से तं जाणगसरीरदव्वावस्सयं १६-१६

(१७) से किं तं भवियसरीरदव्वावस्सयं भवियसरीरदव्वावस्सयं-जे जीवे जोण्णिजम्पण-निक्खंते इमेणं चेव आदत्तएणं सरीरसमुत्सएणं जिणदिट्ठेणं भावेणं आवस्सए ति पयं सेयकाले सिक्खिस्सइ न ताव सिक्खइ जहा को दिट्ठतो अयं महुकुंमे भविस्सइ अयं घयकुंमे भविस्सइ से तं भवियसरीरदव्वावस्सयं १७-१७

(१८) से किं तं जाणगसरीर-भवियसरीर-वतिरितं दव्वावस्सयं जाणगसरीर-भविय-सरीर-वतिरितं दव्वावस्सयं तिविहं पन्नत्तं तं जहा-लोइयं कुप्पावयणियं लोगतुरियं १८-१८

(१९) से किं तं लोइयं दव्वावस्सयं लोइयं दव्वावस्सयं-जे इमे राईसर-तलवर-माडंबिय-कोडुंबिय-इव्व-सेड्डि-सेणावइ-सत्थवाहप्पभिइओ कल्लं पाउप्पमायाए रयणोए सुविमलाए फुल्लपल-कमल-कोमलुमिलियमि अहंपंडुरे पमाए रत्तासोगप्पगासकिंसुय-सुयमुह-गुंजद्धराग-सरिसे कमलागार-नलिणिसंडबोहए उड्डियमि सूरु सहरसरिस्सिमि दिण्यरे तेयसा जलंते मुह-धोयण - दंतपक्खालण - तेल्ल - फणिह-सिद्धत्थय-हरियालिय-अहाग-धूव-पुप्फ-मल्ल-गंध-तंबोल-वत्थाइयाइं दव्वावस्सयाइं काउं तओ पच्छा रायकुलं वा देवकुलं वा आरामं वा उज्जाणं वा समं वा पवं वा गच्छंति से तं लोइयं दव्वावस्सयं १९-१९



(२१) से किं तं कुप्पावयणियं दव्वावस्सयं कुप्पावयणियं दव्वावस्सयं-जे इमे घरग-  
धीरिय-चम्मखंडिय-भिकखंड-पंडुरंग-गोयम-गोव्वइय-गिहिधम्म-धम्मचित्तग-अविरुद्ध-विरुद्ध-  
बुद्धसावगणमिड्ढो पांसडत्था कल्लं पाउप्पभायाए रयणीए जाव जलंते इंदस्स वा खंदस्स वा  
रुद्धस्स वा सिवस्स वा वेस्मणस्स वा देवस्स वा नागस्स वा जक्खस्स वा भूयस्स वा मुगुंदस्स-वा  
अज्जाए वा कोट्टकिरियाए वा उवल्लेवण-सम्मअण-आवरिसणं-धूव-पुप्फ-गंध-मल्लाइयाईं दव्वा-  
वस्सायाईं करोति से तं कुप्पावयणियं दव्वावस्सयं ॥२०॥-२०

(२२) से किं तं लोगतुरियं दव्वावस्सयं, जे इमे सम्मणगुणमुक्कजोगी छक्कायनिरणुकंपा  
हया इव उद्दामा गया इव निरंकुसा घट्टा मट्टा तुप्पोट्टा पंडुरपाउरण्णा जिणाणं अणाणाए सच्छंदं  
विहरिऊणं उभओकालं आवस्सयस्स उवड्ढंति से तं लोगतुरियं दव्वावस्सयं से तं जाणगसरी-  
भवियसरी-वतितं दव्वावस्सयं से तं नोआगमओ दव्वावस्सयं से तं दव्वावस्सयं ॥२१॥-२१

(२३) से किं तं भावावस्सयं भावावस्सयं दुविहं प० आगमओ य नोआगमओ य ॥२२॥-२२

(२४) से किं तं आगमओ भावावस्सयं आगमओ भावावस्सयं-जाणए उवउत्ते से-तं  
आगमओ भावावस्सयं ॥२३॥-२३

(२५) से किं तं नोआगमओ भावावस्सयं नो आगमओ भावावस्सयं तिविहं पत्रत्तं तं जह-  
लोहयं कुप्पावयणियं लोगतुरियं ॥२४॥-२४

(२६) से किं तं लोइयं भावावस्सयं लोइयं भावावस्सयं-मुव्वण्हे भारहं अवरण्हे रामायणं से  
तं लोइयं भावावस्सयं ॥२५॥-२५

(२७) से किं तं कुप्पावयणियं भावावस्सयं कुप्पावयणियं भावावस्सयं-जे इमं घरग-  
धीरिय जाव पांसडत्था इज्जंजलि-होम-अप-उदुरुक्क-नमोक्कारमाइयाईं भावावस्सयाईं करोति से  
तं कुप्पावयणियं भावावस्सयं ॥२६॥-२६

(२८) से किं तं लोगतुरियं भावावस्सयं लोगतुरियं भावावस्सयं-जण्णं इमं समणे वा  
सम्मणी वा सावए वा साविया वा तच्चित्ते तम्मणे तल्लेसे तदज्झवसिए ततिव्वज्झवसाणे तदट्ठोवउत्ते  
तदणियकरणे तव्वावणाभाविए अन्नत्थ कत्थइ मणं अकरेमाणे उभओ कालं आवस्सयं करोति से  
तं लोगतुरियं भावावस्सयं से तं नोआगमओ भावावस्सयं से तं भावावस्सयं ॥२७॥-२७

(२९) तस्स णं इमे एगट्ठिया बाणाधोसा नाणावज्जा नामधेआ भवति ॥२८॥-२८-१

(३०) आवस्सयं अवस्सरणिज्ज धुवनिगग्हो विसोही य  
अज्झयणछक्कवग्गो नाओ आराहणा मग्गो ॥२८॥-२

(३१) सम्मणेण सावएण य अवस्सकायव्वं हवइ जम्हा  
अंतो अहोनिस्स उ तम्हा आवस्सयं नाम ॥३०॥-३

(३२) से तं आवस्सयं ॥२८॥-२८

(३३) से किं तं सुयं सुयं चउव्विहं प० नामसुयं ठवणासुयं दव्वसुयं भावसुयं ॥२९॥-२९

(३४) से किं तं नामसुयं नामसुयं-जस्स णं जीवस्स वा अजीवस्स वा जीवाण वा अजीवाण  
वा तदुभयस्स वा तदुभयाण वा सुए ति नामं कज्जइ से तं नामसुयं ॥३०॥-३०

(३५) से किं तं ठवणासुयं ठवणासुयं-जण्णं कट्ठकम्मे वा [वित्तकम्मे वा पोत्थकम्मे वा  
लेप्पकम्मे वा गंधिमे वा वेढिमे वा पूरिमे वा संघाइमे वा अक्खे वा वराडए वा एणो वा अणेगा वा  
सव्भावठवणाए वा असव्भावठवणाए वा सुए ति] ठवणा ठविज्जइ से तं ठवणासुयं नाम-ठवणाणं

को पइविसेलो नाम आवकहियं ठवणा इत्तरिया वा होआ आवकहिया वा ।३१।-३१

(३१) से किं तं दव्वसुयं दव्वसुयं दुविहं पत्रत्तं० आगमओ य नोआगमओ य ।३२।-३२

(३२) से किं तं आगमओ दव्वसुयं आगमओ दव्वसुयं-जस्स णं सुए ति पदं सिक्खियं ठियं जिय मियं परिजियं जाव नो अनुपेहाए कम्हा अनुवओगो दव्वमिति कट्टु, नेगमस्स एगो अनुवउत्तो आगमओ एणं दव्वसुयं जाव कम्हा जइ जाणए अनुवउत्ते न पवइ से तं आगमओ दव्वसुयं ।३३।-३३

(३४) से किं तं नोआगमओ दव्वसुयं नोआगमओ दव्वसुयं तिविहं पत्रत्तं तं जहा-जाणगसरीरदव्वसुयं भवियसरीरदव्वसुयं जाणगसरीर-भवियसरीर-वतिरित्तं दव्वसुयं ।३४।-३४

(३५) से किं तं जाणगसरीरदव्वसुयं जाणगसरीरदव्वसुयं-सुए ति पयत्थाहिगारजाणस्स जं सरीरयं ववगय-चुय-धाविय-तं चेव पुच्च भणियं भाणियव्वं जाव से तं जाणगसरीरदव्वसुयं ।३५।-३५

(३६) से किं तं भवियसरीरदव्वसुयं भवियसरीरदव्वसुयं-जे जीवे जोणीजम्भणनिक्खंते जहा दव्वावस्स ए तहा भाणियव्वं जाव से तं भविय-सरीरदव्वसुयं ।३६।-३६

(३७) स किं तं जाणगसरीर-भवियसरीर-वतिरित्तं दव्वसुयं जाणगसरीर-भवियसरीर-वतिरित्तं दव्वसुयं-पत्तय-पोत्थय-लिहियं अहवा सुयं पंचविहं पत्रत्तं तं जहा-अंडयं बोंडयं कीडयं बालयं वक्कयं से किं तं अंडयं अंडयं-हंसगम्भाइ से तं अंडयं से किं तं बोंडयं बोंडयं-फलहमाइ से तं बोंडयं से किं तं कीडयं कीडयं पंचविहं पत्रत्तं तं जहा-पट्टे मलए अंसुए चीणंसुए किमिरागे से तं कीडयं से किं तं बालयं बालयं पंचविहं पत्रत्तं तं जहा-उण्णिए उट्ठिए मियलोमिए कुतवे किट्ठिसे से तं बालयं से किं तं वक्कयं वक्कयं-सणमाइ से तं वक्कयं से तं जाणगसरीरभवियसरीर-वतिरित्तं दव्वसुयं से तं नोआगमओ दव्वसुयं से तं दव्वसुयं ।३७।-३७

(३८) से किं तं मावसुयं भावसुयं दुविहं पत्रत्तं तं जहा-आगमओ य नोआगमओ य ।३८।-३८

(३९) से किं तं आगमओ भावसुयं आगमओ भावसुयं-जाणए उवउत्ते से तं आगमओ भावसुयं ।३९।-३९

(४०) से किं तं नोआगमओ भावसुयं नोआगमओ भावसुयं दुविहं पत्रत्तं तं जहा-लोइयं लोगुत्तरियं ।४०।-४०

(४१) से किं तं लोइयं भावसुयं लोइयं भावसुयं-जं इमं अण्णाणिएहिं मिच्छदिट्ठीहिं सव्वद-बुद्धि-मइ-विगप्पियं तं जहा-भारहं रामायणं हंभीमासुरुत्तं कोडिस्सयं षोडमुहं सगमहियओ कप्पा-सियं नागसुहुमं कणगसत्तरी वेसियं वइसेसियं बुद्धवयणं काविलं लोगायत्तं सद्धितं मादरं पुराणं वागरणं नाडगादि अहवा बावत्तरिकलाओ चत्तारि वेया संगोवंगा से तं लोइयं भावसुयं ।४१।-४१

(४२) से किं लोगुत्तरियं भावसुयं० जं इमं अरहंतेहिं भगवंतेहिं उप्यन्ननाणदंसणधरेहिं तीय-पडुप्पन्नमणागयजाणएहिं सव्वन्नूहिं सव्वदरिसीहिं तेलोक्कव-हिय-महिय-पूइएहिं पणीयं दुवालसंगं गणपिड्ढां तं जहा-आयारो सूयगओ ठाणं समवाओ विवाहपत्रत्ती नायाधम्मकहाओ उवासगदसाओ अंतगडदसाओ अनुत्तरोववाइयदसाओ पण्हावागर-णाइ विवागसुयं दिट्ठिवाओ से तं लोगुत्तरियं भावसुयं से तं नोआगमओ भावसुयं से तं भावसुयं ।४२।-४२

(४३) तस्स णं इमे एगद्धिया नाणाधोसा नाणावजणा नामथेआ भवन्ति ।४३।-४३

(४८) सुय सुत गंय सिद्धंत सासणे आण वयण उवएसे  
पत्रवण आगमे य एगड्ठा पञ्जवा सुते

॥४८॥-४

(५७) से तं सुयं ॥४१॥-४३

(५०) से किं तं खंघे खंघे चउव्विहे ५० नामखंघे ठवणाखंघे दव्वखंघे भावखंघे ॥४८॥-४४

(५१) से किं तं नामखंघे नामखंघे-जस्स णं जीवस्स वा अजीवस्स वा जीवाण वा अजीवाण तदुभयस्स वा तदुभवाण वा खंघे ति नामं कज्झइ से तं नामखंघे से किं तं ठवणाखंघे ठवणाखंघे जणं कइकम्मे वा चित्तकम्मे वा पोत्यकम्मे वा लेप्पकम्मे वा गंधिमे वा वेढिमे वा पूरिमे वा संघाइमे वा अक्के वा कराडए वा एगौ वा अणेग या सम्भादठणाए वा असम्भादठवणाए वा खंघे ति ठवणा ठविज्झइ से तं ठवणाखंघे नाम-द्ववणाणं को पइविसेसो नामं आयकहिंयं ठवणा इत्तरिया वा होआ आयकहिंया वा ॥४५॥-४५

(५२) से किं तं दव्वखंघे दव्वखंघे दुविहे पत्रते तं जहा-आगमओ य नोआगमओ य से किं तं आगमओ दव्वखंघे आगमओ दव्वखंघे-जस्स णं खंघे ति पदं सिक्खियं सेसं जहा दव्वावत्सए तहा भाणियव्वं नवरं खंधाभिलाओ जाव से किं तं जाणगसरीर-भवियसरीर-वत्तिरित्ते दव्वखंघे जाणगसरीर-भविय-सरीर-वत्तिरित्ते दव्वखंघे ति विहे पत्रते तं जहा-सचित्ते अचित्ते मीसए ॥४६॥-४७

(५३) से किं तं सचित्ते दव्वखंघे सचित्ते दव्वखंघे अणेगविहे पत्रते तं जहा-हयखंघे गयखंघे किन्नरखंघे किंपुरिसखंघे महोरगखंघे उसभखंघे से तं सचित्ते दव्वखंघे ॥४७॥-४७

(५४) से किं तं अचित्ते दव्वखंघे अचित्ते दव्वखंघे अणेगविहे पत्रते तं जहा-दुपएसिए खंघे तिपएसिए खंघे जाव दसपएसिए खंघे संखेज्जपएसिए खंघे असंखेज्जपएसिए खंघे अनंतपएसिए खंघे से तं अचित्ते दव्वखंघे ॥४८॥-४८

(५५) से किं तं मीसए दव्वखंघे मीसए दव्वखंघे अणेगविहे पत्रते तं जहा-सेणाए अग्गिमे खंघे सेणाए मज्झिमे खंघे सेणाए पच्छिमे खंघे से तं मीसए दव्वखंघे ॥४९॥-४९

(५६) अहवा जाणगसरीर-भवियसरीर-वत्तिरित्ते दव्वखंघे ति विहे पत्रते तं जहा-कसिणखंघे अकसिणखंघे अणेगदवियखंघे ॥५०॥-५०

(५७) से किं तं कसिणखंघे कसिणखंघे-से चेव हयखंघे गयखंघे [किन्नरखंघे किंपुरिसखंघे महोरगखंघे] उसभखंघे से तं कसिणखंघे ॥५१॥-५१

(५८) से किं तं अकसिणखंघे अकसिणखंघे-से चेव दुपएसिए खंघे [तिपएसिए खंघे जाव दसपएसिए खंघे संखेज्जपएसिए खंघे असंखेज्जपएसिए खंघे] अनंतपएसिए खंघे से तं अकसिणखंघे ॥५२॥-५२

(५९) से किं तं अणेगदवियखंघे, तस्सेव देसे अवचिए तस्सेव देसे उवचिए से तं अणेगदवियखंघे से तं जाणगसरीर-भवियसरीर-वत्तिरित्ते दव्वखंघे से तं दव्वखंघे ॥५३॥-५३

(६०) से किं तं भावखंघे भावखंघे दुविहे पत्रते आगमओ य नोआगमओ य ॥५४॥-५४

(६१) से किं तं आगमओ भावखंघे, जाणए उवउत्ते से तं आगमओ भावखंघे ॥५५॥-५५

(६२) से किं तं नोआगमओ भावखंघे नोआगओ भावखंघे-एएसिं चेव सामाइय-माइयाण छण्हं अज्झयणाणं समुदय-समिति-समागमेणं निष्कण्णे आवस्सयसुयखंघे भावखंघे ति लब्भइ से तं नोआगमओ भावखंघे से तं भावखंघे ॥५६॥-५६

(६३) तस्स णं इमे एगड्ठिया नाणाघोसा नाणावंजणा नामधेआ भवन्ति - ॥५७॥-१

(७०) से किं तं उचक्कमे उचक्कमे छीव्वहे पत्रते तं जहा-नामोवक्कमे ठवणोवक्कमे दव्वोवक्कमे खेतोवक्कमे कालोवक्कमे भावोवक्कमे से नामव्वणाओ गयाओ से किं तं दव्वोवक्कमे दुविहे पत्रते तं जहा-आगमओ य नोआगओ य से किं तं आगमओ दव्वोवक्कमे आगमओ दव्वोवक्कमे-अस्स णं उचक्कमे ति पदं सिक्खियं ठियं जियं मियं परिजियं नामसमं घोससमं अहीणक्खरं अणक्खरक्खरं अच्चाइद्धक्खरं अक्खलियं अमिलियं अवच्चाभेलियं पडिपुअ पडिपुअघोसं कंठोद्विप्पमुक्कं गुरुवायणोवगयं से णं तत्थ दायणाए पुच्छणाए परियट्ठणाए धम्मकहाए नो अनुपेहाए कम्हा अनुवओगो दव्वमिति कट्ठ नेगमस्स एगो अनुवउत्तो आगमओ एगे दव्वोक्कमे दोणिण अनुवउत्ता आगमओ दोणिण दव्वोक्कमाइं तिणिण अनुवउत्ता आगमओ तिणिण दव्वोक्कमाइं एवं जावइया अनुवउत्ता तावियाइं ताइं नेगमस्स आगमओ दव्वोवक्कमाइं एवमेव ववहारस्स वि संगहस्स एगो वा अणेगा वा अनुवउत्तो वा अनुवउत्ता वा आगमओ दव्वोवक्कमे वा दव्वोवक्कमाणि वा से एगे दव्वोवक्कमे उज्जुसुयस्स एगो अनुवउत्तो आगमओ एगे दव्वोवक्कमे पुहतं नेच्छइ तिण्हं सहनपाणं जाणए अनुवउत्ते अवत्थू कम्हा जइ जाणए अनुवउत्ते न भवइ से तं आगमओ दव्वोवक्कमे से किं तं नोआगमओ दव्वोवक्कमे नोआगमओ दव्वोक्कमे तिविहे पत्रते तं जहा-जाणगसरीरदव्वोवक्कमे भवियसरीरदव्वोवक्कमे जाणगसरीर-भवियसरीर-वतिरिते दव्वोवक्कमे, से किं तं जाणगसरीरदव्वोवक्कमे जाणगसरीरदव्वोवक्कमे-उचक्कमे ति पयत्था-हिगारजाणगस्स जं सरीरयं ववगय-नुय-चाविय-वत्तदेहं जीवविप्पजदं सेज्जागयं वा संयारगयं वा निसीहियागयं वा सिद्धसिलातलगयं वा पासित्ताणं कोइ वएज्जा-अहो णं इमेणं सरीरसमुस्सएणं जिणदिट्ठेणं पावेणं उचक्कमे ति पयं आघवियं पव्रवियं पव्ववियं इंसियं निदंसियं उवदंसियं जहा को दिट्ठंतो अयं महुकुंमे आसी अयं घयकुंमे आसी से तं जाणगसरीरदव्वोवक्कमे से किं तं भवियसरीरदव्वोवक्कमे भवियसरीरदव्वोवक्कमे-जे जीवे जोणिजम्पणनिकखंते इमेणं वेव आदत्तएणं सरीरसमुस्सएणं जिणदिट्ठेणं पावेणं उचक्कमे ति पयं सेयकाले सिक्खिस्सइ न ताव सिक्खइ जहा को दिट्ठंतो अयं महुकुंमे भविस्सइ अयं घयकुंमे भविस्सइ से तं भवियसरीर-दव्वोवक्कमे से किं तं जाणगसरीर-भवियसरीर-वतिरिते दव्वोवक्कमे जाणगसरीर-भविय-सरीर-वतिरिते दव्वोवक्कमे तिविहे

पत्रते तं जहा-सचिते अचिते मीसए ।६०।-६०

(७१) से किं तं सचिते दव्वोवक्कमे सचिते दव्वोवक्कमे तिदिहे प० दुपयाणं चउप्पयाणं अपयाणं उपयाणं एक्किक्कं पुण दुविहे पत्रते तं जहा-परिकम्मे य वत्तुविणासे य ।६१।-६१

(७२) से किं तं दुपयउवक्कमे दुपयउवक्कमे-दुपयाणं नडाणं नट्टाणं जल्लाणं मल्लाणं मुट्ठियाणं वेलंबगाणं कहगाणं पक्काणं सासागाणं आइक्खागाणं संखाणं मंखाणं तूणइल्लाणं तुंबवीणियाणं कायाणं मागाणां से तं दुपयउवक्कमे ।६२।-६२

(७३) से किं तं चउप्पयउवक्कमे चउप्पयउवक्कमे-चउप्पयाणं आसाणं हत्थीणं इच्चाइ से तं चउप्पयउवक्कमे ।६३।-६३

(७४) से किं तं अपयउवक्कमे अपयउवक्कमे अपयाणं अंबाणं अंबाडगाणं इच्चाइ से तं अपयउवक्कमे से तं सच्चिते दव्वोक्कमे ।६४।-६४

(७५) से किं तं अचिते दव्वोवक्कमे अचिते दव्वोवक्कमे-खंडाईणं गुडाईणं मच्छंडीणं से तं अचिते दव्वोवक्कमे ।६५।-६५

(७६) से किं तं मीसए दव्वोवक्कमे मीसए दव्वोवक्कमे-से वेव दासगआयंसगाइमंछिए आसाइ से तं मीसए दव्वोवक्कमे से तं जाणगसरीर-भविउसरीर-यत्तिरिते दव्वोवक्कमे से तं नोआगमओ दव्वोवक्कमे से तं दव्वोवक्कमे ।६६।-६६

(७७) से किं तं खेतोवक्कमे खेतोवक्कमे-जण्णं हलकुलियाईहिं खेत्ताइ उवक्कमिज्जंति इच्चाइ से तं खेतोवक्कमे ।६७।-६७

(७८) से किं तं कालोवक्कमे कालोवक्कमे-जण्णं नालियाईहिं कालस्सोवक्कमणं कीरइ से तं कालोवक्कमे ।६८।-६८

(७९) से किं तं भावोवक्कमे भावोवक्कमे दुविहे पत्रते तं जहा-आगमओ य नोआगमओ य से किं तं आगमओ भावोवक्कमे आगमाओ भावोवक्कमे-जाणए उवउत्ते से तं आगमओ भावोवक्कमे से किं तं नोआगमओ भावोवक्कमे नोआगमओ भावोवक्कमे दुविहे पत्रते तं जहा-पसत्ये य अपसत्ये य से किं तं अपसत्ये भावोवक्कमे अपसत्ये भावोवक्कमे-ओडिणि-गणिया अमच्चाईणं से तं अपसत्ये भावोवक्कमे से किं तं पसत्ये भावोवक्कमे पसत्ये भावोवक्कमे-गुरुमाईणं से तं पसत्ये भावोवक्कमे से तं नोआगमओ भावोवक्कमे से तं भावोवक्कमे से तं उवक्कमे ।६९।-६९

(८०) अहवा उवक्कमे छव्विहे पत्रते तं जहा-आणुपुव्वी नामं पमाणं वत्तव्वया अत्थाहिगारे समोयारे ।७०।-७०

(८१) से किं तं आणुपुव्वी आणुपुव्वी दसविहा पत्रत्ता तं जहा-नामाणुपुव्वी ठवणाणुपुव्वी दव्वाणुपुव्वी खेत्ताणुपुव्वी कालाणुपुव्वी उक्किक्कत्ताणुपुव्वी गणणाणुपुव्वी संठाणाणुपुव्वी सामायारियाणुपुव्वी भावाणुपुव्वी ।७१।-७१

(८२) से किं तं नामाणुपुव्वी [नामाणुपुव्वी-जस्स णं जीवस्स वा अजीवस्स वा जीवाण वा अजीवाण वा तदुभयस्स वा तदुभयणा वा आणुपुव्वी ति नामं कअइ से तं नामाणुपुव्वी से किं तं ठवणाणुपुव्वी ठवणाणुपुव्वी-जण्णं कट्ठकम्मे वा चित्तकम्मे वा पोत्थ कम्मे वा लेप्पकम्मे वा गंथिमे वा वेदिमे वा पूरिमे वा संघाइमे वा अक्खे वा वराडए वा एगो वा अणेगा वा सम्भावठवणाए वा असम्भावठवणाए वा आणुपुव्वी ति ठवणा ठविजइ से तं ठवणाणुपुव्वी नाम-द्ववणाणं को पइवि-

सेसो नाम आवकहिणं ठवणा इतरिया वा होआ आवकहिणिया वा। से किं तं दव्वाणुपुव्वी [एवं घेव जाव दव्वोयक्कमे तहा भाणियव्वं] से किं तं जाणगसरीर-भविणसरीर-यतिरित्ता दव्वाणुपुव्वी जाणगसरीर-भविणसरीर-यतिरित्ता दव्वाणुपुव्वी दुविहा पत्रत्ता तं जहा-ओवणिहिया य अणोवणिहिया य तत्थ णं जा सा ओवणिहिया सा ठप्पा तत्थ णं जा सा अणो-वणिहिया सा दुविहा पत्रत्ता तं जहा-नेगम-ववहारणं संगहस्स य । ७२।-७२

(८३) से किं तं नेगम-ववहारणं अणोवणिहिया दव्वाणुपुव्वी नेगम-ववहारणं अणोवणिहिया दव्वाणुपुव्वी पंचविहा पत्रत्ता तं जहा-अट्ठपयपरुवणया भंगसमुक्किक्तणया भंगोवदंसणया समोयारे अनुगमे । ७३।-७३

(८४) से किं तं नेगम-ववहारणं अट्ठपयपरुवणया नेगम-ववहारणं अट्ठपयपरुवणया-तिपएसिए आणुपुव्वी चउपएसिए आणुपुव्वी जाव दसपएसिए आणुपुव्वी संखेअपएसिए आणुपुव्वी असंखेअपएसिए आणुपुव्वी अनंतपएसिए आणुपुव्वी परमाणुपोगले अणाणुपुव्वी दुपएसिए अवत्तव्वए तिएसिया आणुपुव्वीओ जाव अनंतपएसिया आणुपुव्वीओ परमाणुपोगला अणाणुपुव्वीओ दुपएसिया अवत्तव्वयाइं से तं नेगम-ववहारणं अट्ठपयपरुवणया । ७४।-७४

(८५) एयाए णं नेगम-ववहारणं अट्ठपयपरुवणयाए किं पओयणं एयाए णं नेगम-ववहारणं अट्ठपयपरुवणयाए भंगसमुक्किक्तणया कअइ । ७५।-७५

(८६) से किं तं नेगम-ववहारणं भंगसमुक्किक्तणया नेगम-ववहारणं भंगसमुक्किक्तणया-अत्थ आणुपुव्वी अत्थि अणाणुपुव्वी अत्थि अवत्तव्वए अत्थि आणुपुव्वीओ अत्थि अणाणुपुव्वीओ अत्थि अवत्तव्वयाइं अहवा अत्थि आणुपुव्वी य अणाणुपुव्वी य अहवा अत्थि आणुपुव्वी य अणाणुपुव्वीओ य अहवा अत्थि आणुपुव्वीओ य अणाणुपुव्वी य अहवा अत्थि आणुपुव्वीओ य अणाणुपुव्वीओ य अहवा अत्थि आणुपुव्वी य अवत्तव्वए य अहवा अत्थि आणुपुव्वी य अवत्तव्वयाइं च अहवा अत्थि आणुपुव्वीओ य अवत्तव्वए य अहवा अत्थि आणुपुव्वीओ य अवत्तव्वयाइं च अहवा अत्थि अणाणुपुव्वी य अवत्तव्वए य अहवा अत्थि अणाणुपुव्वी य अवत्तव्वयाइं च अहवा अत्थि अणाणुपुव्वीओ य अवत्तव्वए य अहवा अत्थि अणाणुपुव्वीओ य अवत्तव्वयाइं च अहवा अत्थि आणुपुव्वी य अणाणुपुव्वी य अवत्तव्वए य अहवा अत्थि आणुपुव्वी य अणाणुपुव्वीओ य अवत्तव्वए य अहवा अत्थि आणुपुव्वी य अणाणुपुव्वीओ य अवत्तव्वयाइं च अहवा अत्थि आणुपुव्वीओ य अवत्तव्वयाइं च अहवा अत्थि आणुपुव्वीओ य अणाणुपुव्वीओ य अवत्तव्वयाइं च एए अट्ठ भंगा एवं सव्वे वि छवीसं भंगा से तं नेगम-ववहारणं भंगसमुक्किक्तणया । ७६।-७६

(८७) एयाए णं नेगम-ववहारणं भंगसमुक्किक्तणयाए किं पओयणं एयाए णं नेगम-ववहारणं भंगसमुक्किक्तणयाए भंगोवदंसणया कीरइ । ७७।-७७

(८८) से किं तं नेगम-ववहारणं भंगोवदंसणया नेगम-ववहारणं भंगोवदंसणया-तिपएसिए-आणुपुव्वी परमाणुपोगले-अणाणुपुव्वी दुपएसिए-अवत्तव्वए तिपएसिया-आणुपुव्वीओ परमाणुपोगला-अणाणुपुव्वीओ दुपएसिया अहवा तिपएसिए य परमाणुपोगले य आणुपुव्वी य अणाणुपुव्वी य अहवा तिपएसिए य परमाणुपोगला य आणुपुव्वी य अणाणुपुव्वीओ य अहवा तिपएसिया य परमाणुपोगले य आणुपुव्वीओ य अणाणुपुव्वी य अहवा तिपएसिया य

(१४) नेगम-ववहाराणं आणुपुब्बिद्व्याइं लोगस्स कति भागे होआ-किं सखेअइभागे होआ  
असंखेअइभागे होआ संखेअसु भागेसु होआ असंखेअसु भागेसु होआ सब्वलोए होआ एगदव्वं

पडुच्च लोगस्स संखेअइभागे वा होआ असंखेअइभागे वा होआ संखेअइभागेसु वा होआ असंखेअइभागेसु वा होआ सव्वलोए वा होआ नाणादव्वाइं पडुच्च नियमा सव्वलोए होआ नेगम-ववहारणं अणाणुपुब्बिदव्वाइं लोगस्स कति भागे होआ-किं संखेअइभागे होआ असंखेअइभागे होआ संखेअइभागेसु भागेसु होआ असंखेअइभागेसु भागेसु होआ सव्वलोए होआ एगदव्वं पडुच्च लोगस्स नो संखेअइभागे होआ असंखेअइभागे होआ नो संखेअइभागेसु भागेसु होआ नो असंखेअइभागेसु भागेसु होआ नो सव्वलोए होआ नाणादव्वाइं पडुच्च नियमा सव्वलोए होआ एवं अवत्तव्वगदव्वाणि वि ॥८३॥-८३

(१५) नेगम-ववहारणं आणुपुब्बिदव्वाइं लोगस्स कति भागं फुसंति-किं संखेअइभागं फुसंति असंखेअइभागं फुसंति संखेअइ भागे फुसंति असंखेअइ भागे फुसंति सव्वलोगं फुसंति एगदव्वं पडुच्च लोगस्स संखेअइभागं वा फुसंति असंखेअइभागं वा फुसंति संखेअइ भागे वा फुसंति असंखेअइ भागे वा फुसंति सव्वलोगं वा फुसंति नाणादव्वाइं पडुच्च नियमा सव्वलोगं फुसंति नेगम-ववहारणं अणाणुपुब्बिदव्वाणं पुच्छा एगदव्वं पडुच्च नो संखेअइभागं फुसंति असंखेअइभागं फुसंति नो संखेअइ भागे फुसंति नो असंखेअइ भागे फुसंति नो सव्वलोगं फुसंति नाणादव्वाइं पडुच्च नियमा सव्वलोगं फुसंति एवं अवत्तव्वदव्वाणि वि माणियव्वाणि ॥८४॥-८४

(१६) नेगम-ववहारणं आणुपुब्बिदव्वाइं कालओ केवच्चिरं होति एगदव्वं पडुच्च जहण्णण एगं समयं उक्कोसेणं असंखेअइं कालं नामादव्वाइं पडुच्च नियमा सव्वद्धा एवं दोण्णि वि अणाणुपुब्बिदव्वाइं अवत्तव्वगदव्वाइं च एवं चैव भाणिअव्वाइं ॥८५॥-८५

(१७) नेगम-ववहारणं आणुपुब्बिदव्वाणं अंतरं कालओ केवच्चिरं होइ एगदव्वं पडुच्च जहण्णेणं एगं समयं उक्कोसेणं अनंतं कालं नाणादव्वाइं पडुच्च नत्थि अंतरं नेगम-ववहारणं अणाणुपुब्बिदव्वाणं अंतरं कालओ केवच्चिरं होइ एगदव्वं पडुच्च जहण्णेणं एगं समयं उक्कोसेणं असंखेअइं कालं नाणादव्वाइं पडुच्च नत्थि अंतरं नेगम ववहारणं अवत्तव्वगदव्वाणं अंतरं पुच्छा० एगदव्वं पडुच्च जहण्णेणं एगं समयं उक्कोसेणं अनंतं कालं नाणादव्वाइं पडुच्च नत्थि अंतरं ॥८६॥-८६

(१८) नेगम-ववहारणं आणुपुब्बिदव्वाइं सेसदव्वाणं कइ भागे होआ-किं संखेअइ भागे होआ असंखेअइभागे होआ संखेअइसु भागेसु होआ असंखेअइसु भागेसु होआ नो संखेअइभागे होआ नो असंखेअइभागे होआ नो संखेअइसु भागेसु होआ नियमा असंखेअइसु भागेसु होआ नेगम-ववहारणं अणाणुपुब्बिदव्वाइं सेसदव्वाणं कइ भागे होआ-किं संखेअइभागे होआ असंखेअइभागे होआ संखेअइसु भागेसु होआ असंखेअइसु भागेसु होआ नो संखेअइभागे होआ असंखेअइभागे होआ नो संखेअइसु भागेसु होआ नो असंखेअइसु भागेसु होआ एवं अवत्तव्वगदव्वाणि वि भा० ॥८७॥-८७

(१९) नेगम-ववहारणं आणुपुब्बिदव्वाइं कयरम्मि भावे होआ-किं उदइए भावे होआ उवसमिए भावे होआ छइए भावे होआ छओवसमिए भावे होआ परिणामिए भावे होआ सत्रिवाइए भावे होआ नियमा साइपरिणामि भावे होआ अणाणुपुब्बिदव्वाणि ॥८८॥-८८

(१००) एसि णं नेगम-ववहारणं आणुपुब्बिदव्वाणं अणाणुपुब्बिदव्वाणं अवत्तव्व-गदव्वाणं य दव्वट्ठयाए पएसट्ठयाए दव्वट्ठ-पएसट्ठयाए कयरे कयरोहिंतो अप्पा का बहुया का तुल्ला का विसेसाहिया वा सव्वत्थोवाइं नेगम-ववहारणं अवत्तव्वगदव्वाइं दव्वट्ठयाए अणाणुपुब्बि-दव्वाइं दव्वट्ठयाए विसेसाहियाइं आणुपुब्बिदव्वाइं दव्वट्ठयाए असंखेअगुणाइं पएसट्ठयाए-सव्वत्थोवाइं नेगम-ववहारणं अणाणुपुब्बिदव्वाइं अपएसट्ठयाए अवत्तव्वगदव्वाइं पएसट्ठयाए



विसेसाहियाइं आणुपुब्बिदब्बाइं पएसइयाए अनंतगुणाइं दब्बइयाए-पएसइयाए-सब्बत्थोवाइं नेगम-  
ववहाराणं अवत्तब्बगदब्बाइं दब्बइयाए अणाणुपुब्बिदब्बाइं दब्बइयाए अपएसइयाए विसेसाहि  
याइं अवत्तब्बगदब्बाइं पएसइयाए विसेसाहियाइं आणुपुब्बिदब्बाइं दब्बइयाए असंखेअगुणाइं  
ताइं चैव पएसइयाए अनंतगुणाइं से तं अनुगमे से तं नेगम-ववहाराणं अनोवणिहिया दब्बाणुपुब्बी

॥८९॥-८९

(१०१) से किं तं संगहस्स अनोवणिहिया दब्बाणुपुब्बी संगहस्स अनोवणिहिया दब्बाणु-  
पुब्बी पंचविहा पत्रत्ता तं जहा-अट्ठपयपरूवणया भंगसमुक्किक्तणया भंगोवदंसणया समोयारे  
अनुगमे ॥९०॥-९०

(१०२) से किं तं संगहस्स अट्ठपयपरूवणया संगहस्स अट्ठपयपरूवणया-तिपएसिया  
आणुपुब्बी चउपएसियाआणुपुब्बी जाव दसपएसियाआणुपुब्बी संखेअपएसियाआणुपुब्बी असं-  
खेअपएसियाआणुपुब्बी अनंतपएसियाआणुपुब्बी परमाणुपोग्गलाअणाणुपुब्बी दुपएसिया अव-  
त्तब्बए से तं संगहस्स अट्ठपयपरूवणया ॥९१॥-९१

(१०३) एयाए णं संगहस्स अट्ठपयपरूवणयाए किं पओयणं एयाए णं संगहस्स  
अट्ठपयपरूवणयाए भंगसमुक्किक्तणया कीरइ से किं तं संगहस्स भंगसमुक्किक्तणया संगहस्स  
भंगसमुक्किक्तणया-अत्थि आणुपुब्बी अत्थि अणाणुपुब्बी अत्थि अवत्तब्बए अहवा अत्थि  
आणुपुब्बी य अणाणुपुब्बी य अहवा अत्थि आणुपुब्बी य अवत्तब्बए य अहवा अत्थि अणाणुपुब्बी  
य अवत्तब्बए य अहवा अत्थि आणुपुब्बी य अणाणुपुब्बी य अवत्तब्बए य एवं एए सत्तं भंगा से तं  
संगहस्स भंगसमुक्किक्तणया एयाए णं संगहस्स भंगसमुक्किक्तणयाए किं पओयणं एयाए णं  
संगहस्स भंगसमुक्किक्तणयाए भंगोवदंसणया कीरइ ॥९२॥-९२

(१०४) से किं तं संगहस्स भंगोवदंसणया संगहस्स भंगोवदंसणया-तिपएसिया आणुपुब्बी  
परमाणुपोग्गलाअणाणुपुब्बी दुपएसियाअवत्तब्बए अहवा तिपएसिया य परमाणुपोग्गला य  
आणुपुब्बी य अणाणुपुब्बी य अहवा तिपएसिया य दुपएसिया य आणुपुब्बी य अवत्तब्बए य  
अहवा परमाणुपोग्गला य दुपएसिया य अणाणुपुब्बी य अवत्तब्बए य अहवा तिपएसिया य  
परमाणुपोग्गला य दुपएसिया य आणुपुब्बी य अणाणुपुब्बी य अवत्तब्बए य एवं एए सत्तं भंगा से  
तं संगहस्स भंगोवदंसणया ॥९३॥-९३

(१०५) से किं तं संगहस्स समोयारे समोयारे-संगहस्स आणुपुब्बिदब्बाइं कहिं समोयरंति  
किं आणुपुब्बिदब्बेहिं समोयरंति अणाणुपुब्बिदब्बेहिं समोयरंति अवत्तब्बग दब्बेहिं समोयरंति,  
संगहस्स आणुपुब्बि दब्बाइं आणुपुब्बिदब्बेहिं समोयरंति नो अणाणुपुब्बिदब्बेहिं समोयरं नो  
अवत्तब्बगदब्बेहिं समोयरंति एवं दोण्णि वि सट्ठाणे समोयरंति से तं समोयारे ॥९४॥-९४

(१०६) से किं तं अनुगमे अनुगमे अट्ठविहे पत्रत्ते तं जहा ॥९५॥-९५

(१०७) संतपयपरूवणया दब्बपमाणं च खेत फुसणा य

कालो य अंतरं भाग भाव अप्पावहुं नत्थि

॥९॥-९

(१०८) संगहस्स आणुपुब्बिदब्बाइं किं अत्थि नत्थि नियमा अत्थि एवं दोण्णि वि संगहस्स  
आणुपुब्बिदब्बाइं किं संखेअइं असंखेअइं अनंताइं नो संखेअइं नो असंखेअइं नो अनंताइं  
नियमा एणो एसी एवं दोण्णि वि संगहस्स आणुपुब्बिदब्बाइं लोगस्स कति भागे होअ-किं  
संखेअइंभागे होअ असंखेअइंभागे होअ संखेअइं भागेसु होअ असंखेअइं भागेसु होअ सब्वलोए

होआ नो संखेअइभागे होआ नो असंखेअइभागे होआ नो संखेअसु भागेसु होआ नो असंखेअसु भागेसु होआ नियमा सव्वलोए होआ एवं दोण्णि वि संगहस्स आणुपुब्बिदव्वाइ लोगस्स कति भागं फुसंति-किं संखेअइभागं फुसंति असंखेअइभागं फुसंति संखेअ भागे फुसंति असंखेअ भागे फुसंति सव्वलोगं फुसंति नो संखेअइभागं फुसंति नो असंखेअइभागं फुसंति नो संखेअ भागे फुसंति नो असंखेअ भागे फुसंति नियमा सव्वलोगं फुसंति एवं दोण्णि वि संगहस्स आणुपुब्बिदव्वाइ कालओ केवधिरं होति सव्वद्धा एवं दोण्णि वि संगहस्स आणुपुब्बिदव्वाणं अंतरं कालओ केवधिरं होइ नत्थि अंतरं एवं दोण्णि वि संगहस्स आणुपुब्बिदव्वाइ सेसदव्वाणं कइ भागे होआ-किं संखेअइभागे होआ असंखेअइभागे होआ संखेअसु भागेसु होआ असंखेअसु भागेसु होआ नो संखेअइभागे होआ नो असंखेअइभागे होआ नो संखेअसु भागेसु होआ नो असंखेअसु भागेसु होआ नियमा तिभागे होआ एवं दोण्णि वि संगहस्स आणुपुब्बिदव्वाइ कयरम्मि भावे होआ नियमा साइपारिणामिए भावे होआ एवं दोण्णि वि अप्पाबहुं नत्थि से तं अनुगमे से तं संगहस्स अणोवणिहिया दव्वाणुपुब्बी से तं अणोवणिहिया दव्वाणुपुब्बी १९५१-७३

(१०९) से किं तं ओवणिहिया दव्वाणुपुब्बी ओवणिहिया दव्वाणुपुब्बी तिविहा पत्रत्ता तं जहा-पुव्वाणुपुब्बी पच्छाणुपुब्बी अणाणुपुब्बी १९६१-७६

(११०) से किं तं पुव्वाणुपुब्बी पुव्वाणुपुब्बी-धम्मत्थिकाए अधम्मत्थिकाए आगासत्थिकाए जीवत्थिकाए पोण्णत्थिकाए अद्धासमए से तं पुव्वाणुपुब्बी से किं तं पच्छाणुपुब्बी पच्छाणुपुब्बी-अद्धासमए जाव धम्मत्थिकाए से तं पच्छाणुपुब्बी से किं तं अणाणुपुब्बी अणाणुपुब्बी-एयाए चैव एगाइयाए एगुत्तरियाए छगच्छगयाए सेढीए अण्णमण्णव्वासो दुरूवणो से तं अणाणुपुब्बी १९७१-७७

(१११) अहया ओवणिहिया दव्वाणुपुब्बी तिविहा० पुव्वाणुपुब्बी पच्छाणुपुब्बी अणाणुपुब्बी से किं तं पुव्वाणुपुब्बी पुव्वाणुपुब्बी-परमाणुपोगले दुपएसिए तिपएसिए जाव दसपएसिए संखेअपएसिए असंखेअपएसिए अनंतपएसिए से तं पुव्वाणुपुब्बी से किं तं पच्छाणुपुब्बी, अनंतपएसिए जाव दुपएसिए परमाणुपोगले से तं पच्छाणुपुब्बी से किं तं अणाणुपुब्बी, एयाए चैव एगाइयाए एगुत्तरियाए अनंतगच्छगयाए सेढीए अण्णमण्णव्वासो दुरूवणो से तं अणाणुपुब्बी से तं ओवणिहिया दव्वाणुपुब्बी से तं जाणगसरीर-मवियसरीर-वतिरित्ता दव्वाणुपुब्बी से तं नोआगमओ दव्वाणुपुब्बी से तं दव्वाणुपुब्बी १९८१-७३

(११२) से किं तं खेत्ताणु पुब्बी, खेत्ताणुपुब्बी दुविहा पन्नत्ता तं जा-ओवणिहियाय अणोवणिहियाय १९९१-७७

(११३) तत्थ णं जा सा ओवणिहिया सा ठप्पा तत्थ णं जा सा अणोवणिहिया सा दुविहा पत्रत्ता तं जहा-नेगम-ववहारणं संगहस्स य १९००१-१००

(११४) से किं तं नेगम-ववहारणं अणोवणिहिया खेत्ताणुपुब्बी नेगम-ववहारणं अणोवणिहिया खेत्ताणुपुब्बी पंचविहा पत्रत्ता तं जहा-अट्ठपयपरूवणया भंगसमुक्किक्कत्तणया भंगोवदसणया समोयारे अनुगमे से किं तं नेगम-ववहारणं अट्ठपयपरूवणया नेगम-ववहारणं अट्ठपयपरूवणया-तिपएसोगाढाआणुपुब्बी चउपएसोगाढाआणुपुब्बी जाव दसपएसोगाढा आणु-पुब्बी संखेअपएसोगाढाआणुपुब्बी असंखेअपएसोगाढाआणुपुब्बी एगपएसोगाढा अणाणुपुब्बी दुप-एसोगाढाअवत्तव्वए तिपएसोगाढाआणुपुब्बीओ चउपएसोगाढाअणाणुपुब्बी जाव दसपएसोगाढा

आणुपुन्वीओ संखेज्जपएसोगाढा आणुपुन्वीओ असंखेज्जपएसोगाढा आणुपुन्वीओ एगपएसो-  
गाढाअणाणुपुन्वीओ दुवएसोगाढाअवत्तव्वयाई से तं नेगम-ववहाराणं अडुपयपरुवणया एयाए  
णं नेगम-ववहाराणं अडुपयपरुवणयाए किं पओयणं एयाए णं नेगमववहाराणं अडुपयपरु-  
वणयाए भंगसमुक्किक्तणया कज्जइ से किं तं नेगम-ववहाराणं भंगसमुक्किक्तणया नेगम-  
ववहाराणं भंगसमुक्किक्तणया अत्थि आणुपुन्वी अत्थि अणाणुपुन्वी अत्थि अवत्तव्वए एवं  
दव्वाणुपुन्विगमेणं खेत्ताणुपुन्वीए थि ते वेव छव्वीसं भंगा भाणियव्वा जाव से तं नेगम-ववहाराणं  
भंगसमुक्किक्तणया एयाए णं नेगम-ववहाराणं भंगसमुक्किक्तणयाए किं पयणं एयाए णं  
नेगमववहाराणं भंगसमुक्किक्तणयाए भंगोवदंसणया कीरइ से किं तं नेगम-ववहाराणं भंगोव-  
दंसणया नेगम-ववहाराणं भंगोवदंसणया-तिपएसोगाढेआणुपुन्वी एगपएसोगाढेअणापुन्वी एग-  
पएसोगाढेअणाणुपुन्वी दुपएसोगाढेअवत्तव्वए तिपएसोगाढे आणुपुन्वीओ एगपएसोगाढा-  
अणाणुपुन्वीओ दुपएसोगाढाअवत्तव्वयाई अहवा तिपएसोगाढे य एगपएसोगाढे य आणुपुन्वी य  
अणाणुपुन्वी य एवं तथा येव दव्वाणुपुन्विगमेणं छव्वीसं भंगा भाणियव्वा जाव से तं नेगम-  
ववहाराणं भंगोवदंसणया से किं तं समोयारे समोयारे-नेगम-ववहाराणं आणुपुन्विदव्वाइ कहिं  
समोयरंति-किं आणुपुन्विदव्वेहिं समोयरंति अणाणुपुन्विदव्वेहिं समोयरंति अवत्तव्वयदव्वेहिं  
समोयरंति नेगम-ववहाराणं आणुपुन्विदव्वाइ आणुपुन्विदव्वेहिं समोयरंति नो अणाणुपुन्विदेहिं  
समोयरंति नो अवत्तव्वयदव्वेहिं समोयरंति एवं दोण्णि वि सट्ठाणे समोयरंति ति भाणियव्वं से तं  
समोयारे से किं तं अनुगमे अनुगमे नवविहे पत्रत्ते तं जहा १९०१-१।

(११५) संतपयपरुवणया दव्वपमाणं च खेत फुसणाय

कालो य अंतरं भाग माद अप्पाबहुं चैव

॥१०॥-१०

(११५) नेगम-ववहाराणं आणुपुन्विदव्वाइ किं अत्थि नत्थि नियमा अत्थि एवं दोण्णि वि  
नेगम-ववहाराणं आणुपुन्विदव्वाइ किं संखेज्जाइ असंखेज्जाइ अनंताइ नो संखेज्जाइ असंखेज्जाइ नो  
अनंताइ एवं दोण्णि वि नेगम-ववहाराणं आणुपुन्विदव्वाइ लोगस्स कति भागे होज्जा-किं संखेज्जइ  
भागे होज्जा असंखेज्जइभागे होज्जा संखेज्जेसु भागेसु होज्जा असंखेज्जेसु भागेसु होज्जा सव्वलोए होज्जा  
एगदव्वं पडुच्च लोगस्स संखेज्जइभागे वा होज्जा असंखेज्जइभागे वा होज्जा संखेज्जेसु भागेसु वा होज्जा  
असंखेज्जेसु भागेसु वा होज्जा देसूणे लोए वा होज्जा नाणादव्वाइ पडुच्च नियमा सव्वलोए होज्जा नेगम-  
ववहाराणं अणाणुपुन्विदव्वाणं पुच्छा एगदव्वं पडुच्च नो संखेज्जइभागे होज्जा असंखेज्जइभागे होज्जा  
नो संखेज्जेसु भागेसु होज्जा नो असंखेज्जेसु भागेसु होज्जा नो सव्वलोए होज्जा नाभादव्वाइ पडुच्च  
नियमा सव्वलोए होज्जा एवं अवत्तव्वगदव्वाणि वि भाणियव्वाणि नेगम-ववहाराणं  
आणुपुन्विदव्वाइ लोगस्स कति भागं फुसंति-किं संखेज्जइभागं फुसंति असंखेज्जइभागं फुसंति  
संखेज्जे भागे फुसंति असंखेज्जे भागे फुसंति सव्वलोगं फुसंति एगदव्वं पडुच्च संखेज्जइभागं वा फुसंति  
असंखेज्जइभागं वा फुसंति संखेज्जे भागे वा फुसंति असंखेज्जे भागे वा फुसंति देसूणं लोगं वा फुसंति  
नाणादव्वाइ पडुच्च नियमा सव्वलोगं फुसंति अणाणुपुन्विदव्वाइ अवत्तव्वगदव्वाइ च जहा खेतं  
नवरं फुसणा भाणियव्वा नेगम-ववहाराणं आणुपुन्विदव्वाइ कालओ केवच्चिरं होति एगदव्वं पडुच्च  
जहण्णेणं एगं सयं उक्कोसेणं असंखेज्जं कालं नाणादव्वाइ पडुच्च नियमा सव्वद्धा एवं दोण्णि वि  
नेगम-ववहाराणं आणुपुन्विदव्वाणं अंतरं कालओ केवच्चिरं होइ एगदव्वं पडुच्च जहण्णेणं एगं

समयं उक्कोसेण असंखेज्जं कालं नाणादब्बाइ पडुच्च नत्थि अंतरं एवं दोण्णि वि नेगम-ववहराणं आणुपुब्बिदब्बाइं सेसदब्बाणं कइ भागे होआ तिण्णि वि जहा दब्बाणुपुब्बीए नेगम-ववहराणं आणुपुब्बिदब्बाइं कयरमि भावे होआ नियमा साइपारिणामिए भावे होआ एवं दोण्णि वि एएसिं णं नेगम-ववहराणं आणुपुब्बिदब्बाणं अणाणुपुब्बिदब्बाणं अवत्तव्वगदब्बाणं य दब्बड्डयाए पएसड्डयाए दब्बड्ड-पएसड्डयाए कयरे कयरेहिं तो अप्पा वा बहूया वा तुआ वा विसेसाहिया वा सव्वत्थोवाइं नेगम-ववहराणं अवत्तव्वगदब्बाइं दब्बड्डयाए अणाणुपुब्बिदब्बाइं दब्बड्डयाए विसेसाहियाइं आणुपुब्बिदब्बाइं पएसड्डयाए असंखेज्जगुणाइं दब्बड्ड-पएसड्डयाए-सव्वत्थोवाइं नेगम-ववहराणं अवत्तव्वगदब्बाइं दब्बड्डयाए अणाणुपुब्बिदब्बाइं दब्बड्डयाए अपएसड्डयाए विसेसाहियाइं अवत्तव्वगदब्बाइं पएसड्डयाए विसेसाहियाइं आणुपुब्बिदब्बाइं दब्बड्डयाए असंखेज्जगुणाइं ताइं चेव पएसड्डयाए असंखेज्जगुणाइं सेतं अनुगमे सेतं नेगम-ववहराणं अणोवणिहिया खेत्ताणुपुब्बी १०१-१०१

(११७) से किं तं संगहस्स अणोवणिहिया खेत्ताणुपुब्बी पंचविहा, अट्टपयपरूवणया भंगसमुक्किक्कतणया भंगोवदंसणया समोतारे अनुगमे से किं तं संगहस्स अट्टपयपरूवणया तिपएसोगाडेआणुपुब्बी षउप्पएसोगाडेआणुपुब्बी जाव दसपएसोगाडे आणुपुब्बी संखिज्जपएसोगाडे-आणुपुब्बी असंखिज्जपएसोगाडेआणुपुब्बी एगपएसोगाडे अणाणुपुब्बी दुपएसोगाडे अवत्तव्वए से तं संगहस्स अट्टपयपरूवणया एयाए णं संगहस्स अट्टपयपरूवणयाए किं पओअणं एयाए णं संगहस्स अट्टपयपरूवणयाए संगहस्स भंगसमुक्किक्कतणया कज्जति से किं तं संगहस्स भंगसमुक्किक्कतणया अत्थि आणुपुब्बी अत्थि अणाणुपुब्बी य अणाणुपुब्बी य एवं जहा दब्बाणुपुब्बीए संगहस्स तहा भाणियव्वं जाव से तं संगहस्स भंगसमुक्किक्कतणया एआए णं संगहस्स भंगसमुक्किक्कतणयाए किं पओअणं एआए णं संगहस्स भंगसमुक्किक्कतणयाए संगहस्स भंगोवदंसणया कज्जति से किं तं संगहस्स भंगोवदंसणया तिपएसोगाडेआणुपुब्बी एगपएसोगाडेअणाणुपुब्बी दुपएसोगाडे अवत्तव्वए अहवा तिपएसोगाडे य एगपएसोगाडे य आणुपुब्बी य अणाणुपुब्बी य एवं जहा दब्बाणुपुब्बीए संगहस्स तहा खेत्ताणुपुब्बीए वि भाणिअव्वं जाव से तं संगहस्स भंगोवदंसणया से किं तं समोतारे संगहस्स आणुपुब्बिदब्बाइं कहिं समोतरं ति-किं आणुपुब्बिदब्बेहिं समोतरं ति-अणाणुपुब्बिदब्बेहिं अवत्तव्वगदब्बेहिं तिण्णि वि सट्ठाणे समोतरं ति से तं समोतारे से किं तं अनुगमे अट्टविहे पज्जते १०२-११-१०२-१

(११८) संतपयपरूवणया जाव अप्पाबहुं नत्थि ॥११॥-११

(११९) संगहस्स आणुपुब्बिदब्बाइं किं अत्थि नत्थि निअमा अत्थि नत्थि निअमा अत्थि एवं तिण्णि वि सेसदारगाइं जहा दब्बाणुपुब्बीए संगहस्स तहा खेत्ताणुपुब्बीए वि भाणिअव्वं जाव से तं अनुगमे से तं संगहस्स अणोवणिहिया खेत्ताणुपुब्बी से तं अणोवणिहिया खेत्ताणुपुब्बी १०२-१०२

(१२०) से किं तं ओवणिहिया खेत्ताणुपुब्बी ओवणिहिया खेत्ताणुपुब्बी तिविहा, पुव्वाणुपुब्बी अहोलोए तिरियलोए उड्डलोए से तं पुव्वाणुपुब्बी से किं तं पच्छाणुपुब्बी उड्डलोए तिरियलोए अहोलोए से तं पच्छाणुपुब्बी से किं तं अणाणुपुब्बी एयाए चेव एगाइयाए एगुत्तरियाए तिगच्छगयाए सेदीए अण्णमण्णब्बासो दुरूवणो से तं अणाणुपुब्बी अहोलोयखेत्ताणुपुब्बी तिविहा, पुव्वाणुपुब्बी पच्छाणुपुब्बी अणाणुपुब्बी से किं तं पुव्वाणुपुब्बी रयणप्पमा सक्करप्पमा बालुयप्पमा पंकप्पमा धूमप्पमा तमा तमतमा से तं पुव्वाणुपुब्बी से किं तं पच्छाणुपुब्बी तमतमा

जाव रयणय्यभा से तं पच्छाणुपुव्वी से किं तं अण्णणुपुव्वी एयाए चेव एगाइयाए एगुत्तरियाए सत्ताणच्छ- गयाए सेदीए अण्णमण्णब्भासो दुरुवूणो से तं अण्णणुपुव्वी तिरियलोयखेत्ताणुपुव्वी तिविहा, पुव्वाणुपुव्वी पच्छाणुपुव्वी अण्णणुपुव्वी से किं तं पुव्वाणुपुव्वी १०३-११-१०३-१

(१२१) जंबुहीवे लवणे घायइ-कालोय-पुक्खरे वरुणे  
खीर-घय-खोय-नंदी अरुणवरे कुंडले रुयणे ॥१२१॥-१२

(१२२) जंबुहीवाओ खलु निरंतरा सेसया असंखइमा  
भुयगवर-कुसवरा वि य कोंचवराऽभरणमाईया ॥१२१॥-१३

(१२३) आभरण-वत्थ-गंधे उप्पल-तिलए य पुढवि-निहि-रयणे  
वासहर-दह-नईओ विजया वक्खार-कप्पिंदा ॥१२१॥-१४

(१२४) कुरु-मंदर-आवासा कूडा नक्खत्त-चंद-सूरा य  
देवे नागे जक्खे पूए य सयंभुरमणे य ॥१२१॥-१५

(१२५) से तं पुव्वाणुपुव्वी से किं तं पच्छाणुपुव्वी पच्छाणुपुव्वी-सयंभुरमणे जाव जंबुहीव से तं भोवणिहिया पच्छाणुपुव्वी से किं तं अण्णणुपुव्वी अण्णणुपुव्वी-एयाए चेव एगाइयाए एगुत्तरियाए असंखेज्जगगयाए सेदीए अण्णमण्णब्भासो दुरुवूणो से तं अण्णणुपुव्वी उड्ढलोयखेत्ताणुपुव्वी तिविहा पन्नता तं जहा-पुव्वाणुपुव्वी पच्छाणुपुव्वी अण्णणुपुव्वी से किं तं पुव्वाणुपुव्वी पुव्वाणुपुव्वी-सोहम्मे ईसाणे सणकुमारे माहिंदे बंमलोए लंतए महासुक्के सहस्सारे आणए पाणए आरणे अद्युए गेवेज्जविमाणा अनुत्तरविमाणा ईसिप्पब्भारा से तं पुव्वाणुपुव्वी से किं तं पच्छाणुपुव्वी पच्छाणुपुव्वी-ईसिपब्भारा जाव सोहम्मे से तं पच्छाणुपुव्वी से किं तं अण्णणुपुव्वी अण्णणुपुव्वी-एयाए चेव एगाइयाए एगुत्तरियाए पन्नरस गच्छगयाए सेदीए अण्णमण्णब्भासो दुरुवूणो से तं अण्णणुपुव्वी अहवा ओवणिहिया खेत्ताणुपुव्वी तिविहा पन्नता तं जहा-पुव्वाणुपुव्वी पच्छाणुपुव्वी अण्णणुपुव्वी से किं तं पुव्वाणुपुव्वी पुव्वाणुपुव्वी- एगपएसोगाढे दुएपसोगाढे जाव असंखेज्जपएसोगाढे से तं पुव्वाणुपुव्वी से किं तं पच्छाणुपुव्वी पच्छाणुपुव्वी-असंखेज्जपएसोगाढे जाव एगपएसोगाढे से तं पच्छाणुपुव्वी से किं तं अण्णणुपुव्वी अण्णणुपुव्वी-एयाए चेव एगाइयाए एगुत्तरियाए असंखेज्जगगयाए सेदीए अण्णमण्णब्भासो दुरुवूणो से तं अण्णणुपुव्वी से तं ओवणिहिया खेत्ताणुपुव्वी से तं खेत्ताणुपुव्वी १०३१-१०३

(१२६) से किं तं कालाणुपुव्वी कालाणुपुव्वी दुविहा पन्नता तं जहा-ओवणिहिया य अणोवणिहिया य १०४१-१०४

(१२७) तत्थ णं जा सा ओवणिहिया सा ठप्पा तत्थ णं जा सा अणोवणिहिया सा दुविहा पन्नता तं जहा-नेगम-ववहारणं संगहस्स य १०५१-१०५

(१२८) से किं तं नेगम-ववहारणं अणोवणिहिया कालाणुपुव्वी नेगम-ववहारणं अणोवणिहिया कालाणुपुव्वी पंचविहा पन्नता तं जहा अट्ठपयपरुवणया भंगसमुक्किक्तणया भंगोवदंसणया समोयारे अनुगमे १०६१-१०६

(१२९) से किं तं नेगम-ववहारणं अट्ठपयपरुवणया नेगम-ववहारणं अट्ठपयपरुवणया-तिसमयट्ठिईए आणुपुव्वी जाव दससमयट्ठिईए आणुपुव्वी संखेज्जसमयट्ठिईएआणुपुव्वी असंखेज्ज-समयट्ठिईए आणुपुव्वी एगसमयट्ठिईएअण्णणुपुव्वी दुसमयट्ठिईएअण्णणुपुव्वी तिसमयट्ठिईयाओ आणुपुव्वीओ जाव दससमयट्ठिईयाओआणुपुव्वीओ संखेज्जसमयट्ठिईयाओआणुपुव्वीओ असं-

खेअसमयड्डिईयाओआणुपुव्वीओ एगसमयड्डिईयाओअणानुपुव्वीओ दुसमयड्डिईयाओअवत्तव्व-  
गाई से तं नेगम-ववहारणं अट्टपयपरुवणया एयाए णं नेगम-ववहारणं अट्टपयपरुवणयाए किं  
पओयणं एयाए णं नेगम-ववहारणं अट्टपयपरुवणयाए भंगसमुक्किक्कतणया कअइ १०७१-१०७

(१२०) से किं तं नेगमववहारणं भंगसममुक्किक्कतणया नेगम-ववहारणं भंगसमुक्कि-  
क्कतणया-अत्थिआणुपुव्वी अत्थिअणानुपुव्वी अत्थिअवत्तव्वए एवं दव्वानुपुव्विगमेणं कालानु-  
पुव्वीए वि ते वेव छव्वीसं भंगा भाणियव्वा जाव से तं नेगम-ववहारणं भंगसमुक्किक्कतणया एयाए  
णं नेगम-ववहारणं भंगसमुक्किक्कतणयाए किं पओयणं एयाए णं नेगम-ववहारणं भंगसमुक्कि-  
क्कतणयाए भंगोवदंसणया कअइ १०८१-१०८

(१२१) से किं तं नेगम-ववहारणं भंगोवदंसणया नेगम-ववहारणं भंगोवदंसणया  
तिसमयड्डिईएआणुपुव्वी एगसमयड्डिईएअणानुपुव्वी दुसमयड्डिईएअवत्तव्वए तिसमयड्डिई-  
याओआणुपुव्वीओ एगसमयड्डिईयाओअणानुपुव्वीओ दुसमयड्डिईयाओअवत्तव्वगाई अहवा  
तिसमयड्डिईए य एगसमयड्डिईए य आणुपुव्वी य अणानुपुव्वी य एवं तहा चेव दव्वानुपुव्विगमेणं  
छव्वीसं भंगा भाणियव्वा जाव से तं नेगम-ववहारणं भंगोवदंसणया १०९१-१०९

(१२२) से किं तं समयारे समयारे-नेगम-ववहारणं आणुपुव्विदव्वाइं कहिं समयरंति-  
किं आणुपुव्विदव्वेहिं समयरंति-पुच्छ नेगम-ववहारणं आणुपुव्विदव्वाइं आणुपुव्विदव्वेहिं  
समयरंति नो अणानुपुव्विदव्वेहिं समयरंति नो अवत्तव्वगदव्वेहिं समयरंति एवं दोण्णि वि  
सहाणे समयरंति से तं समयारे ११०१-११०

(१२३) से किं तं अनुगमे अनुगमे नवविहे पत्रते तं जहा-११११-११-१११.१

(१२४) संतपयपरुवणया दव्वपमाणं च खेत फुसणा य

कालो य अंतरं भाग भाव अप्पाबहुं वेव

॥१५-२१॥-१५-२

(१२५) नेगम-ववहारणं आणुपुव्विदव्वाइं किं अत्थि नत्थि नियमा अत्थि एवं दोण्णि वि  
नेगम-ववहारणं आणुपुव्विदव्वाइं किं संखेअइं असंखेअइं अनंताइं नो संखेअइं असंखेअइं नो  
अनंताइं एवं दोण्णि वि नेगम-ववहारणं आणुपुव्विदव्वाइं लोगस्स कति भागे होअ-किं  
संखेअइभागे होअ असंखेअइभागे होअ संखेअइसु भागसु होअ असंखेअइसु भागसु होअ सव्वलोए  
होअ एगदव्वं पडुअ लोगस्स संखेअइभागे वा होअ असंखेअइभागे वा होअ संखेअइसु भागसु वा  
होअ असंखेअइसु भागसु वा होअ देसुणे लोए वा होअ नाणादव्वाइं पडुअ नियमा सव्वलोए होअ  
एवं दोण्णि वि एवं फुसणा वि नेगम-ववहारणं आणुपुव्विदव्वाइं कालओ केवधिरं होति एगदव्वं  
पडुअ जहण्णेणं तिण्णि समया उक्कोसेणं असंखेअं कालं नाणादव्वाइं पडुअ सव्वत्था नेगम-  
ववहारणं अणानुपुव्विदव्वाइं कालओ केवधिरं होति एगदव्वं पडुअ अजहण्णमणुक्कोसेणं  
एक्कं समयं नाणादव्वाइं पडुअ सव्वत्था नेगम-ववहारणं अवत्तव्वगदव्वाइं कालओ केवधिरं  
होति एगदव्वं पडुअ अजहण्णमणुक्कोसेणं दो समयं नामादव्वाइं पडुअ सव्वत्था नेगम-ववहारणं  
आणुपुव्विदव्वाणं अंतरं कालओ केवधिरं होइ एगदव्वं पडुअ जहण्णेणं एणं समयं उक्कोसेणं दो  
समया नाणादव्वाइं पडुअ नत्थि अंतरं नेगम-ववहारणं अणानुपुव्विदव्वाणं अंतरं कालओ  
केवधिरं होइ एगदव्वं पडुअ जहण्णेणं दो समया उक्कोसेणं असंखेअं कालं नामादव्वाइं पडुअ  
नत्थि अंतरं नेगम-ववहारणं अवत्तव्वगदव्वाणं अंतरं कालओ केवधिरं होइ एगदव्वं पडुअ

जहण्णेणं एणं समयं उक्कोसेणं असंखेज्जं कालं नाणादव्वाइं पडुच्च नत्थि अंतरं नेगम-वयहारणं आणुपुब्बिदव्वाइं सेसदव्वाणं कइ भागे होजा-पुच्छा जहेव खेत्ताणुपुब्बीए भावो वि तहेव अयाबहुं पि तहेव नेयव्वं से तं अनुगमे से तं नेगम-वयहारणं अणोवणिहिया कालाणुपुब्बी ११११-१११

(१३६) से किं तं संगहस्स अणोवणिहिया कालाणुपुब्बी, पंचविहा पत्रत्ता० अट्टपयपरू-वणया भंगसमुक्कित्तणया भंगोबंदसणया समयारे अनुगमे ११२१-११२

(१३७) से किं तं संगहस्स अट्टपयपरूवणया, एयाइं पंच वि दाराइं जहा खेत्ताणुपुब्बीए संगहस्स तहा कालाणुपुब्बीए वि भाणियव्वाणि नवरं-ठितीअभिलावो जाव से तं अनुगमे से तं संगहस्स अणोवणिहिया कालाणुपुब्बी से तं अणोवणिहिया कालाणुपुब्बी ११३१-११३

(१३८) से किं तं ओवणिहिया कालाणुपुब्बी ओवणिहिया कालाणुपुब्बी ति विहा पत्रत्ता तं जहा-पुव्वाणुपुब्बी पच्छाणुपुब्बी अणाणुपुब्बी से किं तं पुव्वाणुपुब्बी पुव्वाणुपुब्बी-समए आवलिया आणापाणू धोवे लवे मुहुत्ते अहोरत्ते पक्खे मासे उऊ अयणे संवच्छरे जुगे वाससए वाससहस्से वाससयसहस्से पुव्वंगे पुव्वे तुडियंगे तुडिए अडडंगे अट्ठे अववंगे अववे हुहुयंगे हुहुए उप्पलंगे उप्पले पउमंगे पउमे नल्लिणंगे नल्लिणे अत्थनिउरंगे अत्थनिउरे अउयंगे अउए नउयंगे नउए पउयंगे पउउ चूलियंगे चूलिया सीसपहेलियंगे सीसपहेलिया पलिओवमे सागरोवमे ओसप्पिणी उस्स-प्पिणी पोण्णलपरियट्ठे तीतद्धा अणागतद्धा से तं पुव्वाणुपुब्बी से किं तं पच्छाणुपुब्बी, सव्वच्छा जाव समए से तं पच्छाणुपुब्बी से किं तं अणाणुपुब्बी अणाणु-पुब्बी-एयाए चेव एगाइयाए एगुत्तरियाए अनंतगच्छगयाए सेदीए अण्णमण्णब्भासो दुरूवूणो से तं अणाणुपुब्बी अहवा ओवणिहिया कालाणुपुब्बी ति विहा पत्रत्ता तं जहा-पुव्वाणुपुब्बी पच्छाणुपुब्बी अणाणुपुब्बी से किं तं पुव्वाणुपुब्बी पुव्वाणुपुब्बी-एगसमयट्ठिइए दुसमयट्ठिइए तिसमयट्ठिइए जाव दससमयट्ठिइए संखेज्जसमयट्ठिइए असंखेज्जसमयट्ठिइए से तं पुव्वाणुपुब्बी से किं तं पच्छाणुपुब्बी पच्छाणुपुब्बी-असंखेज्जसमयट्ठिइए जाव एगसमयट्ठिइए से तं पच्छाणुपुब्बी से किं तं अणाणुपुब्बी अणाणुपुब्बी-एयाए चेव एगाइयाए जाव दुरूवूणो से तं अणाणुपुब्बी से तं ओवणिहिया कालाणुपुब्बी से तं कालाणुपुब्बी ११४१-११४

(१३९) से किं तं उक्कित्तणाणुपुब्बी उक्कित्तणाणुपुब्बी ति विहा पत्रत्ता तं जहा-पुव्वाणुपुब्बी पच्छाणुपुब्बी अणाणुपुब्बी से किं तं पुव्वाणुपुब्बी पुव्वाणुपुब्बी-उसभे अजिए संभवे अभिनदणे सुमती पउमप्पभे सुपासे चंदप्पहे सुविही सीतले सेज्जसे वासुपुज्जे विमले अनंते धम्मे संती कुंयू अरे मल्ली मुणिसुव्वए नमी अरिद्धनेमी पासे वद्धमाणे से तं पुव्वाणुपुब्बी से किं तं पच्छाणुपुब्बी पच्छाणुपुब्बी-वद्धमाणे जाव उसभे से तं पच्छाणुपुब्बी से किं तं अणाणुपुब्बी अणाणुपुब्बी-एयाए चेव एगाइयाए एगुत्तरियाए चउवीसगच्छगयाए सेदीए अण्णमण्णब्भासो दुरूवूणोसे तं अणाणुपुब्बी से तं उक्कित्तणाणुपुब्बी ११५१-११५

(१४०) से किं तं गणणाणुपुब्बी गणणाणुपुब्बी ति विहा पत्रत्ता तं जहा-पुव्वाणुपुब्बी पच्छाणुपुब्बी अणाणुपुब्बी से किं तं पुव्वाणुपुब्बी पुव्वाणुपुब्बी-एगो दसं सयं सहस्सं दससहस्साइं सयसहस्सं दससयसहस्साइं कोडी दसकोडीओ कोडिसयं दसकोडिसयाइं से तं पुव्वाणुपुब्बी से किं तं पच्छाणुपुब्बी पच्छाणुपुब्बी-दसकोडिसयाइं जाव एगो से तं पच्छाणुपुब्बी से किं तं अणाणुपुब्बी अणाणुपुब्बी-एयाए चेव एगाइयाए एगुत्तरियाए दसकोडिसयगच्छगयाए सेदीए अण्ण-

मण्णव्वासो दुरूवणो से तं अणानुपुब्बी से तं गणणानुपुब्बी ॥११६॥-११६

(१४१) से किं तं संठाणानुपुब्बी संठाणानुपुब्बी ति विहा पन्नत्ता तं जहा-पुब्बानुपुब्बी पच्छानुपुब्बी अणानुपुब्बी से किं तं पुब्बानुपुब्बी पुब्बानुपुब्बी-समचउरसे नग्गोहपरिमंडले साई खुञ्जे वामणे हुंडे से तं पुब्बानुपुब्बी से किं तं पच्छानुपुब्बी पच्छानुपुब्बी-हुंडे जाव समचउरसे से तं पच्छानुपुब्बी से किं तं अणानुपुब्बी अणानुपुब्बी-एयाए चेव एगाइयाए एगुत्तरियाए छगच्छगयाए सेदीए अण्णमण्णव्वासो दुरूवणे से तं अणानुपुब्बी से तं संठाणानुपुब्बी ॥११७॥-११७

(१४२) से किं तं सामायारियाणुपुब्बी सामायारियाणुपुब्बी ति विहा पन्नत्ता तं जहा-पुब्बानुपुब्बी अणानुपुब्बी से किं तं पुब्बानुपुब्बी [पुब्बानुपुब्बी] ॥११८॥-११८-१

(१४३) इच्छा मिच्छा तहक्कारो आवस्सिया य निसीहिया

आपुच्छणा य पडिपुच्छा छंदणा य निमंतणा

॥११९॥-११९

(१४४) उवसंपया य काले सामायारी भये दसविहा उ, से तं पुब्बानुपुब्बी, से किं तं पच्छानुपुब्बी पच्छानुपुब्बी-उवसंपया जाव इच्छा से तं पच्छानुपुब्बी से किं तं अणानुपुब्बी अणानुपुब्बी-एयाए चेव एगाइयाए एगुत्तरियाए दसगच्छगयाए सेदीए अण्णमण्णव्वासो दुरूवणो से तं अणानुपुब्बी से तं सामायारियाणुपुब्बी ॥११८॥-११८

(१४५) से किं तं भावानुपुब्बी भावानुपुब्बी ति विहा, पुब्बानुपुब्बी पच्छानुपुब्बी अणानुपुब्बी से किं तं पुब्बानुपुब्बी उदइए उवसमिण्ण खइए खओवसमिण्ण पारिणामिण्ण सत्तिवाइए से तं पुब्बानुपुब्बी से किं तं पच्छानुपुब्बी सत्तिवाइए जाव उदइए से तं पच्छानुपुब्बी से किं तं अणानुपुब्बी अणानुपुब्बी-एयाए चेव एगाइयाए एगुत्तरियाए छगच्छगयाए सेदीए अण्णमण्णव्वासो दुरूवणो से तं अणानुपुब्बी से तं भावानुपुब्बी से तं आणुपुब्बी ॥११९॥-११९

(१४६) से किं तं नामे नामे दसविहे पन्नत्ते तं जहा-एगनामे दुनामे ति नामे चउनामे पंचनामे छनामे सत्तनामे अट्टनामे नवनामे दसनाने ॥१२०॥-१२०

(१४७) से किं तं एगनामे एगनामे-॥१२१॥-१२१-१

(१४८) नामाणि जाणि काणि वि दव्व्याण गुणाण पञ्चवाणं च

तेसिं आगम-निहसे नामंति परुविया सण्णा

॥१७॥-१७

(१४९) से तं एगनामे ॥१२१॥-१२१

(१५०) से किं तं दुनामे दुनामे दुविहे पन्नत्ते तं जहा-एगक्खरिए य अणेगक्खरिए य से किं तं एगक्खरिए एगक्खरिए अणेगविहे पन्नत्ते तं जहा-हीः श्रीः घीः स्त्री से तं एगक्खरिए से किं तं अणेगक्खरिए अणेगक्खरिए अणेगविहे पन्नत्ते तं जहा-कण्णा वीणा लता माला से तं अणेगक्खरिए अहवा दुनामे दुविहे पन्नत्ते तं जहा-जीवनामे य अजीवनामे य से किं तं जीवनामे जीवनामे अणेगविहे पन्नत्ते तं जहा-देवदत्तो जण्णदत्तो विण्हुदत्तो सोमदत्तो से तं जीवनामे से किं तं अजीवनामे अजीवनामे अणेगविहे पन्नत्ते तं जहा-घडो पडो कडो रहो से तं अजीवनामे अहवा दुनामे दुविहे पन्नत्ते तं जहा-विसेसिए य अविसेसिए य अविसेसिए दव्वे विसेसिए जीवदव्वे य अजीवदव्वे य अविसेसिए जीवदव्वे विसेसिए नेरइए तिरिक्खजोणिण्ण मणुस्से देवे अविसेसिए नेरइए विसेसिए रयणप्पमाए सकक्कप्पमाए वालुयप्पमाए पंकप्पमाए धूपप्पमाए तमाए तमतमाए अविसेसिए रयणप्पमापुढविनेरइए विसेसिए पञ्जत्तए य अपञ्जत्तए य एवं जाव अविसेसिए तमतमापुढविनेरइए विसेसिए पञ्जत्तए य अपञ्जत्तए य अविसेसिए तिरिक्खजोणिण्ण विसेसिए



एगिंदिए बेइंदिए तेइंदिए चउरिंदिए पंचिंदिए अविसेसिए एगिंदिए विसेसिए पुढविकाइए आउ-  
काइए तेउकाइए वाउकाइए वणत्सइकाइए अविसेसिए पुढविकाइए विसेसिए सुहुमपुढविकाइए  
य बादरपुढविकाइए य अविसेसिए सुहुमपुढविकाइए विसेसिए पञ्चतयसुहुमपुढविकाइए य  
अपञ्चतयसुहुमपुढविकाइए य अविसेसिए बादरपुढविकाइए विसेसिए पञ्चतयबादरपुढविकाइए  
य अपञ्चतयबादरपुढविकाइए य एवं आउकाइए तेउकाइए वाउकाइए वणत्सइकाइए य  
अविसेसिए-विसेसिए-पञ्चतय-अपञ्चतयमेदेहिं भाणियव्वा अविसेसिए बेइंदिए विसेसिए  
पञ्चतयबेइंदिए य अपञ्चतयबेइंदिए य एवं तेइंदियचउरिंदियावि भाणियव्वा अविसेसिए  
पंचिंदियतिरिक्खजोणिए विसेसिए जलयरपंचिंदियतिरिक्खजोणिए थलयरपंचिंदियतिरिक्ख-  
जोणिए खहयरपंचिंदियतिरिक्खजोणिए य अविसेसिए जलयरपंचिंदियतिरिक्खजोणिए विसे-  
सिए सम्मुच्छिमजलयरपंचिंदियतिरिक्खजोणिए य गम्भवक्कंतियजलयरपंचिंदियतिरिक्ख-  
जोणिए य अविसेसिए सम्मुच्छिमजलयरपंचिंदियतिरिक्खजोणिए विसेसिए पञ्चतयसम्मुच्छिम-  
जलयरपंचिंदियतिरिक्खजोणिए य अपञ्चतयसम्मुच्छिमजलयरपंचिंदियतिरिक्खजोणिए य अवि-  
सेसिए गम्भवक्कंतियजलयरपंचिंदियतिरिक्खजोणिए विसेसिए पञ्चतयगम्भवक्कंतियजलय-  
रपंचिंदियतिरिक्खजोणिए य अपञ्चतयगम्भवक्कंतियजलयरपंचिंदियतिरिक्खजोणिए य अवि-  
सेसिए थलयरपंचिंदियतिरिक्खजोणिए विसेसिए चउप्पयथलयरपंचिंदियतिरिक्खजोणिए य  
परिसप्पयथलयरपंचिंदियतिरिक्खजोणिए य अविसेसिए चउप्पयथलयरपंचिंदियतिरिक्खजोणिए  
विसेसिए सम्मुच्छिमचउप्पयथलयरपंचिंदियतिरिक्खजोणिए य गम्भवक्कंतियचउप्पयथलयर-  
पंचिंदियतिरिक्खजोणिए य अविसेसिए सम्मुच्छिमचउप्पयथलयरपंचिंदियतिरिक्खजोणिए विसे-  
सिए पञ्चतयसम्मुच्छिमचउप्पयथलयरपंचिंदियतिरिक्खजोणिए य अपञ्चतयसम्मुच्छिमचउप्पय-  
थलयरपंचिंदियतिरिक्खजोणिए य अविसेसिए गम्भवक्कंतियचउप्पयथलयरपंचिंदियतिरिक्ख-  
जोणिए विसेसिए पञ्चतयगम्भवक्कंतियचउप्पयथलयरपंचिंदियतिरिक्खजोणिए य अपञ्चतय-  
गम्भवक्कंतियचउप्पयथलयरपंचिंदियतिरिक्खजोणिए य अविसेसिए परिसप्पयथलयरपंचिंदिय-  
तिरिक्खजोणिए विसेसिए उरपरिसप्पयथलयरपंचिंदियतिरिक्खजोणिए य भुयपरिसप्पयथलयरपं-  
चिंदियतिरिक्खजोणिए य एते वि सम्मुच्छिमा पञ्चत्तगा अपञ्चत्तगा य गम्भवक्कंतिया वि पञ्चत्तगा  
अपञ्चत्तगा य भाणियव्वा अविसेसिए खहयरपंचिंदियतिरिक्खजोणिए विसेसिए सम्मुच्छिमख-  
हयरपंचिंदियतिरिक्खजोणिए य गम्भवक्कंतियखहयरपंचिंदियतिरिक्खजोणिए य अविसेसिए  
सम्मुच्छिमखहयरपंचिंदियतिरिक्खजोणिए विसेसिए पञ्चतयसम्मुच्छिमखहयरपंचिंदियति-  
रिक्खजोणिए य अपञ्चतयसम्मुच्छिमखहयरपंचिंदियतिरिक्खजोणिए य अविसेसिए गम्भव-  
क्कंतियखहयरपंचिंदियतिरिक्खजोणिए विसेसिए पञ्चतयगम्भवक्कंतियखहयरपंचिंदियति-  
रिक्खजोणिए य अपञ्चतयगम्भवक्कंतियखहयरपंचिंदियतिरिक्खजोणिए य अविसेसिए मणुस्से  
विसेसिए सम्मुच्छिममणुस्से य गम्भवक्कंतियमणुस्से य अविसेसिए सम्मुच्छिममणुस्से विसेसिए  
पञ्चतयसम्मुच्छिममणुस्से य अपञ्चतयसम्मुच्छिममणुस्से य अविसेसिए गम्भवक्कंतियमणुस्से  
विसेसिए पञ्चतयगम्भवक्कंतियमणुस्से य अपञ्चतयगम्भवक्कंतियमणुस्से य अविसेसिए देवे  
विसेसिए भवणवासी वाणमंतरे जोइसिए वेमाणिए य अविसेसिए भवणवासी विसेसिए  
असुरकुमारे नागकुमारे सुवण्णकुमारे विज्जुकुमारे अगिकुमारे दीवकुमारे उदहिकुमारे दिसाकुमारे

वाउकुमारं यणियंकुमारं सव्वेसुं पि अविसेसिय-विसेसिय-पञ्जत्तय-अपञ्जत्तयमेया भाणियव्वा अविसेसिए वाणमंतरे विसेसिए पिसाए भूए जक्खे रक्खसे किन्नरे किंपुरिसे महोरगे गंधव्वे एतेसिं पि अविसेसिय-विसेसिय-पञ्जत्तय-अपञ्जत्तयमेया भाणियव्वा अविसेसिए जोइसिए विसेसिए चंदे सुरे गहे नक्खत्ते ताराव्वे एतेसिं पि अविसेसिय-विसेसिय-पञ्जत्तय-अपञ्जत्तयमेया भाणियव्वा अविसेसिए वेमाणिए विसेसिए कप्पोवगे य कप्पातीतगे य अविसेसिए कप्पोवगे विसेसिए सो-हम्माए ईसाणए सणकुमारए माहिंदए बंभलोयए लंतयए महासुक्कए सहस्सारए आणयए पाणयए आरणए अद्ध्युयए एतेसिं पि अविसेसिय-विसेसिय-पञ्जत्तय-अपञ्जत्तयमेया भाणियव्वा अविसेसिए कप्पातीतए विसेसिए गेवेज्जए य अनुत्तरोववाइए य अविसेसिए गेवेज्जए विसेसिए हेट्ठिम-गेवेज्जए मज्झिम-गेवेज्जए उवरिमगेवेज्जए अविसेसिए हेट्ठिम-गेवेज्जए विसेसिए हेट्ठिम-हेट्ठिम-गेवेज्जए हेट्ठिम-मज्झिम-गेवेज्जए हेट्ठिम-उवरिम-गेवेज्जए अविसेसिए मज्झिम-गेवेज्जए विसेसिए मज्झिम-हेट्ठिम गेवेज्जए मज्झिम-मज्झिम-गेवेज्जए मज्झिम-उवरिम-गेवेज्जए अविसेसिए उवरिम-गेवेज्जए विसेसिए उवरिम-हेट्ठिम-गेवेज्जए उवरिम-मज्झिम-गेवेज्जए उवरिम-उवरिम-गेवेज्जए एतेसिं पि सव्वेसिं अविसेसिय-विसेसिय-पञ्जत्तय-अपञ्जत्तयमेया भाणियव्वा अविसेसिए अनुत्तरोववाइए विसेसिए विजयए वैजयंतए जयंतए अपराजियए सव्वट्ठुसिद्धए य एतेसिं पि सव्वेसिं अविसेसिय-विसेसिय-पञ्जत्तय-अपञ्जत्तय-मेया भाणियव्वा अविसेसिए अजीवदव्वे विसेसिए धम्मत्थिकाए अधम्मत्थिकाए आगासत्थिकाए पोग्गलत्थिकाए अद्ध्यसमए य अविसेसिए पोग्गलत्थिकाए विसेसिए परमाणुपोग्गले दुपएसिए तिपएसिए जाव अन्नत्तपएसिए य से तं दुनामे १२२१-१२२३

(१५१) से किं तं तिनामे तिनामे तिविहे पन्नत्ते तं जहा-दव्वनामे गुणनामे पञ्चवनामे से किं तं दव्वनामे दव्वनामे छव्विहे पन्नत्ते तं जहा-धम्मत्थिकाए जाव अद्ध्यसमए से तं दव्वनामे से किं तं गुणनामे गुणनामे पंचविहे पन्नत्ते तं जहा-वण्णनामे जाव संठाणनामे से किं तं वण्णनामे वण्णनामे पंचविहे पन्नत्ते तं जहा-कालवण्णनामे नीलवण्णनामे लोहिदवण्णनामे हल्लिहवण्णनामे सुक्किलवण्णनामे से तं वण्णनामे से किं तं गंधनामे गंधनामे दुविहे तं जहा-सुब्बिगंधनामे य दुब्बिगंधनामे य से तं गंधनामे से किं तं रसनामे रसनामे पंचविहे पन्नत्ते तं जहा-तित्तरसनामे कडुयरसनामे कसायरसनामे अंबिलरसनामे महरसनामे से तं रसनामे से किं तं फासनामे फासनामे अडुविहे पन्नत्ते तं जहा-क्कक्खडफासनामे मउयफासनामे गरुयफासनामे लहुयफासनामे सीतफासनामे उसिणफासनामे निद्धफासनामे लुक्खफासनामे से तं फासनामे से किं तं संठाणनामे संठाणनामे पंचविहे पन्नत्ते तं जहा-परिमंडलसंठाणनामे वट्ठसंठाणनामे तंससंठाणनामे चउरंसंठाणनामे आयतसंठाणनामे से तं संठाणनामे से तं गुणनामे से किं तं पञ्चवनामे पञ्चवनामे अणेगविहे पन्नत्ते तं जहा-एगुणकालए दुगुणकालए तिगुणकालए जाव दसगुणकालए संखेज्जगुणकालए असंखेज्जगुणकालए अनंतगुणकालए एवं नील-लोहिद-हल्लिह-सुक्किल-वि भाणियव्वा एगगुणसुब्बिगंधे दुगुणसुब्बिगंधे तिगुणसुब्बिगंधे जाव अनंतगुणसुब्बिगंधे एवं दुब्बिगंधो वि भाणियव्वो एगगुणतित्ते जाव अनंतगुणतित्ते एवं कडुय-कसाय-अंबिल-महरा वि भाणियव्वा एगगुणक्कक्खडे जाव अनंतगुणक्कक्खडे एवं मउय-गरुय-लहुय-सीत-उसिण-निद्ध-

लुक्खा वि भाणियव्वा से तं पज्जवनामे ॥१२३-११-१२३-१

(१५२) तं पुण नामं ति विहं इत्थी पुरिसं नपुंसगं चेव  
एएसिं तिण्हं पि य अंतमि परूवणं वोच्छं ॥१८१-१८

(१५३) तत्थ पुरिसस्स अंता आ ई ऊ ओ हवंति चत्तारि  
ते चेव इत्थियाए हवंति ओकारपरिहीणा ॥१९११-१९

(१५४) अं तिय इं तिय उं तिय अंता उ नपुंसगस्स बोद्धव्वा  
एएसिं तिण्हं पि य वोच्छामि निदंसणे एतो ॥२०११-२०

(१५५) आकारंतो राया ईकारंतो गिरी य सिहरी य  
ऊकारंतो विण्हू दुभो ओअंतो उ पुरिसाणं ॥२१११-२१

(१५६) आकारंता माला ईकारंता सिरी य लच्छी य  
ऊकारंता जंबू वहु य अंता उ इत्थीणं ॥२२११-२२

(१५७) अंकारंतं धन्नं ईंकारंतं नपुंसगं अच्छं  
उंकारंतं पीलुं महुं च अंता नपुंसाणं ॥२३११-२३

(१५८) से तं तिनामे ॥१२३१-१२३

(१५९) से किं तं चउनामे चउनामे चउव्विहे पत्रत्ते तं जहा-आगमेणं लोवेणं पयईए विगारेणं से किं तं आगमेणं आगमेणं-पद्यानि पयांसि कुंडानि से तं आगमेणं से किं तं लोवेणं लो-  
वेणं-ते अत्र तैत्र पटो अत्र पटोत्र घटो अत्र घटोत्र रघो अत्र रघोत्र से तं लोवेणं से किं तं पयईए पयईए-अग्नी एत्ती पटू इमी शाले एते माले इमे से तं पयईए से किं तं विगारेणं विगारेणं-दण्डस्य अग्रं दण्डाग्रम् सा आगता सागता दधि इदं दधीदम् नदी ईहते नदीहते मधु उदकं मधूदकम् वधू ऊहते वधूहते से तं विगारेणं से तं चउनामे ॥१२४१-१२४

(१६०) से किं तं पंचनामे पंचनामे पंचविहे पत्रत्ते तं जहा-नामिकं नैपातिकं आख्यातिकं औपसर्गिकं मिश्रम् अश्व इति नामिकम् खल्विति नैपातिकम् धावतीत्याख्यातिकम् परीत्वौपसर्गिकम् संयत इति मिश्रम् से तं पंचनामे ॥१२५१-१२५

(१६१) से किं तं छनामे छनामे छव्विहे पत्रत्ते तं जहा-उदइए उवसमिए खइए खओवस-  
मिए पारिणामिए सत्रिवाइए से किं तं उदइए उदइए दुविहे पत्रत्ते तं जहा-उदए य उदयनिष्फण्णे य से किं तं उदए उदए-अट्टण्हं कम्मपयडीणं उदए णं से तं उदए से किं तं उदयनिष्फण्णे उदयनिष्फण्णे दुविहे पत्रत्ते तं जहा-जीवोदयनिष्फण्णे य अजीवोदयनिष्फण्णे य से किं तं जीवो-  
दयनिष्फण्णे जीवोदयनिष्फण्णे अणेगविहे पत्रत्ते तं जहा-नैरइए तिरिक्खजोणिए मणुस्से देवे पुढविकाइए जाव तसकाइए कोहकसाई जाव लोभकसाई इत्थिवेए पुरिसवेए नपुंसगवेए कण्हलेसे जाव सुक्कलेसे मिच्छदिडी अविरए असण्णी अन्नाणी आहारए छउमत्थे सजोगी संसारत्थे असिद्धे अकेयली से तं जीवोदयनिष्फण्णे, से किं तं अजीवोदयनिष्फण्णे अजीवो-  
दयनिष्फण्णे अणेगविहे पत्रत्ते तं जहा-ओरालियं वा सरीरं ओरालियसरीरपओगपरिणामिय वा दव्वं वेउव्वियं वा सरीरं वेउव्वियसरीरपओगपरिणामियं वा दव्वं एवं आहारयं सरीरं तेयगं सरीरं कम्मयं सरीरं च भाणियव्वं पओगपरिणामिए वण्णे गंधे रसे फासे से तं अजीवोदयनिष्फण्णे से तं उदयनिष्फण्णे से तं उदइए, से किं तं उवसमिए उवसमिए दुविहे पत्रत्ते तं जहा-उवसमे य उवसमनिष्फण्णे य से किं तं उवसमे उवसमे-मोहणिज्जस्स कम्मस्स उवसमे णं से तं उवसमे से किं

तं उवसमनिष्फण्णे उवसमनिष्फण्णे अणेगविहे पन्नते तं जहा-उवसंतकोहे उवसंतमाणे उवसंतमाए उवसंतलोए उवसंतपेअे उवसंतदोसे उवसंतदंसणमोहणिअे उवसंतचरित्तमोहणिअे उवसमिया सम्पत्तलद्धी उवसमिया चरित्तलद्धी उवसंतकसायकउमत्थवीयरगे से तं उवसमनिष्फण्णे से तं उवसमिए, से किं तं खइए खइए दुविहे पन्नते तं जहा-खए य खयनिष्फण्णे य से किं तं खए खए-अङ्गुणं कम्मपयडीणं खए णं से तं खए से किं तं खयनिष्फण्णे खयनिष्फण्णे अणेगविहे पन्नते तं जहा-उप्पन्नानाणदंसणधरे अरहा जिणे केवली खीणआमिणिबोहियनाणावरणे खीणसुयनाणावरणे खीणओहिनाणावरणे खीणमणपञ्जवनाणावरणे खीणकेवलनाणावरणे अणावरणे निरावरणे खीणावरणे नाणावरणिअकम्मविष्पमुक्के केवलदंसी सव्वदंसी खीणनिदे खीणनिहनिदे खीणपयले खीणपयलापयले खीणधीणगिद्धी खीणचक्खु-दंसणावरणे खीणअचक्खु-दंसणावरणे खीणओहिदंसणावरणे खीणकेवलदंसणावरणे अणावरण निरावरणे खीणावरणे दरिसणावरणिअकम्मविष्पमुक्के खीणसायवेयणिअे खीणअसायवेयणिअे अयेवणे निज्जेयणे खीणवेयणे सुभासुभवेयणिअकम्मविष्पमुक्के खीणकोहे खीणमाणे खीणमाए खीणलोहे खीणपेअे खीणदोसे खीणदंसणमोहणिअे खीणचरित्तमोहणिअे अमोहे निम्मोहे खीणमोहे मोहणिअ-कम्मविष्पमुक्के खीणनेरइयाउए खीणतिरिक्खजोणियाउए खीणमणुस्ताउए खीणदेवाउए अणाउए निराउए खीणाउए आउकम्मविष्पमुक्के गइ-जाइ-सरिरंगोवंग-बंधण-संघाय-संघयण-संठाण-अणेगबोदि- वंदसंघायविष्पमुक्के खीणसुभनामे खीणअसुभनामे अणामे निण्णामे खीणनामे सुभासुभनाम- कम्मविष्पमुक्के खीणउच्चागोए खीणनीयागोए अगोए निगोए खीणगोए सुभासुभगोतकम्म- विष्पमुक्के खीणदानंतराए खीणलामंतराए खीणभोगंतराए खीणउवभोगंतराए खीणवीरियंतराए अनंतराए निरंतराए खीणंतराए अंतरायकम्मविष्पमुक्के सिद्धे बुद्धे मुते परिनिब्बुडे अंतगडे सव्वदुक्खप्पहीणे से तं खयनिष्फण्णे से तं खइए से किं तं खओवसमिए खओवसमिए दुविहे पन्नते तं जहा-खओवसमे य खओवसमनिष्फण्णे य से किं तं खओवसमे खओवसमे-धउणं घाइकम्माणं खओवसमे णं-नाणावरणिअस्स दंसणावरणिअस्स मोहणिअस्स अंतरायस्स खओ- वसमेणं से तं खओवसमे से किं तं खओवसमनिष्फण्णे खओवसमनिष्फण्णे अणेगविहे पन्नते तं जहा- खओवसमिया आमिणिबोहियनाणलद्धीखओवसमिया सुयनाणलद्धी- खओवसमिया ओहिनाणलद्धीखओवसमिया मणपञ्जवनाणलद्धीखओवसमिया मइअन्नाणलद्धीखओवसमिया सुयअन्नाणलद्धीखओवसमिया विभंगनाणलद्धीखओवसमिया थक्खुदंसणलद्धीखओवसमिया अचक्खुदंसणलद्धीखओवसमिया ओहिदंसणलद्धीखओवसमिया सम्मदंसणलद्धीखओवसमिया मिच्छादंसणलद्धीखओवसमिया सम्ममिच्छादंसणलद्धीखओवसमिया सामाइयचरित्तलद्धीखओवसमिया छेदोवद्वावणचरित्तलद्धीखओवसमिया परिहारविसुद्धियचरित्तलद्धी खओवसमिया सुहुमसंपरायचरित्तलद्धीखओवसमिया चरिताचरित्तलद्धीखओवसमिया दाणलद्धीखओवसमिया लामलद्धीखओवसमिया भोगलद्धीखओवसमिया उवभोगलद्धीखओवसमिया वीरियलद्धीखओवसमिया बालवीरियलद्धीखओवसमिया पंडियवीरियलद्धीखओवसमिया बालपंडियवीरियलद्धीखओवसमिया सोइदियलद्धीखओवसमिया चक्खिदियलद्धी खओवसमिया धाणिदियलद्धीखओवसमिया जिम्मिदियलद्धीखओवसमिया फांसिदियलद्धी खओवसमिए आयारधरेखओवसमिए सुयगडधरेखओवसमिए जाय दिट्ठिवायधरेखओवसमिए

(१६२) जुष्णसुरा जुष्णगुलो जुष्णधयं जुष्णतंदुला घेव

H2411-24

For Private And Personal Use Only

454

इंदियाइं पारिणामिए जीवे एस णं से नामे उदइए खइए खओवसमिए पारिणामियनिष्फणे कयरे से नामे उवसमिए खइए खओवसमिए पारिणामियनिष्फणे उवसंता कसाया खइयं सम्मत्तं खओवसमियाइं इंदियाइं पारिणामिए जीवे एस णं से नामे उवसमिए खइए खओवसमिए पारिणामियनिष्फणे तत्थ णं जेसे एकूके पंचगसंजोए से णं इमे-अत्थि नामे उदइए उवसमिए खइए खओवसमिए पारिणामियनिष्फणे कयरे से नामे उदइए जाव पारिणामियनिष्फणे उदइए ति मणुस्से उवसंता कसाया खइयं समत्तं खओवसमियाइं इंदियाइं पारिणामिए जीवे एस णं से नामे उदइए जाव पारिणामियनिष्फणे से तं सत्रिवाइए से तं छनामे । १२६।-१२७

(१६४) से किं तं सत्तनामे सत्तनामे-सत्त सरा पत्रत्ता तं जहा- १२७-१।-१२७-१

(१६५) सत्ते रिसमे गंधारे मज्झिमे पंचमे सरे  
धेवए चैव नेसाए सरा सत्त वियाहिया ॥२५॥-२५

(१६६) एएसि णं सत्तण्हं सराणं सत्त सरद्धाणा पत्रत्ता तं जहा १२७-२।-१२७-२

(१६७) सत्तं च अगगजीहाए उरेण रिसमं सरं  
कंदुगएण गंधारं मज्झजीहाए मज्झिमं ॥२६॥-२६

(१६८) नासाए पंचमं बूया दंतोद्वेणं य धेवतं  
मणुहक्खेवेण नेसायं सरद्धाणा वियाहिया ॥२७॥-२७

(१६९) सत्तसरा जीवनिस्सिया पत्रत्ता तं जहा- १२७-३।-१२७-३

(१७०) सत्तं रवइ मयूरो कुक्कुडो रिसमं सरं  
हंसो रवइ गंधारं मज्झिमं तु गवेल्गा ॥२८॥-२८

(१७१) अह कुसुमसंभवे काले कोइला पंचमं सरं  
छट्ठं च सारसा कुंवा नेसायं सत्तमं गओ ॥२९॥-२९

(१७२) सत्त सरा अजीवनिस्सिया पत्रत्ता तं जहा १२७-४।-१२७-४

(१७३) सत्तं रवइ भुयंगो गोमुह्री रिसमं सरं  
संखो रवइ गंधारं मज्झिमं पुण झल्लरी ॥३०॥-३०

(१७४) चउचलणपइद्धाणा गोहिया पंचमं सरं  
आडंबरो धेवइयं महाभेरी य सत्तमं ॥३१॥-३१

(१७५) एएसि णं सत्तण्हं सराणं सत्त सरलक्खणा पत्रत्ता तं जहा १२७-५।-१२७-५

(१७६) सत्तेण लहइ वित्ति कयं च न विणस्सइ  
गावो पुत्ता य मित्ता य नारीणं होई वल्लहो ॥३२॥-३२

(१७७) रिसमेण उ एसत्तं सेणावच्चं घणाणि य  
यत्थगंधमलंकारं इत्थीओ सयणाणि य ॥३३॥-३३

(१७८) गंधारे गीतजुत्तिण्णा विज्जवित्ती कलाहिया  
हवति कइणो पत्रा जे अण्णे सत्थपारगा ॥३४॥-३४

(१७९) मज्झिमसरमंता उ हवति सुहजीचिणो  
खायई पियई देई मज्झिमसरमस्सिओ ॥३५॥-३५

(१८०) पंचमसरमंता उ हवति पुहवीपती  
सूरा संगहकत्तारो अणेगणनायगा ॥३६॥-३६

- (१८१) धेवयसरमंता उ हवन्ति दुहजीविणो  
साउणिमा बाउरिया सोयरिया य मुद्धिया ॥३७॥-३७
- (१८२) नेसायसरमंता उ हवन्ति हिंसगा नरा  
जंघाघरा लेहमाहा हिंडगा भारवाहगा ॥३८॥-३८
- (१८३) एएसि णं सत्तण्हं सराणं तओ गामा पन्नता तं जहा-सज्जगामे मज्झिमगामे  
गंधारगामे सज्जगामस्स णं सत्त मुच्छणाओ पन्नताओ तं जहा ॥३७-६॥-१२७-६
- (१८४) मंगी कोरब्बीया हरी य रयणी य सारकंता य  
छट्ठी य सारसी नाम सुद्धसज्जा य सत्तमा ॥३९॥-३९
- (१८५) मज्झिमगामस्स णं सत्त मुच्छणाओ पन्नताओ तं जहा ॥३७-७॥-१२७-७
- (१८६) उत्तरमंदा रयणी उत्तरा उत्तरायता  
आसकंता य सोवीरा अभिरु हवति सत्तमा ॥४०॥-४०
- (१८७) गंधारगामस्स णं सत्त मुच्छणाओ पन्नताओ तं जहा- ॥३७-८॥-१२७-८
- (१८८) नंदी य खुद्धिया पूरिमा य चउत्थी य सुद्धगंधारा  
उत्तरगंधारा वि य पंचमिया हवइ मुच्छा उ ॥४१॥-४१
- (१८९) सुद्धतरमायामा सा छट्ठी नियमसो उ नायव्वा  
अह उत्तरायता कोडिमा य सा सत्तमी मुच्छा ॥४२॥-४२
- (१९०) सत्त सरा कओ हवन्ति गीयस्स का हवइ जोणी  
कहसमया ऊसासा कइ वा गीयस्स आगारा ॥४३॥-४३
- (१९१) सत्त सरा नापीओ हवन्ति गीयं च रुण्णजोणीयं  
पायसमा ऊसासा तिण्णि य गीयस्स आगारा ॥४४॥-४४
- (१९२) आइमिउ आरमंता समुव्वहंता य मज्झयारंमि  
अवसाणे य झवेत्ता तिण्णि वि गीयस्स आगारा ॥४५॥-४५
- (१९३) छहोसे अट्टगुणे तिण्णि य वित्ताइ दोण्णि भणितीओ  
जो नाही सो गाहिइ सुसिक्खिओ रंगमज्झांमि ॥४६॥-४६
- (१९४) भीयं दुयमुप्पिच्छं उत्तालं च कमसो मुणेयव्वं  
काकस्सरमणुणासं छहोसा होति गीयस्स ॥४७॥-४७
- (१९५) पुण्णं रत्तं च अलंकियं च यत्तं च तहेव मविघुट्ठं  
महुरं समं सुललियं अट्ट गुणा होति गीयस्स ॥४८॥-४८
- (१९६) उर-कंठ-सिर-विसुद्धं च गिज्जते मउय-रिभिय-पदबद्धं  
समतालपदुक्खेवं सत्तस्सरसीमरं गीयं ॥४९॥-४९
- (१९७) अक्खरसमं पदसमं तालसमं लयसमं गहसमं च  
निस्ससिउस्ससियसमं संचारसमं सरा सत्त ॥५०॥-५०
- (१९८) निहोसं सारवत्तं च हेउजुत्तमलंकियं  
उवणीयं सोवयारं च मियं महुरमेव य ॥५१॥-५१
- (१९९) समं अद्धसमं चेव सव्वत्थ विसमं च जं  
तिण्णि वित्तपयाराइ चउत्थं नोवलब्धई ॥५२॥-५२



- (२००) सकक्या पायया चेव भणितीओ होंति दोण्णि वि  
सरमंडलंमि गिज्जंते पसत्था इसिभासिया ॥५३॥-५३
- (२०१) केसी गायइ महुरं केसी गायइ खरं च रुक्खं च  
केसी गायइ चउरं केसी यविलंबियं दुतं केसी विस्सरं पुण केरिसी ॥५४॥-५४
- (२०२) सामा गायइ महुरं काली गायइ खरं च रुक्खं च  
गोरी गायइ चउरं काणा यविलंबियं दुतं अंधा विस्सरं पुण पिंगला ॥५५॥-५५
- (२०३) सत्त सरा तओ गामा मुच्छणा एगवीसई  
ताणा एगुणपत्रासं समत्तं सरमंडलं ॥५६॥-५६
- (२०४) से तं सत्तनामे ॥१२७॥-१२७
- (२०५) से किं तं अट्टनामे-अट्टयिहा वयणविभत्ती पत्रता तं जहा- ॥१२८॥-१२८-१
- (२०६) निहेसे पढमा होइ बितिया उवएसणे  
तइया करणमि कया चउत्थी संपयावणे ॥५७॥-५७
- (२०७) पंचमी य अवायाणे छट्ठी सस्सामिवायणे  
सत्तमी सत्तिहाणत्ये अट्टमाऽऽमंतणी भवे ॥५८॥-५८
- (२०८) तत्थ पढमा विभत्ती निहेसे-सो इमो अहं व ति  
विइया पुण उवएसे-मण कुणसु इमं व तं व ति ॥५९॥-५९
- (२०९) तइया करणमि कया-भणियं व कयं व तेण व मए वा  
हंदि नमो साहाए हवइ चउत्थी पयाणमि ॥६०॥-६०
- (२१०) अवणय गेण्ह य एत्तो इत्तो वा पंचमी अवायाणे  
छट्ठी तस्स इमस्स व गयस्स वा सामिसंबंधे ॥६१॥-६१
- (२११) हवइ पुण सत्तमी तं इममि आधारकालभावे य  
आमंतणी भवे अट्टमी उ जह हे जुवाण ति ॥६२॥-६२
- (२१२) से तं अट्टनामे ॥१२८॥-१२८
- (२१३) से किं तं नवनामे नवनामे-नव कव्वरसा पत्रता [तं जहा] ॥१२९॥-१
- (२१४) वीरो सिंगारो अब्भुओ य रोहो य होइ बोधव्वो  
वेल्लणओ बीभच्छो हासो कलुणो पसंतो य ॥६३॥-६३
- (२१५) तत्थ परिखायमि य तवचरणे सत्तुजणविणासे य  
अणुसय-धिति-परक्कमलिंगो बीरो रसो होइ ॥६४॥-६४
- (२१६) सो नाम महावीरो जो रज्जं पयहिऊण पव्वइओ  
काम-ककोह-महासत्तु-पक्खनिग्घायणं कुणइ ॥६५॥-६५
- (२१७) सिंगारो नाम रसो रतिसंजोगाभिलासंजणणो  
मंडण-विलास-विब्बोय-हास-सीला-रमणलिंगो ॥६६॥-६६
- (२१८) महुरं विलास-सलियं हिययुम्मादणकरं जुवाणाणं  
सामा सहुद्धमं दाएती मेहलादामं ॥६७॥-६७
- (२१९) विक्कयकरो अपुव्वो ऽनुमूयपुव्वो य ओ रसो होइ  
हरिसविसायुप्पत्तिलक्खणो अब्भुओ नाम ॥६८॥-६८

- (२२०) अब्भुतरमिह एतो अन्नं किं अत्थि जीवलोगम्पि  
जं जिणवयणेणत्थ्या तिकालजुत्ता वि नञ्जति ॥६९॥-६९
- (२२१) भयजणणरुव-सहंधकार-विंता-कहासमुप्पञ्चो  
संमोह-संभम-विस्साय-मरणिंलिंगो रसो रोद्धो ॥७०॥-७०
- (२२२) मिउडी-विडंभियमुहा संदड्ढो इय रुहियरमोकिण्णा  
इणसि पसुं असुरणिन्ना भीमरसिय अइरोद्ध रोद्धोसि ॥७१॥-७१
- (२२३) विणओवयार-गुज्झ-गुरुदार-मेरायडक्कमुप्पञ्चो  
वेलणओ नाम रसो लज्जासंकाकरणलिंगो ॥७२॥-७२
- (२२४) किं लोइयकरणीओ लज्जणीयतरं लज्जिया मो सि  
वारेज्झमि गुरुजणो परिवंदइ जं वहुपोत्तिं ॥७३॥-७३
- (२२५) असुइ-कुणव-दुहंसण-संजोगब्भासगंधनिष्फण्णो  
निज्वेययिहिंसालक्खणो रसो होइ बीमत्थो ॥७४॥-७४
- (२२६) असुइलभरियनिज्झर सभावदुग्गंधिसव्वकालं पि  
धण्णा उ सरीरकलिं बहुमलकलुसं विमुचंति ॥७५॥-७५
- (२२७) रुव-वय-वेस-भासाविवरीयविलंबणासमुप्पञ्चो  
हासो मणप्पहासो पगासलिंगो रसो होइ ॥७६॥-७६
- (२२८) पासुत्त-मसीमंडिय-पडिबुद्ध देयरं पत्तोयंती  
ही जह धण-भर-कंपण-पणमियमज्झा हसइ सामा ॥७७॥-७७
- (२२९) पियविष्णओग-बंध-वह-वाहि-विणिवाय-संभमुप्पञ्चो  
सोइय-विलविय-पव्वाय-रुण्णलिंगो रसो करुणो ॥७८॥-७८
- (२३०) पज्झाय-किलामिययं बाहागयपप्पुयच्छियं बहुसो  
तस्स विओगे पुत्तियं दुब्बलयं ते मुहं जायं ॥७९॥-७९
- (२३१) निदोसमण-समाहाणसंभवो जो पसंतभावेणं  
अधिकारलक्खणो सो रसो पसंतो सि नायव्वो ॥८०॥-८०
- (२३२) सव्वाय-निज्विगारं उवसंत-पसंत-सोमदिट्ठीयं  
ही जह मुणिणो सोहइ मुहकमलं पीवरसिरियं ॥८१॥-८१
- (२३३) एए नव कव्वरसा बत्तीसदोसविहिसमुप्पञ्चा  
गाहाहिं मुणेयव्वा हवंति सुद्धा व मीसा वा ॥८२॥-८२
- (२३४) सेतं नवनामे ॥९२९॥-१२९
- (२३५) से किं तं दसनामे दसनामे दसविहे प० गोण्णे नोगोण्णे आयाणपएणं

पडिक्खपएणं पाहण्णयाए अणाइसिद्धंतेणं नामेणं अवयवेणं संजोगेणं पमाणेणं से किं तं गोण्णे गोण्णे-खमतीति खमणो तवतीति तवणो जलतीति जलणो पवतीति पवणो से तं गोण्णे से किं तं नोगोण्णे, अकुंतो सकुंतो अमुग्गो समुग्गो अमुद्धो समुद्धो अलालं पलालं अकुलिया सकुलिया नो पलं असतीति पलासो अमाइवाहए माइवाहए अबीयवावए बीयवावए नो इंदं गोवयतीति इंदगोवए से तं नोगोण्णे से किं तं आयाणपएणं आवंती चाउरंगिज्जं असंखयं जण्णइज्जं पुरिसइज्जं एलइज्जं वीरियं धम्मो मग्गो समोसरणं आहत्तहीयं गंये जमईयंसे तं आयाणपएणं से किं तं

पडिवक्खपएणं नवेसु गामागर-नगर खेड-कब्बड-मडब-दोणमुह-पट्टणासम-संयाह-सन्निवेसेसु निविस्समाणेसु असिवा सिवा अग्गी सीयलो विसं महरुं कल्लालघरेसु अंबिलं साउयं जे लतए से अलतए जे लाउए से अलाउए जे सुभए से कुसुंभए आलवंते विवलीयभासए से तं पडिवक्खपएणं से किं तं पाहणयाए असोणवणे सतवणवणे चंपगवणे चूयवणे नागवणे पुत्राणवणे उच्छुवणे दक्खवणे सालवणे से तं पाहणयाए से किं तं अणाइसिद्धंतेणं, धम्मत्थिकाए जाव अद्धासमए से तं अणाइसिद्धंतेणं से किं तं नामेणं नामेणं-पिउपियामहस्स नामेणं उत्रामियए से तं नामेणं से किं तं अवयवेणं, - १३०-११-१३०-१

(२३६) सिंगी सिही विसाणी दादी पक्खी खुरी नही वाली

दुपय चउप्पय बहुपय नंगूली केसरी ककुही

॥८३॥-८३

(२३७) परियरबंधेण भडं जाणेजा महिलियं निवसणेणं

सित्थेणं दोणपायं कविं च एगाए गाहाए

॥८४॥-८४

(२३८)- से तं अवयवेणं, से किं तं संजोगेणं संजोगे चउत्विहे पत्रत्ते तं जहा-दब्बसंजोगे खेतसंजोगे कालसंजोगे भावसंजोगे से किं तं दब्बसंजोगे दब्बसंजोगे तिविहे पत्रत्ते तं जहा-सचित्ते अचित्ते मीसए से किं तं सचित्ते सचित्ते-गोहिं गोमिए महिंसीहिं माहिंसिए ऊरणीहिं ऊरमिए उट्टीहिं उट्टिए से तं सचित्ते से किं तं अचित्ते अचित्ते-छत्तेणं छत्ती दंडेण दंडी पडेण पडी घडेण घडी कडेण कडी से तं अचित्ते से किं तं मीसए मीसए-हलेणं हल्लिए सगडेणं सागडिए रहेणं रहए नावाए नाविए से तं मीसए से तं दब्बसंजोगे, से किं तं खेतसंजोगे खेतसंजोगे-भारहे एरवए हेमवए हेरणवए हरिवासए रम्मगवासए देवरकुरुए उत्तरकुरुए पुव्वविदेहए अवरविदेहए अहवा पागहए भालवए सोरठ्ठए मरहठ्ठए कोंकणए कोसलए से तं खेतसंजोगे, से किं तं कालसंजोगे कालसंजोगे-सुसम-सुसमए सुसमए सुसम-दूसमए दूसम-सुसमए दूसमए अहवा पाउसए वासा-रतए सरदए हेमंतए वसंतए गिन्हए से तं कालसंजोगे, से किं तं भावसंजोगे भावसंजोगे दुविहे पत्रत्ते तं जहा-पसत्थे य अपसत्थे य से किं तं पसत्थे पसत्थे-नाणेणं नाणी दंसणेणं दंसणी चरित्तेणं चरिती से तं पसत्थे से किं तं अपसत्थे अपसत्थे-कोहेणं कोही माणेणं माणी मायाए मायी लोभेणं लोभी से तं अपसत्थे से तं भावसंजोगे से तं संजोगणं से किं तं पमाणेणं पमाणे चउत्विहे पत्रत्ते तं जहा-नामप्पमाणे ठवणप्पमाणे दब्बप्पमाणे भावप्पमाणे से किं तं नामप्पमाणे नामप्पमाणे-जस्स णं जीवस्स वा अजीवस्स वा जीवाण वा अजीवाण वा तदुभयस्स वा तदुभयाण वा पमाणे त्ति नामं कज्जइ से तं नामप्पमाणे से किं तं ठवणप्पमाणे ठवणप्पमाणे सत्तविहे पत्रत्ते [तं जहा] १३०-२१-१३०-२

(२३९) नक्खत्त-देवय-कुले पासंठ-गणे य जीवियाहेउं

आभिप्पाइयनामे ठवणानामं तु सत्तविहं

॥८५॥-८५

(२४०) से किं तं नक्खत्तनामे नक्खत्तनामे कत्तियाहिं जाए-कत्तिए कत्तियादिण्णे कत्तियाधम्मे कत्तियासम्मे कत्तियादासे कत्तियासेणे कत्तियारक्खिए रोहिणीहिं जाए-रोहिणिए रोहिणिदिण्णे रोहिणिधम्मे रोहिणिसम्मे रोहिणिदेवे रोहिणिदासे रोहिणिसेणे रोहिणिरक्खिए एवं सव्वनक्खत्तेसु नामा भाणियव्वा एत्थ संगहणिगाहाओ १३०-३१-१३०-३

(२४१) कत्तिय रोहिणि मिगसिर अद्दा य पुनव्वसू य पुस्से य

तत्तो य अस्सिलेसा मवाओ दो फग्गुणीओ य

॥८६॥-८६

(२४२) हृत्यो चित्ता साती विसाहा तह य होइ अनुराहा

जेझा मूलो पुव्वासाद्य तह उत्तरा घेव

॥८७॥-८७

(२४३) अभिई सबण धणिहा सतभिसया दो य होति भद्वया

रेवति अस्सिणि भरणि एसा नखत्तपरिवाडी

॥८८॥-८८

(२४४) से तं नखत्तनामे से किं तं देवयानामे देवयानामे अग्निदेवयाहिं जाए-अग्नि  
अग्निदिण्णे अग्निधम्मे अग्निसम्मे अग्निदेवे अग्निदासे अग्निसेणे अग्निरत्तिवए एवं  
सव्वनखत्तदेवयानामा भाणियव्वा [एत्थं पि संगहणिगाहाओ] १९३०-४१-१३०-४

(२४५) अग्नि पयावइ सोमे रुहे अदिती बहस्सई सप्पे

पिति भग अञ्जम सविया तद्वा वाऊ य इंदग्गी

॥८९॥-८९

(२४६) यितो इंदो निरती आऊ विसो य बंभ विण्हू य

वसु वरुण अय विवच्छी पुस्से आसे जमे चेव

॥९०॥-९०

(२४७) से तं देवयानामे, से किं तं कुलनामे कुलनामे-उगगे भोगे राइण्णे खतिए इक्खागे  
नाते कोरव्ये से तं कुलनामे से किं तं पासंडनामे, समणे पंडरंगे भिक्खू कावालिए तावसे परिव्यापणे  
से तं पासंडनामे से किं तं गणनामे, मल्ले मल्लदिण्णे मल्लधम्मे मल्लसम्मे मल्लदेवे मल्लदासे मल्लसेणे  
मल्लरत्तिवए से तं गणनामे से किं तं जीवियानामे अवकरए उक्कुरुहए उज्झिये कञ्जवए सुप्पए से  
तं जीवियानामे से किं तं आभिप्पाइयनामे अंबए निबंए बबुलए पलासए सिणए पीलुए करीरए से  
तं आभिप्पाइयनामे से तं ठवणप्पमाणे से किं तं दव्वप्पमाणे दव्वप्पमाणे छविहे पन्नते तं जहा-  
धम्मत्थिकाए जाव अद्धासमए से तं दव्वप्पमाणे से किं तं भावप्पमाणे भावप्पमाणे चउव्विहे पन्नते  
तं जहा-सामासिए तद्धितए धाउए निरुत्तिए से किं तं सामासिए सामासिए-सत्त समासा भवंति [तं  
जहा]-१९३०-५१-१३०-५

(२४८) दंदे य बहुव्वीही कम्मधारए दिऊ तहा

तप्पुरिस व्वईभावे एगसेसे य सत्तमे

॥९१॥-९१

(२४९) से किं तं दंदे दंदे-दन्ताश्च ओष्ठौ च दन्तोष्ठम् स्तनौ च उदरं च स्तनोदरम् वस्त्रं च  
पात्रं च वस्त्रपात्रम् अश्वश्च महिषाश्च अश्वमहिषम् अहिश्च नकुलश्च अहिनकुलम् से तं दंदे से किं  
तं बहुव्वीही बहुव्वीही-फुल्ला जम्पि गिरिमि कुडय-कयंबा सो इमो गिरी फुल्लिय-कुडय-कयंबो से तं  
बहुव्वीही से किं तं कम्मधारए कम्मधारए-धवल्लो वसहो धवल्लसहो किण्हो भिगो किण्हभिगो सेतो  
पडो सेतपडो रतो पडो रत्तपडो से तं कम्मधारए से किं तं दिगू-तिणिण्णि कडुयाणि तिकुडुयं तिणिण्णि  
महुराणि तिभहुरं तिणिण्णि गुणा तिगुणं तिणिण्णि पुराणि तिपुरं तिणिण्णि सराणि तिसरं तिणिण्णि पुक्खराणि  
तिपुक्खरं तिणिण्णि बिंदुयाणि तिबिंदुयं तिणिण्णि पहा तिपहं पंच नदीओ पंचनदं सत्त गया सत्तगयं नव  
तुरगा नवतुरगं दस गामा दसगामं दस पुराणि दसपुरं से तं दिगू से किं तं तप्पुरिसे तप्पुरिसे-तित्ये  
कागो तित्यकागो वणे हत्थी वणहत्थी वणे वराहो वणवहारो वणे महिसो वणमहिसो वणे मयूरो  
वणमयूरो से तं तप्पुरिसे से किं तं अव्वईभावे अव्वईभावे-अनुगामं अनुनदीयं अनुफरिहं अनुवरियं  
से तं अव्वईभावे से किं तं एगसेसे एगसेसे-जहा एगो पुरिसो तहा बहवे पुरिसा जहा बहवे पुरिसा  
तहा एगो पुरिसो जहा एगो करिसावणो तहा बहवे करिसावणा जहा बहवे करिसावणा तहा एगो  
करिसावणो जहा एगो साली तहा बहवे साली जहा बहवे साली तहा एगो साली से तं एगसेसे से तं  
सामासिए से किं तं तद्धितए तद्धितए अट्टविहे पन्नते तं जहा-१९३०-५१-१३०-६

(२५०) कम्मे सिप्पसिलोए संजोग समीवओ य संजूहे

इस्सरिया वध्देण य तद्धितनामं तु अडुविहं

॥१२॥-७२

(२५१) से किं तं कम्पनामे कम्पनामे-दोसिए सोसिए कप्पासिए भंडयेयालिए कोलालिए से

तं कम्पनामे से किं तं सिप्पनामे सिप्पनामे-यत्थिए तंतिए तुत्राए तंतुथाए पट्टुकारे देअडे वरुडे मुंजकारे कट्टुकारे छत्तकारे बज्जकारे पोत्थकारे चित्तकारे दंतकारे लेप्पकारे कोट्टिमकारे से तं सिप्पनामे से किं तं सिलोगनामे सिलोगनामे-समणे माहणे सव्वातिही से तं सिलोगनामे से किं तं संजोगनामे संजोगनामे-रण्णो ससुरए रण्णो जामाउए रण्णो साले रण्णो भाउए रण्णो भगिणीवई से तं संजोगनामे से किं तं समीवनामे समीवनामे-गिरिस्स समीवे नगरं गिरिनगरं विदिसाए समीवे नगरं वेदिसं वेत्राए समीवे नगरं वेत्रायडं तगराए समीवे नगरं तगरायडं से तं समीवनामे से किं तं संजूहनामे तरंगवतिकारे मलयवतिकारे अत्ताणुसट्टिकारे बिंदुकारे से तं संजूहनामे से किं तं इस्सरियनामे इस्सरियनामे-राईसरे तलवरे माडंबिए कोडुंबिए इप्पे सेट्टी सत्थवाहे सेणायई से तं इस्सरियनामे से किं तं अवच्चनामे अरहंतमाया चक्कवट्टिमाया बलदेवमाया वासुदेवमाया रायमाया गणरायमाया से तं अवच्चनामे से तं तद्धितए से किं तं धाउए धाउए-भू सत्तायां परस्मैभाषा एघ वृद्धी स्पट्ठं संहर्षे गाधू प्रतिष्ठा-लिप्पयोः ग्रन्थे च बाधू लोडने से तं धाउए से किं तं निरुत्तिए-मह्ठां शेते महिषः भ्रमति च रीति च भ्रमरः मुहुर्मुहुर्लसति मुसलं कपिरिव लप्सते येति च करोति कपित्थं चिच्च करोति खलं च भवति चिक्खलं उर्ध्वकर्णः उलूकः खस्य माला मेखला से तं निरुत्तिए से तं भावप्पमाणे से तं पमाणेणं से तं दसनामे से तं नामे ॥३०॥-१३०

(२५२) से किं तं पमाणे पमाणे चउव्विहे पन्नते तं जहा-दव्वप्पमाणे खेतप्पमाणे कालप्पमाणे मावप्पमाणे ॥३१॥-१३१

(२५३) से किं तं दव्वप्पमाणे दव्वप्पमाणे दुविहे प० पएसनिप्फण्णे य विभागनिप्फण्णे य से किं तं पएसनिप्फण्णे परमाणुपोगले दुपएसिए जाव दसपएसिए संखेज्जपएसिए असंखेज्जपएसिए अनंतपएसिए से तं पएसनिप्फण्णे से किं तं विभागनिप्फण्णे पंचविहे पन्नते तं जहा-माणे उम्माणे ओमाणे गणिमे पडिमाणे से किं तं माणे दुविहे प० धन्नमाणप्पमाणे रसमाणप्पमाणे य से किं तं धन्नमाणप्पमाणे दो असतीओ पसती दो पसतीओ सेतिया चत्तारि सेतियाओ कुलओ चत्तारि कुलया पत्थो चत्तारि पत्थया आदगं चत्तारि आदगाई दोणो सट्ठि आदगाई जहण्णए कुंभे असीई आदगाई मज्झिमए कुंभे आदगसतं उक्कोसए कुंभे अट्ठआदगसतिए वाहे एएणं धन्नमाणप्प- माणेणं किं पओधणं एएणं धन्नमाणप्पमाणेणं मुत्तोली-मुरव-इडुर-अलिद-ओचारसंसियाणं धन्नाणं धन्नमाणप्पमाणनिव्वित्तिलक्खणं भवइ से तं धन्नमाणप्पमाणे से किं तं रसमाणप्पमाणे धन्नमाणप्पमाणओ चउभागविबड्ढिए अब्भितरसिहा-जुत्ते रसमाणप्पमाणे विहिअइ तं जहा-चउसट्ठिया बत्तीसिया सोलसिया अट्ठभाइया चउभाइया अट्ठभाणी माणी दो चउसट्ठियाओ बत्ती-सिया दो बत्तिसियाओ बत्तीसियाओ सोलसिया दो सोलसियाओ अट्ठभाइया दो अट्ठभाइयाओ चउभाइया दो चउभाइयाओ अट्ठभाणी दो अट्ठभाणीओ माणी एएणं रसमाणप्पमाणेणं किं पओ- यणं एएणं रसमाणप्पमाणेणं वारग-घडग-करग-कलसिय-गगारि-दइय-करोडिय-कुंडियसंसि- याणं रसाणं रसमाणप्प-माणनिव्वित्तिलक्खणं भवइ से तं रसमाणप्पमाणे से तं माणे से किं त उम्माणे उम्माणे-जण्णं उम्मिणिअइ तं जहा-

अद्धकरिसो करिसो अद्धपलं पलं अद्धतुला अद्धभारो भारो दो अद्धकरिसा करिसो दो करिसा  
अद्धपलं दो अद्धपलाइं पलं पंचुत्तरपलसइया तुला दस तुलाओ अद्धभारो भारो दो अद्धकरिसा  
करिसो दो करिसा अद्धपलं दो अद्धपलाइं पलं पंचुत्तरपलसइया तुला दस तुलाओ अद्धभारो बीसं  
तुलाओ भारो एएणं उम्माणप्पमाणेणं किं पओयणं एएणं उम्माणप्पमाणेणं पत्त-अगरु-त्तगर-  
चोयय-कंकम-खंड-गुल-मच्छंडियादीणं दव्वाणं उम्माणप्पमाणनिव्वित्ति लक्खणं भवइ से तं  
उम्माणे से किं तं ओमाणे ओमाणे-जण्णं ओमिणिज्झइ तं जहा-इत्थेण वा दंडेण वा धणुणा वा जुगेण  
वा नालियाए वा अक्खेण वा मुसलेण वा १३२-११-१३२-१

(२५४) दंडं धणुं जुगं नालियं च अक्खं मुसलं च चउइत्थं

दसनालियं च रज्जुं वियाण ओमाणसण्णाए

॥१३॥-७३

(२५५) वत्थुम्भि हत्थमेज्जं खित्ते दंडं धणुं च पंथम्भि

खायं च नालियाए वियाण ओमाणसण्णाए

॥१४॥-७४

(२५६) एएणं ओमाणप्पमाणेणं किं पओयणं एएणं ओमाणप्पमाणेणं खाय-चिय-रचिय-  
करकचिय-कड-पड-भित्ति-परिक्खेवसंसियाणं दव्वाणं ओमाणप्पमाणनिव्वित्तिलक्खणं भवइ से तं  
ओमाणे से किं तं गणिमे गणिमे-जण्णं गणिज्झइ तं जहा-एणो दस सयं सहस्सं दससहस्साइं  
सयसहस्सं दससयसहस्साइं कोडी एएणं गणिमप्पमाणेणं किं पओयणं एएणं गणिमप्पमाणेणं  
भित्तग-भित्ति-मत्त-वेयण-आय-व्वयसंसियाणं दव्वाणं गणिमप्पमाणनिव्वित्तिलक्खणं भवइ से तं  
गणिमे से किं तं पडिमाणे पडिमाणे-जण्णं पडिमिणिज्झइ तं जहा-गुंजा कागणी निष्कायो कम्म-  
मासओ मंडलओ सुवण्णो पंच गुंजाओ कम्ममासओ चत्तारि कागणीओ कागणीओ कम्ममासओ  
तिण्णि निष्काया कम्ममासओ एवं चउक्कओ कम्ममासओ बारस कम्ममासया मंडलओ एवं  
अडयालीसाए कागणीओ मंडलओ सोलस कम्ममासया सुवण्णो एवं चउसट्ठीए कागणीओ  
सुवण्णो एएणं पडिमाणप्पमाणेणं किं पओयणं दव्वाणं पडिमाणप्पमाणनिव्वित्तिलक्खणं भवइ  
से तं पडिमाणे से तं विभागनिष्फण्णे से तं दव्वप्पमाणे १३२-११-१३२

(२५७) से किं तं खेत्तप्पमाणं खेत्तप्पमाणे दुविहे, पएसनिष्फण्णे य विभागनिष्फण्णे य से  
किं तं पएसनिष्फण्णे एगपएसोगाढे दुपएसोगाढे तिपएसोगाढे जाव दसपएसोगाढे संखेज्जपएसो-  
गाढे असंखेज्जपएसोगाढे से तं पएसनिष्फण्णे से किं तं विभागनिष्फण्णे १३३-११-१३३-१

(२५८) अंगुल विहत्थि रयणी कुच्छी धणु गाउयं च बोधव्वं

जोयण सेट्ठी पयरं लोगमलोगे यिय तहेव

॥१५॥-७५

(२५९) से किं तं अंगुले अंगुले तिदिहे पन्नते तं जहा-आयंगुले उस्सेहंगुले पमाणंगुले से किं  
तं आयंगुले आयंगुले-जे णं जया मणुस्सा भवन्ति तेसि णं तथा अप्पणो अंगुलेणं दुवालस अंगुलाइं  
मुहं नवमुहाइं पुरिसे पमाणजुते भवइ दोणीए पुरिसे माणजुते भवइ अद्धभारं तुल्लमाणे पुरिसे  
उम्माणजुते भवइ १३३-२१-१३३-२

(२६०) माणुम्माणप्पमाणजुत्ता लक्खणवंजणगुणेहिं उववेया

उत्तमकुलप्पसूया उत्तमपुरिसा मुणेयव्वा

॥१६॥-७६

(२६१) होति पुण अहियपुरिसा अद्धसयं अंगुलाण उव्विद्धा

छण्णउइ अहमपुरिसा चउरुत्तरा मज्झिमिल्ला उ

॥१७॥-७७

(२६२) हीणा वा अहिया वा जे खलु सर-सत्त-सारपरिहीणा

ते उत्तमपुरिसाणं अवसा पेसत्तमणुवेति

॥९८॥-७४

(२६३) एएणं अंगुलप्पमाणेणं छ अंगुलाइ पाओ दो पाया विहत्थी दो विहत्थीओ रयणी दो रयणीओ कुच्छी दो कुच्छीओ दंडं धणू जुगे नालिया अक्खे मुसले दो घणुसहस्साइ गाउयं चत्तारि गाउयाइ जोयणं एएणं आयंगुलप्पमाणेणं कि पओयणं एएणं आयंगुलप्पमाणेणं-जे णं जया मणुस्सा भवति तेसि णं तया अप्पणो अंगुलेणं अगड-तलाग-दह-नदी-वावी-पुक्खरिणी-दीहिया-गुंजालियाओ सरा सरपंतियाओ सरसरपंतियाओ बिलपंतियाओ आरामुज्जाण-काणण-वण-वणसंड-वणराईओ देवकुल-सभा-पवा-यूभ-खाइय-परिहाओ पागार-अट्टालय-चरिय-दार - गोपुर - पासाय - घर-सरण-त्तेण-आवण-सिंघाडग-तिग-चउक्क-चच्चर-चउम्मुह-महापह-पह-सगड-जाण-जुग्ग-गिद्धि-थिद्धि-सीय-संदमणियाओ लोही-लोहकडाड-कडुच्छुय-आसण-सयण-खंभ-भंड-मत्तोवगरणमाईणि अज्जकालियाइ च जोयणाइ भविज्जति से समासओ तिविहे० सूइ-अंगुले पयरंगुले घणंगुले अंगुलायया एगएसिया सेटी सूईअंगुले सूई सूईए गुणिया पयरंगुले पयरं सूईए गुणितं धणंगुले एएसि णं मंते सूईअंगुल-पयरंगुल-धणंगुलाणं कयरे कयरेहितो अप्पे वा बहुए वा तुल्ले वा विसेसाहिए वा सच्चत्थीवे सूईअंगुले पयरंगुले असंखेज्जगुणे धणंगुले असंखेज्जगुणे से तं आयंगुले से किं तं उस्सेहंगुले उस्सेहंगुले अणेगविहे पवत्ते ॥९३३-३१-१३३-३

(२६४) परमाणू तसरेणू रहरेणू अगगं च बालस्स

लिक्खा जूया य जवो अट्टगुणविदड्ढिया कमसो

॥९९॥-७५

(२६५) से किं तं परमाणू परमाणू दुयिहे पवत्ते तं जहा सुहुमे य वावहारिए य तत्थ सुहुमो ठप्पो से किं तं वावहारिए वावहारिए-अनंताणं सुहुमपरमाणुपोगलाणं समुदय-समिति-समागमेणं से एगे वावहारिए परमाणुपोगले निष्फज्जइ से णं मंते असिधारं वा खुरधारं वा ओगाहेज्जा हंता ओगाहेज्जा से णं तत्थ छिजेज्ज वा भिजेज्ज वा नो इणमट्ठे समट्ठे नो खलु तत्थ सत्थं कमइ से णं मंते अगणिकायस्स मज्झमज्झेणं वीइवएज्जा हंता वीइवएज्जा से णं तत्थ डहेज्जा नो इणमट्ठे समट्ठे नो खलु तत्थ सत्थं कमइ से णं मंते पोक्खलसंवट्ठगस्स महामेहस्स मज्झमज्झेणं वीइवएज्जा हंता वीइ-वएज्जा से णं तत्त उदउल्ले सिया नो इणमट्ठे समट्ठे नो खलु तत्थ सत्थं कमइ से णं मंते गंगाए महानईए पडिसोयं हव्वमागच्छेज्जा हंता हव्वमागच्छेज्जा से णं तत्थ विणिधायमावज्जेज्जा नो इणमट्ठे समट्ठे नो खलु तत्थ सत्थं कमइ से णं मंते उदगावत्तं वा उदगाबिंदुं वा ओगाहेज्जा हंता ओगाहेज्जा से णं तत्थ कुच्छेज्ज वा परियावज्जेज्ज वा नो खलु तत्थ सत्थं कमइ ॥९३३-४१-१३३-४

(२६६) सत्थेण सुत्तिकखेण वि छेतुं भेतुं च जं किर न सक्का

तं परमाणू सिद्धा वयंति आइ पमाणणं

॥१००॥-१००

(२६७) अनंताणं वावहारियपरमाणुपोगलाणं समुदय-समिति-समागमेणं सा एगा उसण्हसण्हिया इ वा सण्हसण्हिया इ वा उइदरेणू इ वा तसरेणू इ वा रहरेणू इ वा अट्ट उसण्हसण्हियाओ सा एगा सण्हसण्हिया अट्ट सण्हसण्हियाओ सा एगा उइदरेणू अट्ट उइदरेणूओ सा एगा तसरेणू अट्ट तसरेणूओ सा एगा रहरेणू अट्ट रहरेणूओ देवकुरु-उत्तरकुरुगाणं मणुस्साणं से एगे बालग्गे अट्ट देवकुरु-उत्तरकुरुगाणं मणुस्साणं से एगे बालग्गे अट्ट देवकुरु-उत्तरकुरुगाणं मणुस्साणं बालग्गा हरिवास-रम्मगवासाणं मणुस्साणं से एगे बालग्गे अट्ट हरिवास-रम्मगवासाणं

मणुस्साणं बालग्गा हेमवय-हेरणवयाणं मणुस्साणं से एगे बालग्गे अद्द हेमवय-हेरणवयाणं मणुस्साणं बालग्गा पुव्वविदेह-अवरविदेहाणं मणुस्साणं से एगे बालग्गे अद्द पुव्वविदेहे-अवरविदेहाणं मणुस्साणं बालग्गा सा एगा लिक्खा अद्द लिक्खाओ सा एगा जूया अद्द जूयाओ से एगे जवमज्जे अद्द जयमज्जा से एगे उस्सेहंगुले एएणं अंगुलप्पमाणेणं छ अंगुलाइं पादो बारस अंगुलाइं विहत्थी चउवीसं अंगुलाइं रयणी अड्यालीसं अंगुलाइं कुच्छी छत्रउइं अंगुलाइं से एगे इ वा धणू इ वा जुगे इ वा नालिया इ वा अक्खे इ वा मुसले इ वा एएणं धणुप्पमाणेणं दो धणुसहस्साइं गाउयं घत्तारि गाउयाइं जोयणं एएणं उस्सेहंगुलेणं किं पओयणं एएणं उस्सेहंगुलेणं नेरइय-तिरिक्खजोणिय-मणुस्स-देवाणं सरीरोगाहणाओ मविज्जंति नेरइयाणं भंते केमहालिया सरीरो-गाहणा पत्रत्ता गोयमा दुविहा पत्रत्ता तं जहा-भवधारणिज्जा य उत्तरवेउब्बिया य तत्थ णं जासा भवधारणिज्जा सा जहण्णेणं अंगुलस्स असंखेअइभागं उक्कोसेणं पंच धणुसयाइं तत्थ णं जासा उत्तरवेउब्बिया सा जहण्णेणं अंगुलस्स संखेअइभागं उक्कोसेणं धणुसहस्सं रयणप्पमापुढवीए नेरइयाणं भंते केमहालिया सरीरोगाहणा पत्रत्ता गोयमा दुविहा भवधारणिज्जा य उत्तरवेउब्बिया य तत्थ णं जासा भवधारणिज्जा सा जहण्णेणं अंगुलस्स असंखेअइभागं उक्कोसेणं सत्त धणूइं तिण्णि रयणीओ छच्च अंगुलाइं तत्थ णं जासा उत्तरवेउब्बिया सा जहण्णेणं अंगुलस्स संखेअइभागं उक्कोसेणं पन्नरस धणूइं दोण्णि रयणीओ बारस अंगुलाइं सक्करप्पमापुढवीए नेरइयाणं भंते केमहालिया सरीरोगाहणा पत्रत्ता गोयमा दुविहा भवधारणिज्जा य उत्तरवेउब्बिया य तत्थ णं जासा भवधारणिज्जा सा जहण्णेणं अंगुलस्स असंखेअइभागं उक्कोसेणं पन्नरस धणूइं अड्ढाइज्जाओ रयणीओ तत्थ णं जासा उत्तरवेउब्बिया सा जहण्णेणं अंगुलस्स संखेअइभागं उक्कोसेणं एकतीसं धणूइं रयणी य बालुयप्पमापुढवीए नेरइयाइणं भंते केमहालिया सरीरोगाहणा पत्रत्ता गोयमा दुविहा भवधारणिज्जा य उत्तरवेउब्बिया य तत्थ णं जासा भवधारणिज्जा सा जहण्णेणं अंगुलस्स असंखेअइभागं उक्कोसेणं एकतीसं धणूइं रयणी य तत्थ णं जासा उत्तरवेउब्बिया सा जहण्णेणं अंगुलस्स संखेअइभागं उक्कोसेणं बावट्ठिं धणूइं दो रयणीओ य एवं सव्वासिं पुढवीणं पुच्छा भाणियव्वा-पंकप्पमाए भवधारणिज्जा जहण्णेणं अंगुलस्स असंखेअइभागं उक्कोसेणं बावट्ठिं धणूइं दो रयणीओ य उत्तरवेउब्बिया जहण्णेणं अंगुलस्स संखेअइभागं उक्कोसेणं बावट्ठिं धणूइं दो रयणीओ य उत्तरवेउब्बिया जहण्णेणं अंगुलस्स असंखेअइभागं उक्कोसेणं पणवीसं धणुसयं उत्तरवेउब्बिया जहण्णेणं अंगुलस्स संखेअइभागं उक्कोसेणं अड्ढाइज्जां धणुसाइं तमाए भवधारणिज्जा जहण्णेणं अंगुलस्स असंखेअइभागं उक्कोसेणं अड्ढाइज्जाइं धणुसयाइं उत्तरवेउब्बिया जहण्णेणं अंगुलस्स संखेअइभागं उक्कोसेणं पंच धणुसयाइं तमतमापुढवीए नेरइयाणं भंते केमहालिया सरीरोगाहणा पत्रत्ता गोयमा दुविहा भवधारणिज्जा य उत्तरवेउब्बिया य तत्थ णं जासा भवधारणिज्जा सा जहण्णेणं अंगुलस्स असंखेअइभागं उक्कोसेणं पंच धणुसयाइं तत्थ णं जासा उत्तरवेउब्बिया सा जहण्णेणं अंगुलस्स संखेअइभागं उक्कोसेणं धणुसहस्सं असुरकुमाराणं भंते केमहालिया सरीरोगाहणा पत्रत्ता गोयमा दुविहा पत्रत्ता तं जहा-भवधारणिज्जा य उत्तरवेउब्बिया य तत्थ तं जासा भवधारणिज्जा सा जहण्णेणं अंगुलस्स असंखेअइभागं उक्कोसेणं सत्त रयणीओ तत्थ णं जासा उत्तरवेउब्बिया सा जहण्णेणं अंगुलस्स संखेअइभागं उक्कोसेणं जोयणसयसहस्सं एवं असुरकुमारामेणं जाव धणियकुमाराणं ताव भाणियव्वं पुढविकाइयाणं



For Private And Personal Use Only

गम्भवक्कंतियचउपयथलयर पुच्छा गोयमा जहण्णेणं अंगुलस्स संखेज्झइभागं उक्कोसेणं छग्गाउयाइ उरपरिसप्पथलयरपंचिदिय पुच्छा गोयमा जहण्णेणं अंगुलस्स असंखेज्झइभागं उक्कोसेणं जोयणसहस्सं संमुच्छिमउरपरिसप्पथलयर पुच्छा गोयमा जहण्णेणं अंगुलस्स असंखेज्झइभागं उक्कोसेणं जोयणपुहुत्तं अपज्जत्तगसंमुच्छिमउरपरिसप्पथलयर पुच्छा गोयमा जहण्णेणं अंगुलस्स असंखेज्झइभागं उक्कोसेणं वि अंगुलस्स असंखेज्झइभागं पज्जत्तगसंमुच्छिमउरपरिसप्पथलयर पुच्छा गोयमा जहण्णेणं अंगुलस्स संखेज्झइभागं उक्कोसेणं जोयणपुहुत्तं गम्भवक्कंतियउरपरिसप्पथलयर पुच्छा गोयमा जहण्णेणं अंगुलस्स असंखेज्झइभागं उक्कोसेणं जोयणसहस्सं अपज्जत्तगगम्भवक्कंतियउरपरिसप्पथलयर पुच्छा गोयमा जहण्णेणं अंगुलस्स असंखेज्झइभागं उक्कोसेणं वि अंगुलस्स असंखेज्झइभागं पज्जत्तगगम्भवक्कंतियउरपरिसप्पथलयर पुच्छा गोयमा जहण्णेणं अंगुलस्स संखेज्झइभागं उक्कोसेणं जोयणसहस्सं भुयपरिसप्पथलयरपंचिदिय पुच्छा गोयमा जहण्णेणं अंगुलस्स असंखेज्झइभागं उक्कोसेणं गाउयपुहुत्तं संमुच्छिमभुयपरिसप्पथलयर पुच्छा गोयमा जहण्णेणं अंगुलस्स असंखेज्झइभागं उक्कोसेणं धणुपुहुत्तं अपज्जत्तगसंमुच्छिमभुयपरिसप्पथलयर पुच्छा गोयमा जहण्णेणं अंगुलस्स असंखेज्झइभागं उक्कोसेणं वि अंगुलस्स असंखेज्झइभागं पज्जत्तगसंमुच्छिमभुयपरिसप्पथलयर पुच्छा गोयमा जहण्णेणं अंगुलस्स संखेज्झइभागं उक्कोसेणं धणुपुहुत्तं गम्भवक्कंतियभुयपरिसप्पथलयर पुच्छा गोयमा जहण्णेणं अंगुलस्स असंखेज्झइभागं उक्कोसेणं गाउयपुहुत्तं अपज्जत्तगगम्भवक्कंतियभुयपरिसप्पथलयर पुच्छा गोयमा जहण्णेणं अंगुलस्स असंखेज्झइभागं उक्कोसेणं वि अंगुलस्स असंखेज्झइभागं पज्जत्तगगम्भवक्कंतियभुयपरिसप्पथलयर पुच्छा गोयमा जहण्णेणं अंगुलस्स संखेज्झइभागं उक्कोसेणं गाउयपुहुत्तं खहयरपंचिदिय पुच्छा गोयमा जहण्णेणं अंगुलस्स असंखेज्झइभागं उक्कोसेणं धणुपुहुत्तं संमुच्छिमखहयराणं जहा भुयगपरिसप्पसंमुच्छिमाणं तिसु वि गमेसु तथा माणियच्चं गम्भवक्कं तियखहयर पुच्छा गोयमा जहण्णेणं अंगुलस्स असंखेज्झइभागं उक्कोसेणं धणुपुहुत्तं अपज्जत्तगगम्भवक्कंतियखहयर पुच्छा गोयमा जहण्णेणं अंगुलस्स असंखेज्झइभागं उक्कोसेणं वि अंगुलस्स असंखेज्झइभागं पज्जत्तगगम्भवक्कंतियखहयर पुच्छा गोयमा जहण्णेणं अंगुलस्स संखेज्झइभागं उक्कोसेणं धणुपुहुत्तं एत्थ संगहणिग्गाहाओ भवति तं जहा।१३३-५-१३३-८

(२६८) जोयणसहस्स गाउयपुहुत्तं ततो य जोयणपुहुत्तं

दोण्हं तु धणु-पुहुत्तं संमुच्छिमे होइ उच्चत्तं

॥१०१॥-१०१

(२६९) जोयणसहस्स छग्गाउयाइ ततो य जोयणसहस्सं

गाउयपुहुत्तं भुयगे पक्खीसु भवे धणुपुहुत्तं

॥१०२॥-१०२

(२७०) मणुस्साणं भंते केमहालिया सरीरोगाहणा पन्नता गोयमा जहण्णेणं अंगुलस्स असंखेज्झइभागं उक्कोसेणं तिण्णि गाउयाइ संमुच्छिममणुस्साणं गोयमा जहण्णेणं अंगुलस्स असंखेज्झइभागं उक्कोसेणं वि अंगुलस्स असंखेज्झइभागं गम्भवक्कंतियमणुस्साणं पुच्छा गोयमा जहण्णेणं अंगुलस्स असंखेज्झइभागं उक्कोसेणं तिण्णि गाउयाइ अपज्जत्तगगम्भवक्कंतियमणुस्साणं पुच्छा गोयमा जहण्णेणं अंगुलस्स असंखेज्झइभागं उक्कोसेणं वि अंगुलस्स असंखेज्झइभागं पज्जत्तगगम्भवक्कंतियमणुस्साणं पुच्छा गोयमा जहण्णेणं अंगुलस्स संखेज्झइभागं उक्कोसेणं तिण्णि गाउयाइ वाणमंतराणं भवधारणिज्जा उ उत्तरवेउब्बिया य जहा असुरकुमाराणं

तहा भाणियव्वा जहा वाणमतंराणं तहा जोइसियाणं सोहम्मे कप्पे देवाणं भंते केमहालिया सरी-  
 रोगाहणा पन्नत्ता गोयमा दुविहा० भवधारणिज्जा य उत्तरवेउब्बिया य तत्थ णं जासा भवधारणिज्जा  
 सा जहण्णेणं अंगुलस्स असंखेज्जइभागं उक्कोसेणं सत्त रयणीओ तत्थ णं जासा उत्तरवेउब्बिया  
 सा जहण्णेणं अंगुलस्स संखेज्जइभागं उक्कोसेणं जोयणसयसहस्सं एवं ईसाणे कप्पे वि भाणियव्वं  
 जहा सोहम्मे कप्पे देवाणं पुच्छा तहा सेसकप्पदेवाणं पि पुच्छा भाणियव्वा जाव अद्ध्युतो कप्पो-  
 सणंकुमारे भवधारणिज्जा जहण्णेणं अंगुलस्स असंखेज्जइभागं उक्कोसेणं छ रयणीओ उत्तरवे-  
 उब्बिया जहा सोहम्मे जहा सणंकुमारा असंखेज्जइभागं उक्कोसेणं छ रयणीओ उत्तरवेउब्बिया  
 जहा सोहम्मे जहा सणंकुमारे तहा माहिंदे वि बंभलोग-लंतगेसु भवधारणिज्जा जहण्णेणं अंगुलस्स  
 असंखेज्जइभागं उक्कोसेणं पंच रयणीओ उत्तरवेउब्बिया जहा सोहम्मे महासुक्क-सहस्सारेसु  
 भवधारणिज्जा जहण्णेणं अंगुलस्स असंखेज्जइभागं उक्कोसेणं चत्तारि रयणीओ उत्तरवेउब्बिया  
 जहा सोहम्मे आणत्त-पाणत्त-आरण-अद्ध्युतेसु चउसु वि भवधारणिज्जा जहण्णेणं अंगुलस्स  
 असंखेज्जइभागं उक्कोसेणं तिण्णि रयणीओ उत्तरवेउब्बिया जहा सोहम्मे, गेवेज्जगदेवाणं पुच्छा  
 एगे भवधारणिज्जे सरीरगे पन्नत्ते से जहण्णेणं अंगुलस्स असंखेज्जइभागं उक्कोसेणं दो रयणीओ  
 अनुत्तरोदवाइयदेवाणं पुच्छा एगे भवधारणिज्जे सरीरगे पन्नत्ते से जहण्णेणं अंगुलस्स  
 असंखेज्जइभागं उक्कोसेणं एगा रयणी एवं सव्वाणं दुविहा-भवधारणिज्जा जहण्णेणं अंगुलस्स  
 असंखेज्जइभागं उक्कोसेणं दुगुणा दुगुणा उत्तरवेउब्बिया जहण्णेणं अंगुलस्स संखेज्जइभागं  
 उक्कोसेणं दुगुणा दुगुणा एवं असुरकुमाराईणं जाव अनुत्तरविमाणवासीणं सगसगसरीरोगाहणा  
 भाणियव्वा से समासओ तिविहे सूर्इअंगुले पयरंगुले धणंगुले अंगुलायया एगपएसिया सेदी सूर्इ-  
 अंगुले सूर्इ सूर्इए गुणिया पयरंगुले पयरं सूर्इए गुणितं धणंगुले एएसि णं सूर्इअंगुल-पयरंगुल-  
 धणंगुलाणं कयरे कयरेहिंतो अप्पे वा बहुए वा तुल्ले वा विसेसाहिए वा सव्वत्थोवे सूर्इअंगुले  
 पयरंगुले असंखेज्जगुणे धणंगुलेअसंखेज्जगुणे से तं उस्सेहंगुले से किं तं पमाणंगुले पमाणंगुले-  
 एगमेगस्स णं रण्णो चाउरंतचक्कवट्टिस्स अडुसोविण्णिए कागणिरयणे छत्तले दुवालसंसिए  
 अडुकण्णिए अहिगरणिसंठाणसंठिए पन्नत्ते तस्स णं एगमेगा कोडी उस्सेहंगुल- विक्खंभा तं  
 समणस्स भगवओ महावीरस्स अद्धंगुलं तं सहस्सगुणियं पमाणंगुलं भवइ एएणं अंगुलपमाणेणं छ  
 अंगुलाइ पादो दो पाया विहत्थी दो विहत्थीओ रयणी दो रयणीओ कुच्छी दो कुच्छीओ धणू दो  
 धणुसहस्साइ गाउयं चत्तारि गाउयाइ जोयणं एएणं पमाणंगुलेणं किं पओयणं एएणं पमाणंगुलेणं  
 पुढवीणं कंडाणं पातालाणं भवणाणं भवणपत्त्यडाणं निरयाणं निरयावलिपाणं निरयपत्त्यडाणं  
 कप्पाणं विमाणं विमाणावलिपाणं विमाणपत्त्यडाणं टंकाणं कूडाणं सेलाणं सिहरीणं पम्भराणं  
 विजयाणं वक्खाराणं वासाणं वासहराणं पव्वयाणं वेलाणं वेइयाणं दौराणं तोरणाणं दीवाणं  
 समुद्धानं आयाम-विक्खंभ-उद्द्यत्त-उव्वेह-परिकखेया मयिज्जंति से समासओ तिविहे० सेदीअंगुले  
 पयरंगुले धणंगुले असंखेज्जाओ जोयणकोडाकोडीओ सेदी सेदी सेदीए गुणिया पयरं पयरं सेदीए  
 गुणियं लोगो संखेज्जएणं लोगो गुणितो संखेज्जा लोगो असंखेज्जएणं लोगो गुणितो असंखेज्जा लोगो  
 एएसि णं सेदीअंगुल-पयरंगुल-धणंगुलाणं कयरे कयरेहिंतो अप्पे वा बहुए वा तुल्ले वा विसेसाहिए  
 वा सव्वत्थोवे सेदीअंगुले पयरंगुले असंखेज्जगुणे धणंगुले असंखेज्जगुणे से तं पमाणंगुले से तं  
 विमाणनिष्फण्ण से तं छेत्तप्पमाणे १९३३-१९३३

(२७१) से किं तं कालप्पमाणे कालप्पमाणे दुविहे पत्रत्ते तं जहा-पएसिनिष्फण्णे य विभागनिष्फण्णे य। १३४१-१३४

(२७२) से किं तं पएसिनिष्फण्णे पएसिनिष्फण्णे-एगसमयद्धिंए दुसमयद्धिंए तिसमयद्धिं-  
ईए जाव दससमयद्धिंए संखेज्जसमयद्धिंए असंखेज्जसमयद्धिंए से तं पएसिनिष्फण्णे। १३४१-१३४

(२७३) से किं तं विभागनिष्फण्णे विभागनिष्फण्णे। १३४१-१३४

(२७४) समयवालिय-मुहुत्ता दिवसमहोरत-पक्ख-मासा य

संवच्छर-जुग-पलिया सागर-ओसप्पि-परियद्वा

॥१०३॥-१०३

(२७५) से किं तं समए समयस्स णं परवणं करिस्सामि-से जहानामए तुण्णागदारए सिया तरुणे बलवं जुगवं जुवाणे अप्पातंके थिरग्गहत्थे दढपाणि-पाय-पास-पिट्ठ-तरोरुपरिणत्ते तलजमलडुयल-परिधनिभबाहु चम्पेद्वग-दुहण-मुट्ठिय-समाहत-निचित-गतकाए उरस्सबलस-मण्णागए लंघण पयण-जइण-वायामसमत्थे छेए दक्खे पत्तंहे कुसले मेहावी निउणे निउणसिप्पोवगए एगं भवति पडसाडियं वा पट्टसाडियं वा गहाय वा गहाय सयराहं हत्थमेत्तं ओसारज्जा तत्थ चोयए पत्रवयं एवं वयासी-जेणं कालेणं तेणं तुण्णागदारएणं तीसे पडसाडियाए वा पट्टसाडियाए वा सयराहं हत्थमेत्तं ओसारिए से समए भवइ नो इणमट्ठे समट्ठे कम्हा जम्हा संखेज्जाणं तंतूणं समुदय-समिति-समागमेणं एगं पडसाडिया निष्फज्जइ उवपिल्लमि तंतुमि अच्छिण्णे हेट्ठिल्ले तंतू छिज्जइ तम्हा से समए न भवइ एवं वयंतं पत्रवयं चोयए एवं वयासी-जेणं कालेणं तेणं तुण्णागदारएणं तीसे पडसाडियाए वा पट्टसाडियाए वा उवरिल्ले तंतू छिण्णे से समए न भवइ कम्हा जम्हा संखेज्जाणं पम्हाणं समुदय-समिति-समागमेणं एगे तंतू निष्फज्जइ उवरिल्ले पम्हे अच्छिण्णे हेट्ठिल्ले पम्हे न छिज्जइ अण्णमि काले उवरिल्ले पम्हे छिज्जइ अण्णमि काले हेट्ठिल्ले पम्हे छिज्जइ तम्हा से समए न भवइ एवं वयंतं पत्रवयं चोयए एवं वयासी-जेणं कालेणं तेणं तुण्णागदारएणं तस्स तंतुस्स उवरिल्ले पम्हे छिण्णे से समए न भवइ कम्हा जम्हा अनंताणं संघायाणं समुदय-समिति-समागमेणं एगे पम्हे निष्फज्जइ उवरिल्ले संघाए अविसंघाइए हेट्ठिल्ले संघाए न विसंघाइज्जइ अण्णमि काले उवरिल्ले संघाए विसंघाइज्जइ अण्णमि काले हेट्ठिल्ले संघाए विलसंघाइज्जइ तम्हा से समए न भवइ एत्तो वि य णं सुहुतराए समए पत्रत्ते समणाउसो असंखेज्जाणं समयाणं समुदय-समिति-समागमेणं सा एगं आवलिया त्ति वुज्जइ संखेज्जाओ आवलियाओ ऊसासो संखेज्जाओ आवलियाओ नीसासो। १३७१-१३७-१-१३७-१

(२७६) हट्ठस्स अणवगल्ल, निरुवक्किहट्ठस्स जंतुणो

एगे ऊसास-नीसासे एस पाणु त्ति वुच्चइ

॥१०४॥-१०४

(२७७) सत्त पाणूणि से थोवे सत्त थोवाणि से लवे

लवाणं सत्तहत्तरिए एस मुहुत्ते वियाहिए

॥१०५॥-१०५

(२७८) तिण्णि सहस्सा सत्त य सयाई तेहत्तरि च ऊसासा

एस मुहुत्तो पणियो सव्वेहिं अनंतनाणीहिं

॥१०६॥-१०६

(२७९) एणं मुहुत्तपमाणेणं तीसं मुहुत्ता अहोरत्तं पन्नरस अहोरत्ता पक्खो दो पक्खा मासो दो मासा उऊ तिण्णि उऊ अयण दो अयणाई संवच्छरे पंच संवच्छराई जुगे वीसं जुगाईई वाससयं दसवाससयाई वाससहस्सं सयंवाससहस्साणं वाससयसहस्सं चउरासीई वाससयसहस्साई से एगे-पुव्वंगे चउरासीईपुव्वंगसयसहस्साई से एगेपुव्वे घउरासीई पुव्वसयसहस्साई से एगेतुडियंगे

घउरासीइंतुडियंगसयसहस्साइं से एगेतुडिए चउरासीइं तुडियसयसहस्साइं से एगेअडङगे चउरा-  
सीइंअडङंगसयसहस्साइं से एगेअडङे एवं अवंगे अववे हुहुयंगे हुहुए उप्यलंगे उप्यले पउमंगे  
नलिंगे नलिणे अत्यनिउरंगे अत्यनिउरे अउयंगे अउए नउयंगे नउए पउयंगे पउए घूलियंगे  
घूलिया सीस हेलियंगे सीसपहेलिया एतावताव गणिए एतावए चेवे गणियस्स विसए अतो परं  
ओयमिए पवत्तइ ॥१३७१-१३७

(२८०) से कि तं ओवमिए ओवमिए दुविहे० पलिओवमे य सागरोवमे य से कि तं पलि-  
ओवमे तिविहे० उद्धारपलिओवमे अद्धापलिओवमे खेतपलिओवमे य से कि तं  
उद्धारपलिओवमे दुविहे० सुहुमे य वावहारिए य तत्थ णं जेसे सुहुमे से ठप्पे तत्थ णं जेसे वावहारिए  
से जहानामए पळे सिया-जोयणं आयाम-विक्खंभेणं जोयणं उड्डं उच्चतेणं तं तिगुणं सविसेसं  
परिक्खेवेणं से णं पळे एगाहिय-बेयाहिय-तेयाहिय उक्कोसेणं सत्तरत्तपरूढाणं सम्पट्ठे सन्नचिते  
भरिए वालगकोडीणं से णं वालगगे नो अग्गी डहेज्जा नो बाऊ हरेज्जा नो कुच्छेज्जा नो पलिविद्धंसेज्जा  
नो पूइत्ताए हव्वमागच्छेज्जा तओ णं समए-समए एगमेगं वालगं अवहाय जावइएणं कालेणं से  
पळे खीणे नीरए निळेवे निड्डिए भवइ से तं वावहारिए उद्धारपलिओवमे ॥१३८१-१३८-१

(२८१) एएसिं पल्लाणं कोडाकोडी हवेज्जा दसगुणिया

तं वावहारियस्स उद्धारसागरोवमस्स एगस्स भवे परीमाणं ॥१०७॥-१०७

(२८२) एएहिं वावहारियउद्धारपलिओवम-सागरोवमेहिं किं पओयणं एएहिं वावहारिय-  
उद्धारपलिओवम-सागरोवमेहिं नत्थि किंचिप्पओयणं केवलं पन्नवणं पन्नविज्जिते से तं वावहारिए  
उद्धारपलिओवमे से किं तं सुहुमे उद्धारपलिओवमे सुहुमे उद्धारपलिओवमे से जहानामए पळे  
सिया-जोयणं आयाम-विक्खंभेणं जोयणं उड्डं उच्चतेणं तं तिगुणं सविसेसं परिक्खेवेणं से णं पळे  
एगाहिय-बेयाहिय-तेयाहिय जाव भरिए वालगकोडीणं तत्थ णं एगमेगे वालगगे असंखेज्जाइं  
खंडाइं कअइ ते णं वालग्गा दिट्ठीओगाहणाओ असंखेज्जभागमेत्ता सुहुमस्स पणगजीवस्स सरी-  
रोगाहणाओ असंखेज्जगुणा ते णं वालगगे नो अग्गी डहेज्जा जाव नो पलिविद्धंसेज्जा नो पूइत्ताए  
हव्वमागच्छेज्जा तओ णं समए-समए एगमेगं वालगं अवहाय जावइएणं कालेणं से पळे खीणे  
नीरए निळेवे निड्डिए भवइ से तं सुहुमे उद्धारपलिओवमे ॥१३८२॥-१३८-२

(२८३) एएसिं पल्लाणं कोडाकोडी हवेज्जा दसगुणिया

तं सुहुमस्स अद्धासागरोवमस्स एगस्स भवे परीमाणं ॥१०८॥-१०८

(२८४) एएहिं सुहुमअद्धापलिओवम-सागरोवमेहिं किं पओयणं० दीव-समुद्धानं उद्धारो  
धेप्पइ केवइया णं भंते दीव-समुद्धानं उद्धारेणं पन्नत्ता गोयमा जावइया णं अइदाइज्जाणं  
उद्धारसागरोवमाणं उद्धारसमया० से तं सुहुमे उद्धारपलिओवमे से तं उद्धारपलिओवमे से किं तं  
अद्धापलिओवमे दुविहे० सुहुमे य वावहारिए य तत्थ णं जेसे सुहुमे से ठप्पे तत्थ णं जेसे वावहारिए  
से जहानामए पळे सिया-जोयणं आयाम-विक्खंभेणं जोयणं उड्डं उच्चतेणं तं तिगुणं सविसेसं  
परिक्खेवेणं से णं पळे एगाहिय-बेयाहिय-जाव भरिए वालगकोडीणं से णं वालगगे नो अग्गी  
डहेज्जा जाव नो पलिविद्धंसेज्जा नो पूइत्ताए हव्वमागच्छेज्जा तओ णं वाससए-वाससए गते एगमेगं  
वालगं अवहाय जावइएणं कालेणं से पळे खीणे नीरए निळेवे निड्डिए भवइ से तं वावहारिए  
अद्धापलिओवमे ॥१३८३॥-१३८-३

(२८५) एएसिं पछाणं कोडाकोडी हवेजा दसगुणिया

तं वावहारियस्स अद्धासागरोवमस्स एगस्स भवे परीमाणं ॥१०९॥-१०९

(२८६) एएहिं वावहारियअद्धापलिओवम-सागरोवमेहिं किं पओयणं एएहिं

वावहारियअद्धापलिओवम-सागरोवमेहिं नत्थि किंविप्पओयणं केयलं पन्नवणडुं पन्नविज्जति से तं वावहारिए अद्धापलिओवमे से किं तं सुहुमे अद्धापलिओवमे सुहुमे अद्धापलिओवमे से जहानामए पळे सिया-जोयणं आयाम-विकखंभेणं जोयण उड्डं उच्चत्तेणं तं तिगुणं सविसेसं परिकखेवणं से णं पळे एगाहिय-बेयाहिय-जाव भरिए वालग्गकोडीणं तत्थ णं एगमेगे असंखेजाइं खंडाई कज्जइ ते णं वालग्गे दिट्ठीओगाहणाओ असंखेज्जइभागमेत्ता सुहुमस्स पणगजीवस्स सरीरोगाहणाओ असंखेज्जगुणा से णं वालग्गे नो अग्गी हरेजा नो वाऊ हरेजा नो कुच्छेजा नो पलिविद्धंसेजा नो पूइत्ताए हव्वमागच्छेजा तओ णं याससए-वाससए गते एगमेगं वालग्गं अवहाय जावइएणं कालेणं से पळे खीणे नीरए निछेवे निद्धिए भवइ से तं सुहुमे अद्धापलिओवमे ॥१३८-४१-१३८-४

(२८७) एएसिं पछाणं कोडाकोडी भवेज्ज दसगुणिया

तं सुहुमस्स अद्धासागरोवमस्स एगस्स भवे परीमाणं

॥११०॥-११०

(२८८) एएहिं सुहुमअद्धापलिओवम-सागरोवमेहिं किं पओयणं एएहिं सुहुमअद्धा-

पलिओवम-सागरोवमेहिं नेरइय-तिरिक्खजोणिय-मणुस्स-देवाणं आउयाइं भविज्जति ॥१३८१-१३८

(२८९) नेरइयाणं भंते केवइयं कालं ठिईं पन्नत्ता जहण्णेणं दसवाससहस्साइं उक्कोसेणं

तेत्तीसं सागरोवमाइं जहा पन्नयणाए ठिईए सव्वसत्ताणं रयणप्पभापुदविनेरइआणं पुच्छा जहन्नेणं दसवाससहस्साइं उक्कोसेणं एककं सागरोवमं अपज्जत्तगरयणप्पभापुदविनेरइआणं पुच्छा जहन्नेणं वि अंतोमुहुत्तं उक्कोसेणं वि अंतोविमुहुत्तं पज्जत्तगरयणप्पभापुदविनेरइआणं पुच्छा गोयमा जहन्नेणं दसवाससहस्साइं अंतोमुहुत्तूणाइं उक्कोसेणं सागरोवमं अंतोमुहुत्तं सक्करप्पभापुद-विनेरइआणं पुच्छा जहन्नेणं एककं सागरोवमं उक्कोसेणं तिण्णि सागरोवमाइं एवं सेसपुदवीसु पुच्छा भाणियव्वा वालुधप्पभापुदविनेरइआणं जहन्नेणं तिण्णि सागरोवमाइं उक्कोसेणं सत्त सागरोवमाइं पंकप्पभापुदविनेरइयाणं जहन्नेणं सत्त सागरोवमाइं उक्कोसेणं दस सागरोवमाइं धूमप्पभापुदविनेरइयाणं जहन्नेणं दस सागरोवमाइं उक्कोसेणं सत्तसर सागरोवमाइं तमापुदविनेरइयाणं जहन्नेणं सत्तरस सागरोवमाइं उक्कोसेणं बावीसं सागरोवमाइं तमतमापुदविनेरइयाणं जहन्नेणं बावीसं सागरोवमाइं उक्कोसेणं तेत्तीसं सागरोवमाइं असुरकुमाराणं भंते पुच्छा जहन्नेणं दस वाससहस्साइं उक्कोसेणं सातिरेगं सागरोवमं असुरकुमारीणं० जहन्नेणं दस वाससहस्साइं उक्कोसेणं सातिरेगं सागरोवमं असुरकुमारीणं० जहन्नेणं दस वाससहस्साइं उक्कोसेणं अद्धपंचमाइं पलिओवमाइं नागकुमाराणं भंते० जहन्नेणं दस वाससहस्साइं उक्कोसेणं देसूणाइं दुण्णि पलिओवमाइं नागकुमारीणं भंते० जहन्नेणं दस वाससहस्साइं उक्कोसेणं देसुणं पलिओवमं एवं जहा नागकुमाराणं देवाणं देवीणं य तहा जाव यणियकुमाराणं देवाणं देवीणं य भाणियव्वां पुदविकाइआणं० जहन्नेणं अंतोमुहुत्तं उक्कोसेणं बावीसं वाससहस्साइं सुहुमपुदविकाइआणं ओहिआणं अपज्जत्तगाणं पज्जत्तगाणं य तिण्ह वि पुच्छा गोयमा जहन्नेणं वि अंतोमुहुत्तं उक्कोसेणं वि अंतोमुहुत्तं बादरपुदविकाइयाणं पुच्छा गोयमा जहन्नेणं अंतोमुहुत्तं उक्कोसेणं बावीसं वाससहस्साइं अंतोमुहुत्तूणाइं एवं सेसकाइआणं वि पुच्छा वयणं भाणियव्वं आउकाइआणं

For Private And Personal Use Only

रपंचिदियअ जाव गोयमा जहत्रेणं वि अंतोमुहुत्तं उक्कोसेण वि अंतोमुहुत्तं पञ्जत्तयसंमुच्छिमचउप्ययथलयरपंचिदिय जाव गोयमा जहत्रेणं अंतोमुहुत्तं उक्कोसेणं चउरा-  
सीइवाससहस्साइ अंतोमुहुत्तूणाइ गम्भवक्कंतिअचउप्ययथलयरपंचिदिअ जाव गोयमा जहत्रेणं  
अंतोमुहुत्तं उक्कोसेणं तिण्णि पलिओवमाइ अपञ्जत्तगगम्भवक्कंतिअचउप्ययथलयरपंचिदिअ  
जाव गोयमा जहत्रेणं वि अंतोमुहुत्तं उक्कोसेण वि अंतोमुहुत्तं पञ्जत्तगगम्भवक्कंतिअचउप्य-  
यथलयरपंचिदिअ जाव गोयमा जहत्रेणं अंतोमुहुत्तं उक्कोसेणं तिण्णि पलिओवमाइ अंतोमुहुत्तू-  
णाइ उरपरिसप्पयथलयरपंचिदिअ जाव गोयमा जहत्रेणं अंतोमुहुत्तं उक्कोसेणं पुव्वकोडी संमुच्छि-  
मउपरिसप्पयथलयरपंचिदिअ जाव गोयमा जहत्रेणं अंतोमुहुत्तं उक्कोसेणं तेवण्णं वाससहस्साइ  
अपञ्जत्तयसंमुच्छिमउरपरिसप्पयथलयरपंचिदिअ जाव गोयमा जहत्रेणं वि अंतोमुहुत्तं उक्कोसेण  
वि अंतोमुहुत्तं पञ्जत्तयसंमुच्छिमउरपरिसप्पयथलयरपंचिदिअ जाव गोयमा जहत्रेणं अंतोमुहुत्तं  
उक्कोसेणं तेवण्णं वाससहस्साइ अंतोमुहुत्तूणाइ गम्भवक्कंतिअउरपरिसप्पयथलयरपंचिदिअ  
जाव गोयमा जहत्रेणं अंतोमुहुत्तं उक्कोसेणं पुव्वकोडी अपञ्जत्तगगम्भवक्कंतिअउरपरिसप्प-  
यथलयरपंचिदिय जाव गोयमा जहत्रेणं वि अंतोमुहुत्तं उक्कोसेण वि अंतोमुहुत्तं पञ्जत्तयगम्भ-  
यरपंचिदिय जाव गोयमा जहत्रेणं वि अंतोमुहुत्तं उक्कोसेण वि अंतोमुहुत्तं पञ्जत्तयगम्भवक्कंति-  
यउरपरिसप्पयथलयरपंचिदिअ जाव गोयमा जहत्रेणं अंतोमुहुत्तं उक्कोसेणं पुव्वकोडी अंतो-  
मुहुत्तूणा मुअपरिसप्पयथलयरपंचिदिअ जाव गोयमा जहत्रेणं अंतोमुहुत्तं उक्कोसेणं पुव्वकोडी  
संमुच्छिमभुअपरिसप्पयथलयरपंचिदिअ जाव गोयमा जहत्रेणं अंतोमुहुत्तं उक्कोसेणं बायालीसं  
वाससहस्साइ अपञ्जत्तयसंमुच्छिमभुअपरिसप्पयथलयरपंचिदिअ जाव गोयमा जहत्रेणं वि अंतो-  
मुहुत्तं उक्कोसेणं वि अंतोमुहुत्तं पञ्जत्तगसंमुच्छिमभुअपरिसप्पयथलयरपंचिदिअ जाव गोयमा  
जहत्रेणं अंतोमुहुत्तं उक्कोसेणं बायालीसं वाससहस्साइ अंतोमुहुत्तूणाइ गम्भवक्कंतिअभुअ-  
परिसप्पयथलयरपंचिदिअ जाव गोयमा जहत्रेणं अंतोमुहुत्तं उक्कोसेणं पुव्वकोडी अपञ्जत्तयगम्भ-  
वक्कंतिअभुअपरिसप्पयथलयरपंचिदिय जाव गोयमा जहत्रेणं वि अंतोमुहुत्तं उक्कोसेणं वि  
अंतोमुहुत्तं पञ्जत्तयगम्भवक्कंतिअभुअपरिसप्पयथलयरपंचिअ जाव गोयमा जहत्रेणं अंतोमुहुत्तं  
उक्कोसेणं पुव्वकोडी अंतोमुहुत्तूणा खहरपंचिदिय जाव गोयमा जहत्रेणं अंतोमुहुत्तं उक्कोसेणं  
पलिओवमस्स असंखिअत्तिभागो संमुच्छिमखहरपंचिदिअ जाव गोयमा जहत्रेणं अंतोमुहुत्तं  
उक्कोसेणं बावत्तरिं वाससहस्साइ अपञ्जत्तयसंमुच्छिमखहरपंचिदिअ जाव गोयमा जहत्रेणं वि  
अंतोमुहुत्तं उक्कोसेणं वि अंतो मुहुत्तं पञ्जत्तगसंमुच्छिमखहरपंचिदिअ जाव गोयमा जहत्रेणं  
अंतोमुहुत्तं उक्कोसेणं बावत्तरि वाससहस्साइ अंतोमुहुत्तूणाइ गम्भवक्कंतिअखहरपंचिदिय  
जाव गोयमा जहत्रेणं अंतोमुहुत्तं उक्कोसेणं पलिओवमस्स असंखिअइभागो अपञ्जत्तगगम्भ-  
वक्कंतिअखहरपंचिदिअ जाव गोयमा जहत्रेणं वि अंतोमुहुत्तं उक्कोसेण वि अंतोमुहुत्तं पञ्जत्त-  
गगम्भवक्कंतिअखहरपंचिदिअतिरिक्खजोणियाणं भंते केवइअं कालं ठिठी पत्रत्ता गोयमा  
जहत्रेणं अंतोमुहुत्तं उक्कोसेणं पलिओवमस्स असंखिअइभागो अंतोमुहुत्तूणो एत्थ एएसिं  
संगहणिगाहाओ भवति तं जहा १९३९-११-१३७-१

(२९०) समुच्छिमे पुव्वकोडी चउरासीई भवे सहस्साइ

तेवण्णा बायाला बावत्तरिमेव पक्खीणं

॥११११॥-१११



(२११) गब्यम्पि पुव्वकोडी तिण्णि अ पलिओवमाई

परमाउ उरग-भुअपुव्वकोडी पलिओवमासंखभागो अ ॥११२॥-११२

(२१२) मणुस्साणं भंते केवइअं कालं ठिती पत्रत्ता गोयमा जहन्नेणं अंतोमुहुत्तं उक्कोसेणं तिन्नि पलिओवमाई संमुच्छिममणुस्साणं जाव गोयमा जहन्नेणं वि अंतोमुहुत्तं उक्कोसेणं वि अंतोमुहुत्तं गब्यवक्कंतिअमणुस्साणं जाव गोयमा जहन्नेणं वि अंतोमुहुत्तं उक्कोसेणं पलिओवमाई अपज्जत्तयगब्यवक्कंतिअमणुस्साणं जाव गोयमा जहन्नेणं वि अंतोमुहुत्तं उक्कोसेणं वि अंतोमुहुत्तं पज्जत्तयगब्यवक्कंतिअमणुस्साणं० जहन्नेणं अंतोमुहुत्तं उक्कोसेणं तिण्णि पलिओवमाई अंतोमुहुत्तूणाई वाणमंतराणं भंते देवाणं० जहन्नेणं दस वाससहस्साई उक्कोसेणं पलिओवमं वाणमंतराणं० गोयमा जहन्नेणं दस वाससहस्साई उक्कोसेणं अद्धपलिओवमं जोतिसियाणं भंते देवाणं० जहन्नेणं सातिरेगं अट्टभागपलिओवमं उक्कोसेणं पलिओवमं वाससतसहस्समब्भहिअं जोतिसिणीणं भंते देवीणं गोयमा जहन्नेणं अट्टभागपलिओवमं उक्कोसेणं अद्धपलिओवमं पत्रासए वाससहस्सेहिं अब्भहिअं चंदविमाण्णाणं भंते देवाणं गोयमा जहन्नेणं चउभागपलिवओवमं उक्कोसेणं पलिओवमं वाससतसहस्समब्भहिअं चंदविमाण्णाणं भंते देवीणं गोयमा जहन्नेणं चउभागपलिओवमं उक्कोसेणं अद्धपलिओवमं पत्रासए वाससहस्सेहिं अब्भहिअं सूरविमाण्णाणं भंते देवाणं गोयमा जहन्नेणं चउभागपलिओवमं उक्कोसेणं पलिओवमं वाससहस्समब्भहिअं सूरविमाण्णाणं भंते देवीणं गोयमा जहन्नेणं चउभागपलिओवमं उक्कोसेणं अद्धपलिओवमं पंचहिं वाससतेहिमब्भहिअं गहविमाण्णाणं भंते देवाणं गोयमा जहन्नेणं चउभागपलिओवमं उक्कोसेणं पलिओवमं गहविमाण्णाणं भंते देवीणं गोयमा जहन्नेणं चउभागपलिओवमं उक्कोसेणं अद्धपलिओवमं नक्खत्तविमाण्णाणं भंते देवाणं गोयमा जहन्नेणं चउभागपलिओवमं उक्कोसेणं अद्धपलिओवमं नक्खत्तविमाण्णाणं भंते देवीणं गोयमा जहन्नेणं चउभागपलिओवमं उक्कोसेणं सातिरेगं चउभागपलिओवमं ताराविमाण्णाणं भंते देवाणं गोयमा जहन्नेणं सातिरेगं अट्टभागपलिओवमं उक्कोसेणं चउभागपलिओवमं ताराविमाण्णाणं भंते देवीणं जहन्नेणं अट्टभागपलिओवमं उक्कोसेणं साइरेगं अट्टभागपलिओवमं वेमाणियाणं भंते देवाणं जहन्नेणं पलिओवमं उक्कोसेणं पणपत्रं पलिओवमाई सोहम्मे णं भंते कप्पे देवाणं गोयमा जहन्नेणं पलिओवमं उक्कोसेणं दो सागरोवमाई सोहम्मे णं भंते कप्पे परिग्गहियदेवीणं गोयमा जहन्नेणं पलिओवमं उक्कोसेणं सत्त पलिओवमाई सोहम्मे णं अपरिग्गहियदेवीणं गोयमा जहन्नेणं पलिओवमं उक्कोसेणं पत्रासं पलिओवमाई ईसाणे णं भंते कप्पे देवाणं गोयमा जहन्नेणं साइरेगं पलिओवमं उक्कोसेणं साइरेगाई दो सागरोवमाई ईसाणे णं भंते कप्पे परिग्गहियदेवीणं गोयमा जहन्नेणं साइरेगं पलिओवमं उक्कोसेणं नव परिओयमाई ईसाणे णं भंते कप्पे अपरिग्गहियदेवीणं गोयमा जहन्नेणं साइरेगं पलिओवमं उक्कोसेणं पणपत्रं पलिओवमाई सणकुमारे णं भंते कप्पे देवाणं गोयमा जहन्नेणं दो सागरोवमाई उक्कोसेणं दस सागरोवमाई माहिंदे णं जहन्नेणं साइरेगाई दो सागरोवमाई उक्कोसेणं साइरेगाई सत्तसागरोवमाई, बंभलोए० जहन्नेणं सत्त सागरोवमाई उक्कोसेणं सागरोवमाई एवं कप्पे कप्पे एवं भाणिअव्वं लंतए जहन्नेणं दस सागरोवमाई उक्कोसेणं सागरोवमाई महासुक्के जहन्नेणं चउदस सागरोवमाई उक्कोसेणं सत्तरस सागरोवमाई सहस्सारे जहन्नेणं सत्तरस सागरोवमाई

उक्कोसेणं अट्टारस सागरोवमाइं आणए जहन्नेणं अट्टारस सागरोवमाइं उक्कोसेणं एगूणवीसं सागरोवमाइं पाणए जहन्नेणं एगूणवीसं सागरोवमाइं उक्कोसेणं वीसं सागरोवमाइं आरणे जहन्नेणं वीसं सागरोवमाइं उक्कोसेणं एकवीसं सागरोवमाइं अणुए जहन्नेणं एककवीसं सागरोवमाइं उक्कोसेणं बावीसं सागरोवमाइं हेट्ठिमहेट्ठिमगेवेज्जविमाणेसु जहन्नेणं बावीसं सागरोवमाइं उक्कोसेणं तेवीसं सागरोवमाइं हेट्ठिमज्जिमगेवेज्जविमाणेसु णं भंते देवाणं गोयमा जहन्नेणं तेवीसं सागरोवमाइं उक्कोसेणं चउवीसं सागरोवमाइं हेट्ठिमउवरिमगेवेज्जविमाणेसु णं भंते देयाणं गोयमा जहन्नेणं चउवीसं सागरोवमाइं उक्कोसेणं पणवीसं सागरोवमाइं मज्जिमहेट्ठिमगेवेज्जविमाणेसु णं भंते देयाणं गोयमा जहन्नेणं पणवीसं सागरोवमाइं उक्कोसेणं छवीसं सागरोवमाइं मज्जिममज्जिमगेवेज्जविमाणेसु णं भंते देयाणं गोयमा जहन्नेणं छवीसं सागरोवमाइं उक्कोसेणं सत्तावीसं सागरोवमाइं मज्जिमउवरिमगेवेज्जविमाणेसु णं भंते देवाणं गोयमा जहन्नेणं सत्तावीसं सागरोवमाइं उक्कोसेणं अट्ठावीसं सागरोवमाइं उवरिमहेट्ठिमगेवेज्जविमाणेसु णं भंते देवाणं गोयमा जहन्नेणं अट्ठावीसं सागरोवमाइं उक्कोसेणं एगूणतीसं सागरोवमाइं उवरिममज्जिमगेवेज्जविमाणेसु णं भंते देवाणं गोयमा जहन्नेणं एगूणतीसं सागरोवमाइं उक्कोसेणं तीसं सागरोवमाइं उवरिमउवरिमगेवेज्जविमाणेसु णं भंते देवाणं गोयमा जहन्नेणं तीसं सागरोवमाइं उवरिमउवरिमगेवेज्जविमाणेसु णं भंते देवाणं गोयमा जहन्नेणं तीसं सागरोवमाइं उक्कोसेणं एककतीसं सागरोवमाइं विजयवेजयंतजयंतअपराजितविमाणेसु णं भंते देवाणं केव-  
त्तिअं कालं ठिती पत्रत्ता गोयमा जहन्नेणं एककतीसं सागरोवमाइं उक्कोसेणं तेत्तीसं सागरोवमाइं सव्वडुसिद्धे णं भंते महाविमाणे देवाणं केवत्तिअं कालं ठिती पत्रत्ता गोयमा अजहन्नमणुक्कोसं तेत्तीसं सागरोवमाइं से तं सुहुमे अस्सपलिओवमे से तं अस्स पलिओवमे ॥१३१॥१३७

(२१३) से किं तं खेतपलिओवमे खेतपलिओवमे खेतपलिओवमे दुविहे० सुहुमे य वावहारिए य तत्थ णं जेसे सुहुमे से ठप्पे तत्थ णं जेसे वावहारिए से जहानामए पल्ले सिया-जोयणं आयाम-विकखंभेणं जोयणं उड्डं उच्चतेणं तं तिगुणं सविसेसं परिकखेवेणं से णं पल्ले एगाहिय-बेयाहिय-जाव भरिए वालगकोडीणं से णं वालगगे नो अग्गी इहेज्जा जाव नो पूज्जाए इव्वमागछेज्जा जे णं तस्स आगासपएसा तेहिं वालगेहिं अप्फुत्ता तओ णं समए-समए एगमेणं आगासपएसं अवहाय जावइएणं कालेणं से पल्ले खीणे [नीए निल्लेवे] निड्डिए भवइ से तं वावहारिए खेतपलिओवमे ॥१४०-११-१४०-१

(२१४) एएसिं पल्लणं कोडाकोडी भवेज्ज दसगुणिया

तं वावहारियस्स खेतसागरोवमस्स एगस्स भवे परीमाणं ॥११३॥११३

(२१५) एएहिं वावहारियखेतपलिओवम-सागरोवमेहिं किं पजोयणं एएहिं वावहारियखेतपलिओवम-सागरोवमेहिं नत्थि किंचियओयणं केवलं पत्रवणं पत्रविज्जइ से तं वावहारिए खेतपलिओवमे से किं तं सुहुमे खेतपलिओवमे सुहुमे खेतपलिओवमे से जहानामए पल्ले सिया-जोयणं आयाम-विकखंभेणं जोयणं उड्डं उच्चतेणं तं तिगुणं सविसेसं परिकखेवेणं से णं पल्ले एगाहिय-बेयाहिय-तेयाहिय उक्कोसेणं सत्तरत्तपस्सुत्ताणं सम्पडे सञ्चिचिते भरिए वालगकोडीणं तत्थ णं एगमेगे वालगगे असंखेज्जाइं खंडाइं कज्जइ ते णं वालगगा दिट्ठीओगाहणाओ असंखेज्जभागमेत्ता सुहुमस्स पणगजीवस्स सरीरोगाहणाओ असंखेज्जगुणा से णं वालगगे नो अग्गी

डहेजा नो वाऊ हरेजा नो कुच्छेजा नो पलिविद्धसेज नो पूइत्ताए हव्यमागच्छेजा जे णं तस्स पल्लस्स आगासपएसा तेहिं बालगेहिं अण्णुजा वा अण्णुजा वा तओ णं समए-समए एगमेगं आगासपएसं अवहाय जावइएणं कालेणं से पल्ले खीणे नीरए निल्लेवे निट्टिए भवइ से तं सुहुमे खेतपलिओवमे तत्थ णं बोयए पन्नवगं एवं वयासी-अत्थि णं तस्स पल्लस्स आगासपएसा जे णं बालगेहिं अण्णुजा हंता अत्थि जहा को दिट्ठतो से जहानामए कोट्टए सिमा कोहंठाणं भरिए तत्थ णं माउल्लिगा पक्खित्ता ते वि माया तत्थ णं बिज्जा पक्खित्ता ते वि माया तत्थ णं आमलगा पक्खित्ता ते वि माया तत्थ णं बयरा पक्खित्ता ते वि मा माया तत्थ णं चणगा पक्खित्ता ते वि माया तत्थ णं मुग्गा पक्खित्ता ते वि माया तत्थ णं सरिसवा पक्खित्ता से वि माया तत्थ णं गंगावालुया पक्खित्ता सा वि माया एवमेव एएणं दिट्ठतेणं अत्थि णं तस्स पल्लस्स आगासपएसा जे णं तेहिं बालगेहिं अण्णुजा

19४०-२1-140-2

(२१६) एएसिं पल्लणं कोडकोडी भवेज्ज दसगुणिया

तं सुहुमस्स खेतसागरोवमस्स एगस्स भवे परीमाणं

119९४11-114

(२१७) एएहिं सुहुमखेतपलिओवम-सागरोवमेहिं किं पओयणं एएहिं सुहुमखेत-पलिओवम-सागरोवमेहिं दिट्ठियाए दव्वा भविज्जति 19४०।

(२१८) कइविहा णं भंते दव्वा पन्नता गोयमा दुविहा पन्नता तं जहा-जीवदव्वा य अजीव-दव्वा य अजीवदव्वा० दुविहा अरुविअजीवदव्वा य रुविअजीवदव्वा य अरुविअजीवदव्वा० दसविहा धम्मत्थिकाए धम्मत्थिकायस्स देसा धम्मत्थिकायस्स पएसा अधम्मत्थिकाए अधम्मत्थिकायस्स देसा अधम्मत्थिकायस्स पएसा आगासत्थिकाए आगासत्थिकायस्स देसा आगासत्थिकायस्स पएसा अद्धासमए, रुविअजीवदव्वा चउव्विहा खंधा खंधदेसा खंधपएसा परमाणुपोगला ते णं भंते किं संखेजा असंखेजा अनंता गोयमा नो संखेजा नो असंखेजा अनंता से केणट्ठेण० अनंता दुपएसिया खंधा जाव अनंता अनंतपएसिया खंधा से तेणट्ठेण गोयमा एवं बुद्धइ-ते णं नो संखेजा नो असंखेजा अनंता, जीवदव्वा णं भंते किं संखेजा असंखेजा अनंता गोयमा नो संखेजा नो असंखेजा अनंता से केणट्ठेण० गोयमा असंखेजा नेरइया असंखेजा असुरकुमारा जाव असंखेजा यणियकुमारा असंखेजा पुढविकाइया असंखेजा आउकाइया असंखेजा तैउकाइया असंखेजा वाउकाइया अनंता वणस्सइकाइया असंखेजा बेइदिया असंखेजा तैइदिया असंखेजा चउरिंदिया असंखेजा पंचिंदिय-तिरिक्खजोणिया असंखेजा मणुस्सा असंखेजा वाणमंतरा असंखेजा जोइसिया असंखेजा वेमाणिया अनंता सिद्धा से तेणट्ठेण गोयमा एवं बुद्धइ-जीवदव्वाणं नो संखेजा नो असंखेजा अनंता 19४१1-141

(२१९) कइ णं भंते सरीरा पन्नता गोयमा पंच सरीरा पन्नता तं जहा-ओरालिए वेउव्विए आहारए तेयए कम्मए नेरइयाणं० तओ सरीरा वेउव्विए तेयए कम्मए असुरकुमाराणं० तओ सरीरा वेउव्विए तेए कम्मए एवं तिण्णि-तिण्णि एवं चैव सरीरा जाव यणियकुमाराणं भाणियव्वा पुढविकाइयाणं० तओ सरीरा ओरालिए तेयए कम्मए एवं आउ-नेउ-वणस्सइकाइयाणं वि एए चैव तिण्णि सरीरा भाणियव्वा वाउकाइयाणं० चत्तारि सरीरा ओरालिए वेउव्विए तेयए कम्मए बेइदिय-तेइंदिय-चउरिंदियाणं जहा पुढविकाइयाणं पंचिंदियतिरिक्खजोणियाणं जहा वाउकाइयाणं मणुस्साणं० पंच सरीरा ओरालिए वेउव्विए आहारए तेयए कम्मए वाणमंतराणं जोइसियाणं

वेमाणियाणं जहा नेरइयाणं, केवइया णं भंते ओरालियसरीरा पन्नता गोयमा दुविहा बद्धेल्लया य मुक्केल्लया य तत्थ णं जेते बद्धेल्लया ते णं असंखेज्जा असंखेज्जाहिं उस्सप्पिणी-ओसप्पिणीहिं अवहीरंति कालओ खेतओ असंखेज्जा लोगा तत्थ णं जेते मुक्केल्लया ते णं अनंता लोगा दब्बओ अभवसिद्धएहिं अनंतगुणा सिद्धाणं अनंतभागो, वेउच्चियसरीरा दुविहा बद्धेल्लया य मुक्केल्लया य तत्थ णं जेते बद्धेल्लया ते णं असंखेज्जा असंखेज्जाहिं उस्सप्पिणी-ओसप्पिणीहिं अवहीरंति कालओ खेतओ असंखेज्जाओ सेदीओ पयरस्स असंखेज्जभागो तत्थ णं जेते मुक्केल्लया ते णं अनंता अनंताहिं उस्सप्पिणी-ओस्सप्पिणीहिं अवहीरंति कालओ सेसं जहा ओरालियस्स मुक्केल्लया तथा एए वि भाणियव्वा, आहारगसरीरा दुविहा बद्धेल्लया य मुक्केल्लया य तत्थ णं जेते बद्धेल्लया ते णं सिय अत्थि सिय नत्थि जइ अत्थि जहउएणं एगो वा दो वा तिण्णि वा उक्कोसेणं सहस्सपुह्णं मुक्केल्लया जहा ओरालियसरीरस्स तथा भाणियव्वा, तेयगसरीरा दुविहा बद्धेल्लया य मुक्केल्लया य तत्थ णं जेते बद्धेल्लया ते णं अनंता अनंताहिं उस्सप्पिणी-ओसप्पिणीहिं अवहीरंति कालओ खेतओ अनंता लोगा दब्बओ सिद्धेहिं अनंतगुणा सच्चजीवाणं अनंतभागूणा तत्थ णं जेते मुक्केल्लया ते णं अनंता अनंताहिं उस्सप्पिणी-ओसप्पिणीहिं अवहीरंति कालओ खेतओ अनंता लोगा दब्बओ सच्चजीवेहिं अनंतगुणा जीववग्गस्स अनंतभागो, कम्मगसरीरा दुविहा बद्धेल्लया य मुक्केल्लया य जहा तेयगसरीरा तथा कम्मगसरीरा वि भाणियव्वा नेरइयाणं० भंते केवइया ओरालियसरीरा दुविहा बद्धेल्लया य मुक्केल्लया य तत्थ णं जेते बद्धेल्लया ते णं नत्थि तत्थ णं जेते मुक्केल्लया ते जहा ओहिया ओरालियसरीरा तथा भाणियव्वा नेरइयाणं भंते केवइया वेउच्चियसरीरा दुविहा बद्धेल्लया य मुक्केल्लया य तत्थ णं जेते बद्धेल्लया ते णं असंखेज्जा-असंखेज्जाहिं उस्सप्पिणी-ओसप्पिणीहिं अवहीरंति कालओ खेतओ असंखेज्जाओ सेदीओ पयरस्स असंखेज्जभागो तासि णं सेदीणं विक्खंभसूई अंगुलपदमवग्गमूलं बिइयवग्गमूलपडुपन्नं अहव णं अंगुलबिइयवग्गमूलधणपमाणमेत्ताओ सेदीओ तत्थ णं जेते मुक्केल्लया ते णं जहा ओहिया ओरालियसरीरा तथा भाणियव्वा नेरइयाणं भंते केवइया आहारगसरीरा दुविहा बद्धेल्लया य मुक्केल्लया य तत्थ णं जेते बद्धेल्लया ते णं नत्थि तत्थ णं जेते मुक्केल्लया ते जहा ओहियाओ रालियसरीरा तथा भाणियव्वा तेयग-कम्मगसरीरा जहा एएसिं चेव वेउच्चियसरीरा तथा भाणियव्वा असुरकुमारणं भंते केवइया ओरालियसरीर जहा नेरइयाणं ओरालियसरीरा तथा भाणियव्वा, असुरकुमारणं भंते केवइया वेउच्चियसरीरा दुविहा बद्धेल्लया य मुक्केल्लया य तत्थ णं जेते बद्धेल्लया ते णं असंखेज्जा-असंखेज्जाहिं उस्सप्पिणीहिं अवहीरंति कालओ खेतओ असंखेज्जाओ सेदीओ पयरस्स असंखेज्जभागो तासि णं सेदीणं विक्खंभसूई अंगुलपदम-वग्गमूलस्स असंखेज्जभागो मुक्केल्लया जहा ओहिया ओरालियसरीरा तथा भाणियव्वा, असुर-कुमारणं भंते केवइया आहारगसरीरा दुविहा बद्धेल्लया य मुक्केल्लया य जहा एएसिं चेव ओरालियसरीरा तथा भाणियव्वा तेयग-कम्मगसरीरा जहा एएसिं चेव वेउच्चियसरीरा तथा भाणियव्वा जहा असुरकुमारणं तथा जाव धणियकुमारणं ताव भाणियव्वं पुढिकाइयाणं भंते केवइया ओरालियसरीरा दुविहा बद्धेल्लया य मुक्केल्लया य एवं जहा ओहिया ओरालियसरीरा तथा भाणियव्वा पुढिकाइयाणं भंते केवइया वेउच्चियसरीरा दुविहा बद्धेल्लया य तत्थ णं जेते बद्धेल्लया ते णं नत्थि मुक्केल्लया जहा ओहिया ओरालियसरीरा तथा भाणियव्वा आहारगसरीरा वि

एवं चेव भाणियच्चा तेयग-कम्मगसरीरा जहा एसंसि चेव ओरालियसरीरा तहा भाणियच्चा जहा पुढविकाइयाणं एवं आउकाइयाणं तेउकाइयाणं य सच्चसरीरा भाणियच्चा वाउकाइयाणं भंते केवइया ओरालियसरीरा दुविहा बद्धेल्लया य मुक्केल्लया य जहा पुढविकाइयाणं ओरालियसरीरा तहा भाणियच्चा वाउकाइयाणं भंते केवइया वेउच्चियसरीरा दुविहा बद्धेल्लया य मुक्केल्लया य तत्थ णं जेते बद्धेल्लया ते णं असंखेज्जा समए-समए अवहीरमाणा-अवहीरमाणा पलिओवमस्स असंखेज्जभागमेत्तेणं कालेणं अवहीरंति नो चेव णं अयहिया सिया मुक्केल्लया जहा ओहिया ओरालियसरीरयमुक्केल्लया आहारगसरीरा जहा पुढविकाइयाणं वेउच्चियसरीरा तहा भाणियच्चा तेयग-कम्मगसरीरा जहा पुढविकाइयाणं तहा भाणियच्चा वणस्सइकाइयाणं ओरालिय-वेउच्चिय-आहारगसरीरा जहा पुढविकाइयाणं तहा भाणियच्चा वणस्सइकाइयाणं भंते केवइया तेयग-कम्मगसरीरा जहा ओहिया तेयग-कम्मगसरीरा तहा वणस्सइकाइयाणं वि तेयग-कम्मगसरीरा भाणियच्चा बेइंदियाणं भंते केवइया ओरालियसरीरा दुविहा बद्धेल्लया य मुक्केल्लया य तत्थ णं जेते बद्धेल्लया ते णं असंखेज्जा-असंखेज्जाहिं उस्सप्पिणी-ओसप्पिणीहिं अवहीरंति कालओ खेतओ असंखेज्जाओ सेढीओ पयरस्स असंखेज्जभागो तासि णं सेढीणं विक्खंभसूई असंखेज्जाओ जोयणकोडाकोडीओ असंखेज्जाइं सेढिवग्गमूलाइं बेइंदियाणं ओरालियसरीरेहिं बद्धेल्लएहिं पयरो अवहीरइ असंखेज्जाहिं उस्सप्पिणी-ओसप्पिणीहिं कालओ खेतओ अंगुलपयरस्स आवलियाए य असंखेज्जभागपलिभागेणं मुक्केल्लया जहा ओहिया ओरालियसरीरा तहा भाणियच्चा वेउच्चिय-आहारगसरीरा बद्धेल्लया नत्थि मुक्केल्लया जहा ओहिया ओरालियसरीरा तहा भाणियच्चा तेयग-कम्मगसरीरा जहा एसंसि चेव ओरालियसरीरा तहा भाणियच्चा जहा बेइंदियाणं तहा तेइंदिय-चउरिंदियाणं वि भाणियच्चं पंचिंदियति- रिक्खजोणिયાणं वि ओरालियसरीरा एवं चेव भाणियच्चा पंचिंदियतिरिक्खजोणिયાणं भंते केवइया वेउच्चियसरीरा दुविहा बद्धेल्लया य मुक्केल्लया य तत्थ णं जेते बद्धेल्लया ते णं असंखेज्जा-असंखेज्जाहिं उस्सप्पिणी-ओसप्पिणीहिं अवहीरंति कालओ खेतओ असंखेज्जाओ सेढीओ पयरस्स असंखेज्जभागो तासि णं सेढીणं विक्खंभसૂई અંગુલપદમ- વગ્ગમૂલસ્સ અસંખેજ્જભાગો મુક્કેલ્લયા જહા ઓહિયા ઓરાલિય આહારગસરીરા જહા બેઇંદિયાણં તેયગ-કમ્મગસરીરા જહા ઓરાલિયા મણુસાણં મંતે કેવિંદિયા ઓરાલિયસરીરા દુવિહા બદ્દેલ્લયા ય મુક્કેલ્લયા ય તત્થ ણં જેતે બદ્દેલ્લયા તે ણં સિય સંખેજ્જા સિય અસંખેજ્જા જહનપપ સંખેજ્જા-સંખેજ્જાઓ કોડીઓ ઇગ્ગૂણતીસં ઠાણાં તિજમલપયસ્સ ઉવરિં ચउजमलपयस्स हेहा अहव णं छट्ठो वग्गो पंचमवग्गपडुप्पन्नो अहव णं छण्णउइछेयणगदायिरासी उक्कोसपए असंखेज्जा-असंखेज्जाहिं उस्सप्पिणी-ओसप्पिणीहिं अवहीरंति कालओ खेतओ उक्कोसपए रूपपक्खित्तेहिं मणुस्सेहिं सेढी अवहीरइ असंखेज्जाहिं उस्सप्पिणी-ओसप्पिणीहिं कालओ खेतओ अंगुलपदमवग्गमूलं तइयवग्गमूलपडुप्पन्नं मुक्केल्लया जहा ओहिया ओरालिया मणुस्साणं भंते केवइया वेउच्चियसरीरा दुविहा बद्धेल्लया य मुक्केल्लया य तत्थ णं जेते बद्धेल्लया તે ણં સિય અત્થિ સિય નત્થિ જઇ અત્થિ જહન્રેણં ઇગ્ગો વા દો વા તિણ્ણિ વા ઉક્કોસેણં સહસ્સપુહતં મુક્કેલ્લયા જહા ઓહિયા ઓરાલિયાણં

तेयग-कम्मगसरीरा जहा एएसिं चैव ओरालिया तथा भाणियव्वा वाणमंतराणं ओरालियसरीरा जहा नेरइयाणं वाणमंतराणं भंते केवइया वेउब्बियसरीरा दुविहा बद्धेइया य मुक्केइया य तत्थ णं जेते बद्धेइया ते णं असंखेज्जा-असंखेज्जाहिं उस्सप्पिणी-ओसप्पिणीहिं अवहीरंति कालओ खेतओ असंखेज्जाओ सेदीओ पयरस्स असंखेज्जइमागो तासि णं सेदीणं विक्खंभसूई संखेज्जजोयणसय-वग्गपलिओमागो पयरस्स मुक्केइया जहा ओहिया ओरालिया आहारगसरीरा दुविहा वि जहा असुरकुमारणं, वाणमंतराणं भंते केवइया तेयग-कम्मगसरीरा जहा एएसिं चैव वेउब्बिय सरीरा तथा भाणियव्वा जोइसियाणं ओरालियसरीरा जहा नेरइयाणं, जोइसियाणं भंते केवइ वेउब्बियसरीरा दुविहा बद्धेइया य मुक्केइया य तत्थ णं जेते बद्धेइया जाव तासि णं सेदीणं विक्खंभसूई बेळप्पत्रंगुलसयवग्गपलिमागो पयरस्स मुक्केइया जहा ओहिया ओरालिया आहारगसरीरा जहा नेरइयाणं तथा भाणियव्वा तेयग-कम्मगसरीरा जहा एएसिं चैव वेउब्बिया तथा भाणियव्वा वेमाणियाणं भंते केवइया ओरालियसरीरा जहा नेरइयाणं तथा, वेमाणियाणं भंते केवइया वेउब्बियसरीरा दुविहा बद्धेइया य मुक्केइया य तत्थ णं जेते बद्धेइया जाव तासि णं सेदीणं विक्खंभसूई अंगुलबीयवग्गमूलं तइयवग्ग- मूलपडुप्पत्रं अहव णं अंगुलतइयवग्गमूल-धणप्पमाणमेत्ताओ सेदीओ मुक्केइया जहा ओहिया ओरालिया आहारगसरीरा जहा नेरइयाणं तेयग-कम्मगसरीरा जहा एएसिं चैव वेउब्बियसरीरा तथा भाणियव्वा से तं सुहुमे खेतपलिओवमे से तं खेतपलिओवमे से तं पलिओवमे से तं विभागनिप्फण्णे से तं कालप्पमाणे १९४२-१४२

(३००) से किं तं भावप्पमाणे भावप्पमाणे तिविहे पन्नते तं जहा-गुणप्पमाणे नयप्पमाणे संखप्पमाणे १९४३-१४३

(३०१) से किं तं गुणप्पमाणे गुणप्पमाणे दुविहे पन्नते तं जहा-जीवगुणप्पमाणे य अजीवगुणप्पमाणे य से किं तं अजीवगुणप्पमाणे अजीवगुणप्पमाणे पंचविहे पन्नते तं जहा-वण्णगुणप्पमाणे गंधगुणप्पमाणे रसगुणप्पमाणे फासगुणप्पमाणे संठाणगुणप्पमाणे से किं तं वण्ण-गुणप्पमाणे पंचविहे कालवण्णगुणप्पमाणे जाव सुक्किलवण्णगुणप्पमाणे से तं वण्णगुणप्पमाणे से किं तं गंधगुणप्पमाणे दुविहे सुब्धिगंधगुणप्पमाणे दुब्धिगंध- गुणप्पमाणे से तं गंधगुणप्पमाणे से किं तं रसगुणप्पमाणे पंचविहे तित्तरसगुणप्पमाणे जाव महुसरसगुणप्पमाणे से तं रसगुणप्पमाणे से किं तं फासगुणप्पमाणे अट्ठविहे कक्खड्ढफासगुणप्पमाणे जाव लुक्ख फास गुणप्पमाणे से तं फास गुणप्पमाणे से किं तं संठाणगुणप्पमाणे पंचविहे-तं जहा-परिमंडलसंठाणगुणप्पमाणे आययसंठाणगुणप्पमाणे से तं संठाणगुणप्पमाणे से तं अजीवगुणप्पमाणे से किं तं जीवगुणप्पमाणे जोवगुणप्पमाणे तिविहे पन्नते तं जहा-नाणगुणप्पमाणे दंसणगुणप्पमाणे चरित्त- गुणप्पमाणे से किं तं नाणगुणप्पमाणे चउब्बिहे पच्चक्खे अनुमाणे ओवप्पे जागमे से किं तं पच्चक्खे दुविहे इंदियपच्चक्खे नोइंदियपच्चक्खे य से किं तं इंदियपच्चक्खे पंचविहे सोइंदियपच्चक्खे जाव फासिंदियपच्चक्खे से तं इंदियपच्चक्खे से किं तं नोइंदियपच्चक्खे तिविहेओहिनाणपच्चक्खे मणपज्जयनाणपच्चक्खे केवलनाणपच्चक्खे से तं नोइंदियपच्चक्खे से तं पच्चक्खे, से किं तं अनुमाणे तिविहे पुब्बवं सेसवं दिट्ठ-साहम्पवं से किं तं पुब्बवं पुब्बवं- १९४४-२१४४-१

(३०२) माता पुत्तं जहा नट्ठं जुवाणं पुणरागतं

काई पच्चभिजाणेज्जा पुब्बलिणेण केणई

११९५१-११५

(३०३) तं जहा-खत्तेण वा वणेण वा लंछणेण वा मसेण वा तिलएण वा से तं पुब्बवं से किं तं सेसवं पंचविहं कज्जेण कारणेण गुणेण अवयवेण आसएण से किं तं कज्जेण-संखं सट्ठेण भेरिं तालिएण वसभं ढिकिएण मोरं केकाइएण हयं हेसिएण हत्थिं गुलगुलाइएणं रहं धणधणाइएणं से तं कज्जेण से किं तं कारणेण तंतवो पडस्स कारणं न पडो तंतुकारणं वीरणा कडस्स कारणं न कडो वीरणकारणं मयिंडो पडस्स कारणं न घडो मयिंडकारणं से तं कारणेण से किं तं गुणेण-सुवण्णं निकसेणं पुष्पं गंधेण लवणं रसेणं मइरं आसाएणं वत्थं फासेणं से तं गुणेण से किं तं अवयवेण अवयवेण-महिसं सिंगेणं कुक्कुडं सिहाए हत्थिं विसाणेणं वराहं दाढाए मोरं पिंछेणं आसं खुरेणं बग्घं नहेणं चमरिं घालगुंछेणं दुपयं मणुस्सयादि चउप्पयं गवमादि बहुपयं गोह्मियादि वानरं नंगुलेणं सीहं केसरेणं वसहं ककुहेणं महिलं वलयबाहाए १९४४-२१-१४४-२

(३०४) परियरबंधेण भडं जाणेज्जा महिलिय निवसणेणं

सित्थेण दोणपागं कथिं च एगाए गाहाए

॥१९६॥-११६

(३०५) से तं अवयवेण से किं तं आसएणं आसएणं-अग्गिं धूमेणं सलिलं बलगाहिं वुट्ठिं अब्भविकारेणं कुलपुत्तं सीलसमायारेणं इंगिताकारितं ज्ञेयैः क्रियाभि र्भाषितेन च नेत्र-वक्त्रविकारैश्च गृह्यते ऽन्तर्गतं मनः से तं आसएणं से तं सेसवं से किं तं दिट्ठसाहम्मवं दुविहं सामन्नदिट्ठं च विसेसदिट्ठं च से किं तं सामन्नदिट्ठं जहा एगो पुरिसो तथा बहवे पुरिसा जहा बहवे पुरिसा तथा एगो पुरिसो जहा एगो करिसावणो तथा बहवे करिसावणा जहा बहवे करिसावणा तथा एगो करिसावणो से तं सामन्नदिट्ठं से किं तं विसेसदिट्ठं से जहनामाए केइ पुरिसे वहुसे बहूणं पुरिसाणं मज्झे पुब्बदिट्ठं पुरिसं पच्चभिजाणेज्जा-अयं से पुरिसे बहूणं वा करिसावणाणं मज्झे पुब्बदिट्ठं करिसावणं पच्चभिजाणेज्जा-अयं से करिसावणे से तं विसेस सदिट्ठं से तं दिट्ठसाहम्मवं, तस्स समासओ तिविहं गहणं भवइ तं जहा-तीयकालगहणं पडुप्पन्नकालगहणं अणागयकालगहणं से किं तं तीयकालगहणं तीयकालगहणं-उत्तिपाणि वणाणि निष्फन्नसस्सं या मेइणि पुण्णाणि य कुंड-सर-नदि-दह-तलाणाणि पासित्ता तेणं साहिज्जइ जहा-सुवुट्ठी आसी से तं तीयकालगहणं से किं तं पडुप्पन्नकालगहणं पडुप्पन्नकालगहणं-साहुं गोयरग्गयं विच्छड्डिय-उरभत्तपाणं पासित्ता तेणं साहिज्जइ जहा-सुमिक्खे वट्ठइ से तं पडुप्पन्नकालगहणं से किं तं अणागयकालगहणं १९४४-३१-१४४-३

(३०६) अब्भस्स निम्मलत्तं कसिणा य गिरी सविज्जुया मेहा

थणियं वाउब्भासो संझा रत्ता य पणिद्धा य

॥१९७॥-११७

(३०७) थारुणं वा माहिंदं वा अण्णयरं वा पसत्थं उप्पायं पासित्ता तेणं साहिज्जइ जहा-सुवुट्ठी भविस्सइ से तं अणागयकालगहणं एएसिं चेव विवज्जासे तिविहं गहणं भवइ तं जहा-तीयकालगहणं जाव अणागयकालगहणं से किं तं तीयकालगहणं नितिपाइं वणाइं अनिष्फण्णसस्सं वा मेइणिं सुक्काणि य कुंड-सर-नदि-दह-तलागाइं पासित्ता तेणं साहिज्जइ जहा-कुवुट्ठी आसी से तं तीयकालगहणं से किं तं पडुप्पन्नकालगहणं साहुं गोयरग्गयं भिक्खं अलभमाणं पासित्ता तेणं साहिज्जइ जहा-दुब्भिक्खे वट्ठइ से तं पडुप्पन्नकालगहणं से किं तं अणागयकालगहणं १९४४-४१-१४४-४

(३०८) धूमायंति दिसाओ संचिक्खिय मेइणी अपडि बद्धा

वाया नेरइया खलु कुवुट्ठिमैवं निवेयंति

॥१९८॥-११८

(३०९) अगेयं वा वायव्यं वा अण्णयरं वा अप्ससत्थं उप्पायं पासित्ता तेणं साहिज्जइ जहा-  
 कुवुड्डी भविस्सइ से तं अणागयंकालगहणं से तं अनुमाणे, से किं तं ओवम्मे दुविहे साहम्मोवणीए य  
 वेहम्मोवणीए य से किं तं साहम्मोवणीए तिविहे किंचिसाहम्मे पायसाहम्मे सव्वसाहम्मे से किं तं  
 किंचिसाहम्मे जहा-मंदरो तथा सरिसयो जहा सरिसयो तथा मंदरो जहा समुदो तथा गोप्पयं जहा  
 गोप्पयं तथा समुदो जहा आइच्चो तथा खज्जोतो जहा खज्जोतो तथा आइच्चो जहा चंदो तथा कुंदो जहा  
 कुंदो तथा चंदो से तं किंचिसाहम्मे से किं तं पायसाहम्मे जहा गो तथा गवओ जहा गवओ तथा गो से  
 तं पायसाहम्मे से किं तं सव्वसाहम्मे ओवम्मं नत्थि तथा वि तस्स तेणेव ओवम्मं कीरइ जहा-  
 अरहंतेहिं अरहंतसरिसं कयं चक्कवड्डिणा चक्कवड्डिसरिसं कयं बलदेवेण बलदेवसरिसं कयं  
 वासुदेवेण वासुदेवसरिसं कयं साहुणा साहुसरिसं कयं से तं सव्वसाहम्मे से तं साहम्मोवणीए, से किं  
 तं वेहम्मोवणीए तिविहे किंचिवेहम्मे पायवेहम्मे सव्ववेहम्मे से किं तं किंचिवेहम्मे जहा सामलेरो न  
 तथा बाहुलेरो जहा बाहुलेरो न तथा सामलेरो से तं किंचिवेहम्मे से किं तं पायवेहम्मे जहा वायसो न  
 तथा पायसो जहा पायसो न तथा वायसो से तं पायवेहम्मे से किं तं सव्ववेहम्मे ओवम्मं नत्थि तथा वि  
 तस्स तेणेव ओवम्मं कीरइ जहा-नीचेण नीचसरिसं कयं काकेण कागसरिसं कयं साणेणं  
 साणसरिसं कयं से तं सव्ववेहम्मे से तं वेहम्मोवणीए से तं ओवम्मे, से किं तं आगमे दुविहे लोइए  
 लोगुत्तरिए य से किं तं लोइए आगमे जण्णं इमं अण्णाणिएहिं मिच्छदिट्ठीहिं सच्छंदबुद्धि-मइ-  
 विगप्पियं तं जहा-भारहं रामापणं जाव चत्तारि वेया संगोवंगा से तं लोइए आगमे से किं तं  
 लोगुत्तरिए आगमे लोगुत्तरिए आगमे-जण्णं इमं अरहंतेहिं भगदंतेहिं उप्पण्णनाणंसणधरेहिं तीय-  
 पट्ठपत्रमाणा- गयजाणएहिं सव्वण्णीहिं सव्वदरिसीहिं तेलोक्कचहिय-महिय-पूइएहिं पणीयं  
 दुयालसंगं गणिपिडगं तं जहा-आयारो जाव दिट्ठिवाओ से तं लोगुत्तरिए आगमे अहया आगमे  
 तिविहे पत्रत्ते तं जहा-सुत्तागमे अत्थागमे तदुपयागमे अहया आगमे तिविहे पत्रत्ते तं जहा-  
 अत्तागमे अनंतरागमे परंपरागमे तित्थगराणं अत्थस्स अत्तागमे गणहराणं सुत्तस्स अत्थस्स  
 अनंतरागमे गणहरसीसाणं सुत्तस्स अनंतरागमे अत्थस्स परंपरागमे तेण परं सुत्तस्स वि अत्थस्स वि  
 नो अत्तागमे नो अनंतरागमे परंपरागमे से तं लोगुत्तरिए आगमे से तं आगमे से तं नाणगुणप्पमाणे,  
 से किं तं दंसणगुणप्पमाणे दंसणगुणप्पमाणे चउव्विहे पत्रत्ते तं जहा-चक्खुदंसणगुणप्पमाणे  
 अचक्खुदंसणगुणप्पमाणे ओहिंदंसणगुणप्पमाणे केवलदंसणगुणप्पमाणे चक्खुदंसणं चक्खु-  
 दंसणिस्स घड-पड-कड-रहादिएसु दव्वेसु अचक्खुदंसणं अचक्खुदंसणिस्स आयमावे ओहिंदंसणं  
 ओहिंदंसणिस्स सव्वरूविदव्वेहिं न पुण सव्वपज्जवेहिं केवलदंसणं केवलदंसणिस्स सव्वदव्वेहिं  
 सव्वपज्जवेहिं य से तं दंसणगुणप्पमाणे, से किं तं चरित्तगुणप्पमाणे चरित्तगुणप्पमाणे पंचविहे  
 पत्रत्ते तं जहा-सामाइयचरित्तगुणप्पमाणे छेदोवट्ठावणियचरित्तगुणप्पमाणे परिहारविसुद्धिय-  
 चरित्त- गुणप्पमाणे सुहमसंपरायचरित्तगुणप्पमाणे अहक्खायचरित्तगुणप्पमाणे सामाइ-  
 यचरित्तगुणप्पमाणे दुविहे पत्रत्ते तं जहा-इत्तरिए य आवकहिए य छेदोवट्ठावणियचरित्तगुणप्पमाणे  
 दुविहे पत्रत्ते तं जहा-साइयारे य निरइयारे य परिहारविसुद्धियचरित्तगुणप्पमाणे दुविहे पत्रत्ते तं  
 जहा निव्विस्समाणे य निव्विड्ढाकइए य सुहमसंपरायचरित्तगुणप्पमाणे दुविहे पत्रत्ते तं जहा-  
 संकिलिस्समाणे य विसुज्झमाणे य अहक्खायचरित्तगुणप्पमाणे दुविहे पत्रत्ते तं जहा-पडिवाई  
 य अपडिवाई य अहवा-छउमत्थिए य केवल्लिए य से तं चरित्तगुणप्पमाणे से तं जीवगुणप्पमाणे से



तं गुण्यमाणे । १४४।-१४४

(३१०) से किं तं नय्यमाणे नय्यमाणे तिविहे पत्रते तं जहा-पत्यगदिद्वुतेणं वसहिदिद्वुतेणं पएसदिद्वुतेणं से किं तं पत्यगदिद्वुतेणं पत्यगदिद्वुतेणं-से जहानामए केइ पुरिसे परसुं गहाय अडविहुत्तो गच्छेआ तं च केइ पासित्ता वएज्जा-कहिं भवं गच्छिम अविमुद्धो नेगमो भणति-पत्यगस्स गच्छामि तं च केइ छिंदमाणं पासित्ता वएज्जा-किं भवं छिंदसि विमुद्धो नेगमो भणति-पत्यगं छिंदामि तं च केइ तच्छेमाणं पासित्ता वएज्जा-किं भवं तच्छेसि विमुद्धतराओ नेगमो भणति-पत्यगं तच्छेमि तं च केइ उक्किरमाणं पासित्ता वएज्जा-किं भवं उक्किरसि विमुद्धतराओ नेगमो भणति-पत्यगं उक्किरामि तं च केइ लिहमाणं पासित्ता वएज्जा-किं भवं लिहसि विमुद्धतराओ नेगमो भणति-पत्यगं लिहामि एवं विमुद्धतरागस्स नेगमस्स नामाउडिओ पत्यओ एवमेव ववहारस्स वि संगहस्स चिओ मिओ मेज्जसमारूढो पत्यओ उज्जुसुयस्स पत्यओ वि पत्यओ मेज्जं पि पत्यओ तिण्हं सहनयाणं पत्यगाहिगारजाणओ पत्यओ जस्स वा वसेणं पत्यओ निप्फज्जइ से तं पत्यगदिद्वुतेणं से किं तं वसहिदिद्वुतेणं वसहिदिद्वुतेणं-से जहानामए केइ पुरिसे कंचि पुरिसं वएज्जा-कहिं भवं वससि अविमुद्धो नेगमो भणति-लोगो वसामि लोगे तिविहे पत्रते तं जहा-उड्ढलोए अहेलोए तिरियलोए तेसु सव्वेसु भवं वससि विमुद्धो नेगमो भणति-तिरियलोए वसामि तिरियलोए जंबुदीवाइया सयंभुर-भणपञ्चवसाणा असंखेज्जा दीव-समुद्दा पत्रत्ता तेसु सव्वेसु भवं वससि विमुद्धतराओ नेगमो भणति-जंबुदीवे वसामि जंबुदीवे दस खेत्ता पत्रत्ता तं जहा-भरहे एरवए हेमवए हेरणवए हरिवस्से रम्मगवस्से देवकुरा उत्तरकुरा पुव्वविदेहे अवरविदेहे तेसु सव्वेसु भवं वससि विमुद्धतराओ नेगमो भणति-भरहे वसामि भरहे दुविहे पत्रते तं जहा-दाहिणइडभरहे य उत्तरइडभरहे य तेसुं सव्वेसु भवं वससि विमुद्धतराओ नेगमो भणति-दाहिणइडभरहे वसामि दाहिणइडभरहे अणेगाइं गामागर-नगर-खेड-कब्बड-मडंब-दोणमुह-पट्टणासम-संबाह-सण्णिवेसाइं तेसु स्वेसु भवं वससि विमुद्धतराओ नेगमो भणति-पाडलिपुत्ते वसामि पाडलिपुत्ते अणेगाइं गिहाइं तेसुं सव्वेसु भवं वससि विमुद्ध-तराओ नेगमो भणति-देवदत्तस्स घरे वसामि देवदत्तस्स घरे अणेगा कोट्टगा तेसु सव्वेसु भवं वससि विमुद्धतराओ नेगमो भणति-गम्भघरे वसामि एवं विमुद्धतरागस्स नेगमस्स वसमाणो वसइ एवमेव ववहारस्स वि संगहस्स संघारसमारूढो वसइ उज्जुसुयस्स जेसु आगासपएसेसु ओगाढो तेसु वसइ तिण्हं सहनयाणं आयभावे वसइ से तं वसहिदिद्वुतेणं से किं तं पएसदिद्वुतेणं पएसदिद्वुतेणं-नेगमो भणति-छण्हं पएसो तं जहा-धम्मपएसो अधम्मपएसो आगासपएसो जीवपएसो खंधपएसो देसपएसो एवं वयंतं नेगमं संगहो भणति-जं भणसि छण्हं पएसो तं न भवइ कम्हा जम्हा जो देसपएसो सो तस्सेव दव्वस्स जहा को दिद्वुतो दासेण मे खरो कीओ दासो वि मे खरो वि मे तं मा भणाहि-छण्हं पएसो भणाहि पंचण्हं पएसो तं जहा-धम्मपएसो अधम्मपएसो आगासपएसो जीवपएसो खंधपएसो एवं वयंतं संगहं ववहारो भणसि-जं भणति पंचण्हं पएसो तं न भवइ कम्हा जइ पंचण्हं गोड्डियाणं केइ दव्वजाए सामण्णे तं जहा-हिरण्णे वा सुवण्णे वा धणे वा धण्णे वा तो जुत्तं वत्तुं वा पंचण्हं पएसो तं मा भणाहि-पंचण्हं पएसो भणाहि-पंचविहो पएसो तं जहा-धम्मपएसो अधम्मपएसो आगासपएसो जीवपएसो खंधपएसो एवं वयंतं ववहारं उज्जुसुओ भणति-जं भणसि पंचविहो पएसो तं न भवइ कम्हा जइ ते पंचविहो पएसो-एवं ते एक्केक्को पएसो पंचविहो-एवं ते पणवीसतिविहो पएसो

भवइ तं मा भणाहि-पंचविडो पएसो भणाहि-भइयव्वो पएसो-सिय धम्मपएसो सिय अधम्मपएसो सिय आगासपएसो सिय जीवपएसो सिय खंधपएसो एवं वयंतं उज्जुसुयं संपइ सहो भणति-जं भणसि भइयव्वो पएसो तं न भवइ कन्हा जइ ते भइयव्वो पएसो एवं ते-धम्मपएसो वि-सिय धम्मपएसो सिय अधम्मपएसो सिय आगासपएसो सिय जीवपएसो सिय खंधपएसो अधम्मपएसो वि-सिय धम्मपएसो सिय अधम्मपएसो सिय आगासपएसो सिय जीवपएसो-सिय खंधपएसो आगासपएसो वि-सिय धम्मपएसो सिय अधम्मपएसो सिय आगासपएसो सिय जीवपएसो सिय आगासपएसो सिय जीवपएसो सिय खंधपएसो खंधपएसो वि-सिय धम्मपएसो सिय अधम्मपएसो सिय आगासपएसो सिय जीवपएसो सिय खंधपएसो एवं ते अणवत्था भविस्सइ तं मा भणाहि-भइयव्वो पएसो भणाहि-धम्मे पएसो से पएसो धम्मे अधम्मे पएसो से पएसो अधम्मे आगासे पएसो से पएसो आगासे जीवे पएसो से पएसो नोजीवे खंधे पएसो से पएसो नोखंधे एवं वयंतं सहं संपइ समभिरूढो भमति-जं भणसि धम्मे पएसो से पएसो धम्मे जाव खंधे पएसो से पएसो नोखंधे तं न भवइ कन्हा एत्थ दो समासा भवति तं जहा-तप्पुरिसे य कम्मधारए य तं न नजइ कयरेणं समासेणं भणसि किं तप्पुरिसेणं किं कम्मधारएणं जइ तप्पुरिसेणं भणसि तो मा एवं भणाहि अह कम्मधारएणं भणसि तो विसेसओ भणाहि-धम्मे य से पएसो य सेसे पएसो धम्मे अधम्मे य से पएसो य सेसे पएसो अधम्मे आगासे य से पएसो य सेसे पएसो आगासे जीवे य सेसेसे य सेसे पएसो नोजीवे खंधे य से पएसो य सेसे पएसो नोखंधे एवं वयंतं समभिरूढं संपइ एवंभूओ भणति-जं जं भणसि तं तं सव्वं कसिणं पडिपुत्रं निरवसेसं एगण्हणगहीयं देसे दि मे अवत्थू पएसो दि मे अवत्थू से तं पएसदिट्ठंतेणं से तं नयप्पमाणेणं। १४५।-१४५

(३११) से किं तं संखप्पमाणे संखप्पमाणे अडुवि पत्रत्ते तं जहा-नामसंखा ठवणसंखा दव्वसंखा ओवम्मसंखा परिमाणसंखा जाणणासंखा गणणासंखा भावसंखा से किं तं नामसंखा नामसंखा-जस्स णं जीवस्स वा अजीवस्स वा जीवाण वा अजीवाण वा तदुभयस्स वा तदुभयाण वा संखा ति नामं कज्जइ से तं नामसंखा से किं तं ठवणसंखा ठवणसंखा-जण्णं कडुकम्मे वा चित्तकम्मे वा पोत्थकम्मे वा जाव से तं ठवणसंखा नाम-ठवणाणं को पइविसेसो नामं आवकहियं ठवणा इत्तरिया वा होजा आवकहिया वा से किं तं दव्वसंखा दव्वसंखा दुविहा पत्रत्ता तं जहा-आगमओ य नोआगमओ य [से किं तं आगमओ दव्वसंखा आगमओ दव्वसंखा-जस्स णं संखा ति पदं सिक्खियं ठियं जियं मियं परिजियं नामसमं घोससमं अहीणक्खरं अणद्धक्खरं अवाइद्धक्खरं अक्खलियं अमिलियं अवच्चापेलियं पडिपुत्रं पडिपुत्रघोसं कंठोद्विप्पमुक्कं गुरुवायणोवगयं से णं तत्थ वायणाए पुच्छणाए परियट्ठणाए धम्मकहाए नो अनुपेहाए कन्हा अनुवओगो दव्वमिति कइ नेगमस्स एगो अनुवउत्तो आगमओ एगा दव्वसंखा दोण्णि अनुवउत्ता आगमओ दोण्णीओ दव्वसंखाओ तिण्णि अनुवउत्ता आगमओ तिण्णीओ दव्वसंखाओ एवं जावइया अनुवउत्ता तावइयाओ ताओ नेगमस्स आगमओ दव्वसंखाओ एक्केव ववहारस्स वि संगहस्स एगो वा अणेगा वा अनुवउत्तो वा अनुवउत्ता वा आगमओ दव्वसंखा वा दव्वसंखाओ वा सा एगा दव्वसंखा उज्जुसुयस्स एगो अनुवउत्तो आगमओ एगा दव्वसंखा पुहंतं नेच्छइ तिण्हं सहनयाणं जाणए अनुवउत्ते अवत्थू कन्हा जइ जाणए अनुवउत्ते न भवइ से तं आगमओ दव्वसंखा से किं तं नोआगमओ दव्वसंखा नोआगमो दव्वसंखा तिविहा पत्रत्ता तं जहा-जाणगसरीरदव्वसंखा

भवियसरीरदव्वसंखा जाणगसरीर-भवियसरीरवतिरित्ता दव्वसंखा से किं तं जाणगसरीर-दव्वसंखा जाणगसरीरदव्वसंखा-संखा ति पयत्थाहिगारजाणगस्स जं सरीरयं ववगय-चुय-चाविय-चत्तदेहं जीवविप्पजदं सेज्जागयं वा संथारगयं वा निसीहियागयं वा सिद्धसिलातलगयं वा पासित्ता णं कोइ वएज्जा-अहो णं इमेणं सरीरसमुस्सएणं जिणदिट्ठेणं भावेण संखा ति पयं आघवियं पन्नवियं पव्ववियं दंसियं निदंसियं उवदंसियं जहा को दिट्ठतो अयं महुकुंभे आसी अयं घयकुंभे आसी से तं जाणगसरीरदव्वसंखा सं किं तं भवियसरीरदव्वसंखा भवियसरीरदव्वसंखा-जे जीवे जोणिजम्मणनिकखंते इमेणं चेव आदत्तएणं सरीरसमुस्सएणं जिणदिट्ठेणं भावेणं संखा ति पयं सेयकाले सिक्खिस्सइ न ताव सिक्खइ जहा को दिट्ठतो अयं महुकुंभे भविस्सइ अयं घयकुंभे भविस्सइ से तं भवियसरीरदव्वसंखा से किं तं भवियसरीरदव्वसंखा भवियसरीरदव्वसंखा-जे जीवे जोणिजम्मणनिकखंते इमेणं चेव आदत्तएणं सरीरसमुस्सएणं जिणदिट्ठेणं भावेणं संखा ति पयं सेयकाले सिक्खिस्सइ न ताव सिक्खइ जहा को दिट्ठतो अयं महुकुंभे भविस्सइ अयं घयकुंभे भविस्सइ से तं भवियसरीरदव्वसंखा] से किं तं जाणगसरीर-भवियसरीर-वतिरित्ता दव्वसंखा जाणगसरीर-भविय-सरीर-वतिरित्ता दव्वसंखा तिविहा पन्नत्ता तं जहा-एगभविए बद्धाउए अभिमुहनामगोत्ते य एगभविए णं भंते एगभविए ति कालओ केवच्चिरं होइ जहण्णेणं अंतोमुहुत्तं उक्कोसेणं पुव्वकोडी बद्धाउए णं भंते बद्धाउए ति कालओ केवच्चिरं होइ जहण्णेणं अंतोमुहुत्तं उक्कोसेणं पुव्वकोडी-तिभाणं अभिमुहनामगोत्ते णं भंते अभिमुहनामगोत्ते ति कालओ केवच्चिरं होइ जहण्णेणं एक्कं समयं उक्कोसेणं अंतोमुहुत्तं इयाणि को नओ कं संखं इच्छइ नेगम-संगह-ववहारा तिविहं संखं इच्छंति तं जहा-एगभवियं बद्धाउयं अभिमुहनामगोत्तं च उज्जुसुओ दुविहं संखं इच्छइ तं जहा-बद्धाउयं च अभिमुहनामगोत्तं च तिणि सद्दनया अभिमुहनामगोत्तं संखं इच्छंति से तं जाणगसरीर-भवियसरीरवतिरित्ता दव्वसंखा से तं नोआहमओ दव्वसंखा से तं दव्वसंखा से किं तं ओवम्मसंखा ओवम्मसंखा चउव्विहा पन्नत्ता तं जहा-अत्थि संतयं संतएमं उवमिअइ अत्थि संतयं असंतएणं उवमिअइ अत्थि असंतयं संतएणं उवमिअइ अत्थि असंतयं असंतएणं उवमिअइ तत्थ संतयं संतएणं उमिअइ जहा-संता अरहंता संतएहिं पुरवरोहिं संतएहिं कवाडेहिं संतएहिं वच्छेहिं उवमिअंति जहा । १४६-११-१४६-१

(३१२) पुरवर-कयाड-यच्छा फलिहमुया दुंदुहि-त्थणिययोसा

सिरिवच्छंकियवच्छा सव्वे वि जिणा चउव्वीसं

॥१११॥-११९

(३१३) संतयं असंतएणं उवमिअइ जहा-संताइ नेरइय-तिरिक्खजोणिय-मणुस्स-देवाणं आउयाइ असंतएहिं पलिओवम-सागरोवमहिं उवमिअंति असंतयं संतएणं उवमिअइ । १४६-२ ।

(३१४) परिजूरिपेरेतं चलंतबेंटं पडंतनिच्छीरं

पत्तं वसणप्पत्तं कालप्पत्तं भणइ गाहं

॥१२०॥-१२०

(३१५) जह तुब्बे तह अम्हे तुम्हे वि य होहिहा जहा अम्हे

अप्पाहेइ पडंतं पंडुयपत्तं किसलयाणं

॥१२१॥-१२१

(३१६) नवि अत्थि न वि य होही उल्लावो किसल-पंडुपत्ताणं

उवमा खलु एस कया भवियजण-विबोहणट्ठाए

॥१२२॥-१२२

(३१७) असंतयं असंतएणं उवमिअइ-जहा खरविसाणं तहा ससविसाणं से तं

ओवम्मसंखा से किं तं परिमाणसंखा परिमाणसंखा दुविहा पत्रत्ता तं जहा-कालियसुय-परिमाणसंखा दिड्ढिवायसुयपरिमाणसंखा य से किं तं कालियसुयपरिमाणसंखा अनेगविहा पत्रत्ता तं जहा-पञ्चवसंखा अक्खरसंखा संघायसंखा पयसंखा पायसंखा गाहासंखा सिलोगसंखा वेदसंखा निज्जुत्तिसंखा अनुओगदारसंखा उद्देसगसंखा अज्झयणसंखा सुयखंधसंखा अंगसंखा से तं कालियसुपरिमाणसंखा से किं तं दिड्ढिवायसुयपरिमाणसंखा अनेगविहा पत्रत्ता तं जहा-पञ्चवसंखा जाव अनुओगदारसंखा पाहुडसंखा पाहुडियासंखा पाहुडपाहुडियासंखा वत्थुसंखा से तं दिड्ढिवायसुयपरिमाणसंखा से तं परिमाणसंखा से किं तं जाणणासंखा जाणणासंखा-जो जं जाणइ तं जहा-सद्दं सद्दिओ गणियं गणियओ निमित्तं नेमित्तिओ कालं कालनाणी वेज्जयं वेज्जो से तं जाणणासंखा से किं तं गणणासंखा गणणासंखा-एक्को गणणं न उवेइ दुप्पभिइ संखा तं जहा-संखेज्जए असंखेज्जए अनंतए से किं तं संखेज्जए संखेज्जए तिविहे पत्रत्ते तं जहा-जहण्णए उक्कोसए अजहण्णमणुक्कोसए से किं तं असंखेज्जए असंखेज्जए तिविहे पत्रत्ते तं जहा-परित्तासंखेज्जए जुत्तासंखेज्जए असंखेज्जासंखेज्जए से किं तं परित्तासंखेज्जए परित्तासंखेज्जए तिविहे पत्रत्ते तं जहा-जहण्णए उक्कोसए अजहण्णमणुक्कोसए से किं तं जुत्तासंखेज्जए जुत्तासंखेज्जए तिविहे पत्रत्ते तं जहा-जहण्णए उक्कोसए अजहण्णमणुक्कोसए से किं तं असंखेज्जासंखेज्जए असंखेज्जासंखेज्जए तिविहे पत्रत्ते तं जहा-जहण्णए उक्कोसए अजहण्णमणुक्कोसए से किं तं अनंतए अनंतए तिविहे पत्रत्ते तं जहा-परित्ताणंतए जुत्ताणंतए अनंतान्तए से किं तं परित्ताणंतए परित्ताणंतए तिविहे पत्रत्ते तं जहा-जहण्णए उक्कोसए अजहण्णमणुक्कोसए से किं तं जुत्ताणंतए जुत्ताणंतए तिविहे पत्रत्ते तं जहा-जहण्णए उक्कोसए अजहण्णमणुक्कोसए से किं तं अनंतान्तए अनंतान्तए दुविहे पत्रत्ते तं जहा-जहण्णए अजहण्णमणुक्कोसए जहण्णयं संखेज्जयं केत्तियं होइ दोरूवाइ तेणं परं अजहण्णमणुक्कोसयाइ ठाणाइ जाव उक्कोसयं संखेज्जयं न पावइ उक्कोसयं संखेज्जयं केत्तियं होइ उक्कोसयस्स संखेज्जयस्स पख्खणं करिस्सामिः से जहानामए पल्ले सिया एणं जोयणसयसहस्सं आयाम-विक्खंभेणं तिण्णि य कोसे अट्ठादीसं च घणुसयं तेरस य अंगुलाइ अट्ठं अंगुलं च किंचिविसेसाहियं पख्खेवेणं पत्रत्ते से णं पल्ले सिद्धत्थयाणं भरिए तओ णं तेहिं सिद्धत्थएहिं दीव-समुद्धानं उद्धारो धेप्पइ एगे दीवे एगे समुद्दे-एगे दीवे एगे समुद्दे एवं पक्खिप्पमाणेहिं-पक्खिप्पमाणेहिं जावइया दीव-समुद्दा तेहिं सिद्धत्थएहिं अप्फुण्णा एस णं एवइए खेत्ते पल्ले पढमा सलागा एवइयाणं सलागाणं असलप्पा लोगा भरिया तहा वि उक्कोसयं संखेज्जयं न पावइ जहा को दिट्ठतोसे जहानामए मंचे सिया आमलगाणं भरिए तत्थ एगे आमलए पक्खिखेत्ते से माते अण्णे वि पक्खिखेत्ते से वि माते अण्णे वि पक्खिखेत्ते से वि माते एवं पक्खिप्पमाणेहिं-पक्खिप्पमाणेहिं होही से आमलए जम्भि पक्खिखेत्ते से मंचे भरिअिहिइ होही से आमलए जे तत्थ न माहिइ एवामेव उक्कोसए संखेज्जए रूवं पक्खिखत्तं जहण्णयं परित्तासंखेज्जयं भवइ तेणं परं अजहण्णमणुक्कोसयाइ ठाणाइ जाव उक्कोसयं परित्तासंखेज्जयं न पावइ उक्कोसयं परित्तासंखेज्जयं केत्तियं होइ जहण्णयं परित्तासंखेज्जयं जहण्णय-परित्तासंखेज्जयमेत्ताणं रासीणं अण्णमण्णम्मासो रूवूणो उक्कोसयं परित्तासंखेज्जयं होइ अहवा जहण्णयं जुत्तासंखेज्जयं रूवूणं उक्कोसयं परित्तासंखेज्जयं होइ जहण्णयं जुत्तासंखेज्जयं केत्तियं होइ जहण्णयं परित्तासंखेज्जयं जहण्णयपरित्ता-संखेज्जयमेत्ताणं रासीणं अण्णमण्णम्मासो पडिपुत्रो जहण्णयं जुत्तासंखेज्जयं होइ

अहवा उक्कोसए परित्तासंखेजए रूवं पक्खित्तं जहण्णयं जुत्तासंखेजयं होइ आवलिया वि तत्तिया चेव तेणं परं अजहण्णमणुक्कोसयाई ठाणाई जाव उक्कोसयं जुत्तासंखेजयं न पावइ उक्कोसयं जुत्तासंखेजयं केत्तियं होइ जहण्णएणं जुत्तासंखेजएणं आवलिया गुणिया अण्णमण्णब्बासो रूवूणो उक्कोसयं जुत्तासंखेजयं होइ अहवा जहण्णयं असंखेज्जासंखेजयं रूवूणं उक्कोसयं जुत्तासंखेजयं होइ जहण्णयं असंखेज्जासंखेजयं केत्तियं होइ जहण्णएणं जुत्तासंखेजएणं आवलिया गुणिया अण्णमण्णब्बासो पडिपुत्रो जहण्णयं असंखेज्जासंखेजयं होइ अहवा उक्कोसए जुत्तासंखेजए रूवं पक्खित्तं जहण्णयं असंखेज्जासंखेजयं होइ तेणं परं अजहण्णमणुक्कोसयाई ठाणाई जाव उक्कोसयं असंखेज्जासंखेजयं न पावइ उक्कोसयं असंखेज्जासंखेजयं केत्तियं होइ जहण्णयं असंखेज्जासंखेजयं जहण्णय-असंखेज्जासंखेजयमेत्ताणं रासीणं अण्णमण्णब्बासो रूवूणो उक्कोसयं असंखेज्जा-संखेजयं होइ अहवा जहण्णयं परित्ताणंतयं रूवूणं उक्कोसयं असंखेज्जासंखेजयं होइ जहण्णयं परित्ताणंतयं केत्तियं होइ जहण्णयं असंखेज्जासंखेजयं जहण्णय-असंखेज्जासंखेजमेत्ताणं रासीणं अण्णमण्णब्बासो पडिपुत्रो जहण्णयं परित्ताणंतयं होइ अहवा उक्कोसए असंखेज्जासंखेजए रूवं पक्खित्तं जहण्णयं परित्ताणंतयं होइ तेणं परं अजहण्णमणुक्कोसयाई ठाणाई जाव उक्कोसयं परित्ताणंतयं न पावइ उक्कोसयं परित्ताणंतयं केत्तियं होइ जहण्णयं परित्ताणंतयं जहण्णयपरित्ताणंतयमेत्ताणं रासीणं अण्णमण्णब्बासो रूवूणो उक्कोसयं परित्ताणंतयं होइ अहवा जहण्णयं जुत्ताणंतयं रूवूणं उक्कोसयं परित्ताणंतयं होइ जहण्णयं जुत्ताणंतयं केत्तियं होइ जहण्णयं परित्ताणंतयं जहण्णयपरित्ताणंतय-मेत्ताणं रासीणं अण्णमण्णब्बासो पडिपुत्रो जहण्णयं जुत्ताणंतयं होइ अहवा उक्कोसए परित्ताणंतए रूवं पक्खित्तं जहण्णयं जुत्ताणंतयं होइ-अभवसिद्धिया वि तत्तिया चेव तेणं परं अजहण्णमणुक्कोसयाई ठाणाई जाव उक्कोसयं जुत्ताणंतयं न पावइ उक्कोसयं जुत्ताणंतयं केत्तियं होइ जहण्णएणं जुत्ताणंतएणं अभवसिद्धिया गुणिया अण्णमण्णब्बासो रूवूणो उक्कोसयं जुत्ताणंतयं होइ अहवा जहण्णयं अनंताणंतयं रूवूणं उक्कोसयं जुत्ताणंतयं होइ जहण्णयं अनंताणंतयं केत्तियं होइ जहण्णयं जुत्ताणंतएणं अभवसिद्धिया गुणिया अण्णमण्णब्बासो पडिपुत्रो जहण्णयं अनंताणंतयं होइ अहवा उक्कोसए जुत्ताणंतए रूवं पक्खित्तं जहण्णयं अनंताणंतयं होइ तेणं परं अजहण्णमणुक्कोसयाई ठाणाई से तं गण्णासंखा से किं तं भावसंखा भावसंखा-जे इमे जीवा संखगइ-नामगोत्ताई कम्माई वेदेत्ति से तं भावसंखा से तं संखप्पमाणे से तं भावप्पमाणे से तं पमाणे १५६।

(३१८) से किं तं वत्तव्वया यत्तव्वया तिविहा पन्नत्ता तं जहा-ससमयवत्तव्वया परसमयवत्तव्वया ससमय-परसमयवत्तव्वया से किं तं ससमयवत्तव्वया ससमयवत्तव्वया-जत्थ णं ससमए आघविज्जइ पन्नविज्जइ पळ्विज्जइ दंसिज्जइ निदंसिज्जइ उवदंसिज्जइ से तं ससमयवत्तव्वया से किं तं परसमयवत्तव्वया परसमयवत्तव्वया-जत्थ णं परसमए आघविज्जइ पन्नविज्जइ पळ्विज्जइ दंसिज्जइ निदंसिज्जइ उवदंसिज्जइ से तं परसमयवत्तव्वया से किं तं ससमय-परसमयवत्तव्वया ससमय-परसमयवत्तव्वया-जत्थ ससमए परसमए आघविज्जइ पन्नविज्जइ पळ्विज्जइ दंसिज्जइ निदंसिज्जइ उवदंसिज्जइ-से तं ससमय-परसमयवत्तव्वया इयाणि को नओ कं वत्तव्वयं इचअछइ तत्थ नेगम-चवहारा तिविहं वत्तव्वयं इच्छंति तं जहा-ससमयवत्तव्वयं परसमयवत्तव्वयं ससमय-परसमयवत्तव्वयं उज्जुसुओ दुविहं वत्तव्वयं इच्छइ तं जहा-ससमयवत्तव्वयं परसमयवत्तव्वयं तत्थ

णं जासा ससमयवत्तव्वया सा ससमयं पविट्ठा जासा परसमयवत्तव्वया सा परसमयं पविट्ठा तन्हा दुविहा वत्तव्वया नत्थि तिविहा वत्तव्वया तिणिण्ण सहनया एणं ससमयवत्तव्वयं इच्छंति नत्थि परसमयवत्तव्वया कन्हा जन्हा परसमए अण्डे अहेऊ असब्भावे अकिरिया उम्माणे अनुवणसे मिच्छादंसणमिति कट्टु तन्हा सब्बा ससमयवत्तव्वया नत्थि परसमयवत्तव्वया नत्थि ससमय-परसमयवत्तव्वया से तं वत्तव्वया ११४७-१४७

(३१९) से किं तं अत्याहिगारे जो जस्स अज्झयणस्स अत्याहिगारो ११४८-१+१४८-१

(३२०) सावज्जजोगदिरई उक्किक्कण गुणवओ य पडिवत्ती

खलियस्स निंदणा वणतिगिच्छ गुणधारणा चेव

॥१२३॥-१२३

(३२१) से तं अत्याहिगारे ११४८१-१४८

(३२२) से किं तं समोयारे समोयारे छव्विहे पव्वत्ते तं जहा- नामसमोयारे ठवणसमोयारे दव्वसमोयारे छेत्तसमोयारे कालसमोयारे भावसमोयारे नामडुवणाओ गयाओ जाव से तं भवियसरीरदव्वसमोयारे से किं तं जाणगसरीर-भवियसरीर-वत्तिरित्ते दव्वसमोयारे जाणगसरीर-भविय-सरीरवत्तिरित्ते दव्वसमोयारे तिविहे पव्वत्ते तं जहा-आयसमोयारे परसमोयारे तदुभयसमोयारे सव्वदव्वया वि णं आयसमोयारेणं आयभावे समोयरइ परसमोयारेणं जहा कुंडे बदराणि तदुभयसमोयारेणं जहा घरे थंभो आयभावे य जहा घडे गीया आयभावे य अहवा जाणगसरीर-भवियसरीर-वत्तिरित्ते दव्वसमोयारे दुविहे पव्वत्ते तं जहा-आयसमोयारे त तदुभयसमोयारे य चउसड्डिया आयसमोयारेणं आयभावे समोयरइ तदुभयसमोयारेणं बत्तीसियाए समोयरइ आयभावे य बत्तीसिया आयसमोयारेणं आयभावे समोयरइ तदुभयसमोयारेणं सोलसियाए समोयरइ आयभावे य सोलसिया आयसमोयारेणं आयभावे समोयरइ तदुभयसमोयारेणं अट्टभाइयाए समोयरइ आयभावे य अट्टभाइया आयसमोयारेणं आयभावे समोयरइ तदुभयसमोयारेणं चउभाइयाए समोयरइ आयभावे य छउभाइया आयसमोयारेणं आयभावे समोयरइ तदुभयसमोयारेणं अट्टमाणीए समोयरइ आयभावे य अट्टमाणी आयसमोयारेणं आयभावे समोयरइ तदुभयसमोयारेणं माणीए समोयरइ आयभावे य से तं जाणगसरीर-भवियसरीर-वत्तिरित्ते दव्वसमोयारे से तं नोआगमओ दव्वसमोयारे से तं दव्वसमोयारे से किं तं छेत्तसमोयारे छेत्तसमोयारे दुविहे पव्वत्ते तं जहा-आयसमोयारे य तदुभयसमोयारे य मरहे यासे आयामसमोयारेणं आयभावे समोयरइ तदुभयसमोयारेणं जंबुद्दीवे दीवे समोयरइ आयभावे य जंबुद्दीवे दीवे आयसमोयारेणं आयभावे समोयरइ तदुभयसमोयारेणं तिरियलोए समोयरइ आयभावे य तिरियलोए आयसमोयारेणं आयभावे समोयरइ तदुभयसमोयारेणं लोए समोयरइ आयभावे य लोए आयसमोयारेणं आयभावे समोयरइ तदुभयसमोयारेणं अलोए समोयरइ आयभावे य से तं छेत्तसमोयारे से किं तं कालसमोयारे कालसमोयारे दुविहे पव्वत्ते तं जहा-आयसमोयारे य तदुभयसमोयारे य समए आयसमोयारेणं आयभावे समोयरइ तदुभयसमोयारेणं आवलियाए समोयरइ आयभावे य आवलिया आयसमोयारेणं आयभावे समोयरइ तदुभयसमोयारेणं आण्णाणूए समोयरइ आयभावे य एवं जाव सागरोवमे आयसमोयारेणं आयभावे समोयरइ तदुभयसमोयारेणं ओसप्पिणुस्सप्पिणीसु समोयरइ आयभावे य ओसप्पिणुस्सप्पिणीओ आयसमोयारेणं आयभावे समोयरइ तदुभयसमोयारेणं पोण्णत्तरियट्ठे

समोयरइ आयभावे य पोगलपरियहे आयसमोयारेणं आयभावे समोयरइ तदुभयसमोयारेणं तीतद्धा अणागतद्धासु समोयरइ आयभावे य तीतद्धा अणागतद्धाओ आयसमोयारेणं आयभावे समोयरइ तदुभयसमोयारेणं सव्वद्धाए समोयरइ आयभावे य से तं कालसमोयारे से किं तं भावसमोयारे भावसमोयारे दुविहे पत्रत्ते तं जहा-आयसमोयारे य तदुभयसमोयारे य कोहे आयसमोयारेणं आयभावे समोयरइ तदुभयसमोयारेणं माणे समोयरइ आयभावे य [माणे आयसमोयारेणं आयभावे समोयरइ तदुभयसमोयारेणं मायाए समोयरइ आयभावे य माया आयसमोयारेणं आयभावे समोयरइ तदुभयसमोयारेणं लोभे समोयरइ आयभावे य लोभे आयसमोयारेणं आयभावे समोयरइ तदुभयसमोयारेणं रागे समोयरइ आयभावे य रागे आयसमोयारेणं आयभावे समोयरइ तदुभयसमोयारेणं मोहणिजे समोयरइ आयभावे य मोहणिजे आयसमोयारेणं आयभावे समोयरइ तदुभयसमोयारेणं अट्ठकम्पगडीसु समोयरइ आयभावे य] अट्ठकम्पगडीओ आयसमोयारेणं आयभावे समोयरइ तदुभयसमोयारेणं [छव्विहे भावे समोयरइ आयभावे य छव्विहे भावे आयसमोयारेणं आयभावे समोयरइ तदुभयसमोयारेणं जीवे समोयरइ आयभावे य जीवे आयसमोयारेणं आयभावे समोयरइ तदुभयसमोयारेणं जीवत्थिकाए समोयरइ आयभावे य] जीवत्थिकाए आयसमोयारेणं आयभावे समोयरइ तदुभयसमोयारेणं सव्वदव्वेसु समोयरइ आयभावे य १९४९-११-१४७-१

(३२३) कोहे माणे माया लोभे रागे य मोहणिजे य

पगडी भावे जीवे जीवत्थिय सव्वदव्वा य

॥१२४॥-१२४

(३२४) से तं भावसमोयारे से तं समोयारे से तं उवक्कमे १९४९१-१४७

(३२५) से किं तं निक्खेवे निक्खेवे तिविहे पत्रत्ते तं जहा-ओहनिप्फण्णे नामनिप्फण्णे

सुत्तालावगनिप्फण्णे से किं तं ओहनिप्फण्णे ओहनिप्फण्णे चउव्विहे पत्रत्ते तं जहा-अज्झयणे अज्झीणे आए झवणा से किं तं अज्झयणे अज्झयणे चउव्विहे पत्रत्ते तं जहा-नामज्झयणे ठयणज्झयणे दव्वज्झयणे भावज्झयणे नाम-द्ववणाओ गयाओ से किं तं दव्वज्झयणे दव्वज्झयणे दुविहे पत्रत्ते तं जहा-आगमओ य नोआगमओ य से किं तं आगमओ दव्वज्झयणे आगमओ दव्वज्झयणे-जस्स णं अज्झयणे त्ति पदं सिक्खियं ठियं जियं मियं परिजियं [नामसमं घोससमं अहीणक्खरं अणयक्खरं अव्वाइद्धक्खरं अक्खलियं अमिलियं अवघापेलियं पडिपुत्रं पडिपुत्रघोसं कंठोद्धविप्पमुक्कं गुरुवायणोवगयं से णं तत्थ वायणाए पुच्छणाए परियट्ठणाए धम्मकहाए नो अनुप्पेहाए कद्धा अनुवओगो दव्वमिति कद्ध नेगमस्स एगो अनुवउत्तो आगमओ एगो दव्वज्झयणे दोण्णि अनुवउत्ता आगमओ दोण्णि दव्वज्झयणाई तिण्ण अनुवउत्ता आगमओ तिण्णि दव्वज्झयणाई] एवं जावइया अनुवउत्ता तावइयाई ताई नेगमस्स आगमओ दव्वज्झयणाई एवपेव ववहारस्स वि संगहरस्स एगो वा अणेगा वा अनुवउत्तो वा अनुवउत्ता वा आगमओ दव्वज्झयणे वा दव्वज्झयणाणि वा से एगे दव्वज्झयणे उज्जुसुयस्स एगो अनुवउत्तो आगमओ एगो दव्वज्झयणे पुहत्तं नेच्छइ तिण्हं सदनयाणं जाणए अनुवउत्ते अवत्थू कद्धा जइ जाणए अनुवउत्ते न भवइ से तं आगमओ दव्वज्झयणे से किं तं नोआगमओ दव्वज्झयणे नोआगमओ दव्वज्झयणे तिविहे पत्रत्ते तं जहा-जाणगसरीरदव्वज्झयणे भवियसरीरदव्वज्झयणे जाणगसरीर-भवियसरीरवतितिरिस्से दव्वज्झयणे से किं तं जाणगसरीरदव्वज्झयणे जाणगसरीरदव्वज्झयणे-

अज्झयणे त्ति पयत्थाहिगारजाणगस्स जं सरीरयं षवगय-चुय-चाविय-चत्तदेहं जीवविप्पजडं [सेज्जा-गयं वा संयारगयं वा निसीहिंयागयं वा सिद्धसिलातलगयं वा पासित्ता णं कोइ वएआ]-अहो णं इमेणं सरीरसमुत्सएणं जिणदिट्ठेणं भावेणं अज्झयणे त्ति पयं आघवियं पन्नवियं पस्सवियं दंसियं निदंसियं उवदंसियं जहा को दिट्ठंतो अयं महुकुंमे आसी अयं घयकुंमे आसी से तं जाणगसरीरदव्वज्झयणे से किं तं भवियसरीरदव्वज्झयणे भवियसरीरदव्वज्झयणे-जे जीवे जोणिजम्मणनिकखंते इमेणं वेच आदत्तएणं सरीरसमुत्सएणं जिणदिट्ठेणं भावेणं अज्झयणे त्ति पयं सेयकाले सिक्खिस्सइ न ताव सिक्खइ जहा को दिट्ठं तो अयं महुकुंमे भविस्सइ अयं घयकुंमे भविस्सइ से तं भवियसरीरदव्वज्झयणे से किं तं जाणगसरीर-भवियसर-वत्तिरित्ते दव्वज्झयणे जाणगसरीर-भवियसरीर-वत्तिरित्ते दव्वज्झयणे-यत्तय-पोत्थय-लिहियं से तं जाणगसरीर-भवियसरीर-वत्तिरित्ते दव्वज्झयणे से तं नोआगमओ दव्वज्झयणे से तं दव्वज्झयणे से किं तं भावज्झयणे भावज्झयणे दुविहे पन्नत्ते तं जहा-आगमओ य नोआगमओ य से किं तं आगमओ भावज्झयणे आगमओ भावज्झयणे-जाणए उवउत्ते से तं आगमओ भावज्झयणे से किं तं नोआगमओ भावज्झयणे नोआगमओ भावज्झयणे ॥१५०-११-१५०-१

(३२६) अज्झप्पस्साणयणं कम्माणं अवचओ उवचियाणं

अनुवचओ य नयाणं तन्हा अज्झयणमिच्छंति

॥१२५॥-१२५

(३२७) से तं नोआगमओ भावज्झयणे से तं भावज्झयणे से तं अज्झयणे से किं तं अज्झीणे अज्झीणे चउव्विहे पन्नत्ते तं जहा-नामज्झीणे ठवणज्झीणे दव्वज्झीणे मायज्झीणे नाम-द्ववणाओ गयाओ से किं तं दव्वज्झीणे दव्वज्झीणे दुविहे पन्नत्ते तं जहा-आगमओ य नोआगमओ य से किं तं आगमओ दव्वज्झीणे आगमओ दव्वज्झीणे-जस्स णं अज्झीणे त्ति पदं सिक्खियं ठियं जियं मियं परिजियं [नामसमं घोससमं अहीणक्खरं अणसक्खरं अब्बाइद्धक्खरं अक्कलियं अमिलियं अवच्चाभेलियं पडिपुत्तं पडिपुत्तघोसं कंठोद्विष्यमुक्कं गुरुवायणोवगयं से णं तत्थ वायणाए पुच्छणाए परियट्ठणाए धम्मकहाए नो अनुप्पेहाए कक्का अनुवओगो दव्वमिति कट्ठ नेगमस्स एगो अनुवउत्तो आगमओ एगे दव्वज्झीणे दोण्णि अनुवउत्ता आगमओ दोण्णि दव्वज्झीणाइं तिण्णि अनुवउत्ता आगमओ तिण्णि दव्वज्झीणाइं एवं जावइया अणवउत्ता तावइयाइं ताइं नेगमस्स आगमओ दव्वज्झीणाइं एवमेव ववहारस्स वि संगहस्स एगो वा अणेगा वा अनुवउत्तो वा अनुवउत्ता वा आगमओ दव्वज्झीणे वा दव्वज्झीणाणि वा से एगे दव्वज्झीणे उज्जुसुयस्स एगो अनुवउत्तो आगमओ एगे दव्वज्झीणे पुहत्तं नेच्छइ तिण्हं सहनयाणं जाणए अनुवउत्ते अवत्तू कक्का जइ जाणए अनुवउत्ते न भवइ] से तं आगमओ दव्वज्झीणे से किं तं नोआगमओ दव्वज्झीणे नोआगमओ दव्वज्झीणे तिविहे पन्नत्ते तं जहा-जाणगसरीरदव्वज्झीणे भवियसरीरदव्वज्झीणे जाणगसरीर-भवियसरीरवत्तिरित्ते दव्वज्झीणे से किं तं जाणगसरीरदव्वज्झीणे जाणगसरीर-दव्वज्झीणे-अज्झीणे त्ति पयत्थाहिगारजाणगस्स जं सरीरयं षवगय-चुय-चाविय-चत्तदेहं जीवविप्पजडं सेज्जागयं वा संयारगयं वा निसीहिंयागयं वा सिद्धसिलातलगयं वा पासित्ता णं कोइ वएआ-अहो णं इमेणं सरीरसमुत्सएणं जिणदिट्ठेणं भावेणं अज्झीणे त्ति पयं आघवियं पन्नवियं पस्सवियं दंसियं निदंसियं उवदंसियं जहा को दिट्ठंतो अयं महुकुंमे आसी अयं घयकुंमे आसी से तं जाणगसरीरदव्वज्झीणे से किं तं भवियसरीरदव्वज्झीणे भवियसरीरदव्वज्झीणे-जे जीवे



जोणिजम्भणनिकखंते [इमेणं चेव आदत्तएणं सरीरसमुस्सएणं जिणदिट्ठेणं भावेणं अज्झीणे त्ति पयं सेयकाले सिक्खिस्सइ न ताव सिक्खइ जहा को दिट्ठतो अयं महुकुंमे भविस्सइ अयं अयं घयकुंमे भविस्सइ] से तं भवियसरीरदब्बज्झीणे से किं तं जाणगसरीर-भवियसरीर-वतिरित्ते दब्बज्झीणे जाणगसरीर-भवियसरीरवतिरित्ते दब्बज्झीणे-सब्बागाससेदी से तं जाणगसरीर-भवियसरीर-वतिरित्ते दब्बज्झीणे से तं नोआगमओ दब्बज्झीणे से तं दब्बज्झीणे से किं तं भावज्झीणे भावज्झीणे दुविहे पन्नत्ते तं जहा-आगमओ य नोआगमओ य से किं तं आगमओ भावज्झीणे आगमओ भावज्झीणे-जाणए उवउत्ते से तं आगमओ भावज्झीणे से किं तं नोआगमओ भावज्झीणे नोआगमओ भावज्झीणे ॥१५०-२॥-१६०-२

(३२८) जह दीवा दीवसयं पडप्पए सो य दिप्पए दीवो

दीवसमा आयरिया दिप्पति परं च दीवेति

॥१२६॥-१२६

(३२९) से तं नोआगमओ भावज्झीणे से तं भावज्झीणे से तं अज्झीणे से किं तं आए आए चउव्विहे पन्नत्ते तं जहा-नामाए ठवणाए दब्बाए भावाए नाम-डुवणाओ गयाओ से किं तं दब्बाए दब्बाए दुविहे पन्नत्ते तं जहा-आगमओ य नोआगमओ य से किं तं आगमओ दब्बाए आगमओ दब्बाए-जस्स णं आए त्ति पदं सिक्खियं ठियं णियं मियं परिजियं जाव कम्हा अनुवओगो दव्वमिति कट्ठ नेगमस्स एगो अनुवउत्तो आगमओ एगे दब्बाए दोण्णि अनुवउत्ता आगमओ दोण्णि दब्बाया तिण्णि अनुवउत्ता आगमओ तिण्णि दब्बाया एवं जावइया अनुवउत्ता तावइया ते नेगमस्स आगमओ दब्बाया एवमेव ववहारस्स वि संगहस्स एगो वा अणेगा वा अनुवउत्तो वा अनुवउत्ता वा आगमओ दब्बाए वा दब्बाया वा से एगे दब्बाए उज्जुसुयस्स एगो अनुवउत्तो आगमओ एगे दब्बाए पुहत्तं नेच्छइ तिण्हं सद्दनयाणं जाणए अनुवउत्ते अवत्तू कम्हा जइ जाणए अनुवउत्ते न भवइ से तं आगमओ दब्बाए से किं तं नोआगमओ दब्बाए नोआगमओ दब्बाए तिविहे पन्नत्ते तं जहा-जाणगसरीरदब्बाए भवियसरीरदब्बाए जाणगसरीर-भवियसरीर-वतिरित्ते दब्बाए से किं तं जाणगसरीरदब्बाए जाणगसरीरदब्बाए-आए त्ति पयत्थाहिगारजाण-गस्स जं सरीरयं ववगघ-चुय-घाविय-वत्तदेहं जीवविप्पजदं सेज्जागयं वा संथारगयं वा निसीहिियागयं वा सिद्धसिलातलगयं वा पासिता णं कोइ यएज्जा-अहो णं इमेणं सरीरसमुस्सएणं जिणदिट्ठेणं भावेणं आए त्ति पयं आघवियं पन्नवियं पक्खियं दंसियं निदंसियं उयदंसियं जहा को दिट्ठतो अयं महुकुंमे आसी अयं घयकुंमे आसी से तं जाणगसरीरदब्बाए से किं तं भवियसरीरदब्बाए भवियसरीरदब्बाए-जे जीवे जोणिजम्भणनिकखंते इमेणं चेव आदत्तएणं सरीरसमुस्सएणं जिणदिट्ठेणं भावेणं आए त्ति पयं सेयकाले सिक्खिस्सइ न ताव सिक्खइ जहा को दिट्ठतो अयं महुकुंमे भविस्सइ अयं घयकुंमे भविस्सइ से तं भवियसरीर दब्बाए से किं तं जाणगसरीर-भवियसरीर-वतिरित्ते दब्बाए जाणगसरीर-भवियसरीर-वतिरित्ते दब्बाए तिविहे पन्नत्ते तं जहा-लोइए कुप्पावयणिए लोगुत्तरिए से किं तं लोइए लोइए तिविहे पन्नत्ते तं जहा-सचित्ते अचित्ते मीसए से किं तं सचित्ते सचित्ते तिविहे पन्नत्ते तं जहा-दुपयाणं चउप्पयाणं अपयाणं दुपयाणं-दासाणं दासीणं चउप्पयाणं-आसाणं हत्थीणं अपयाणं-अंबाणं अंबाडगाणं आए से तं सचित्ते से किं तं अचित्ते अचित्त-सुदण्ण-रयय-मणि-मोत्तिव-संख-सिल-प्पवाल-रत्तरयणाणं संत-सार-सावएज्जस्स आए से तं अचित्ते से किं तं मीसए मीसए-दासाणं दासीणं आसाणं हत्थीणं समाभरियाउज्जालंकियाणं आए से तं मीसए से तं लोइए से किं तं कुप्पावयणिए कुप्पावयणिए तिविहे पन्नत्ते तं जहा-सचित्ते अचित्ते मीसए से किं तं सचित्ते सचित्ते तिविहे पन्नत्ते तं जहा-दुपयाणं चउप्पयाणं अपयाणं दुपयाणं-दासाणं दासीणं चउप्पयाणं-आसाणं हत्थीणं हत्थीणं अपयाणं-अंबाणं अंबाडगाणं आए से तं सचित्ते से किं तं अचित्ते अचित्ते-

सुवण्ण-रयय-मणि-मोत्तिय-संख-सिल-प्पवाल-रत्तरय णाणं संत-सार-सावएअस्स आए से तं अचित्ते से किं तं मीसए मीसए-दासाणं दासीणं आसाणं हत्थीणं समाभरियाआलंकियाणं आए से तं मीसए से तं कुप्पावयणिणए से किं तं लोगुत्तरिए लोगुत्तरिए तिविहे पन्नत्ते तं जहा-सचित्ते अचित्ते मीसए से किं तं सचित्ते सचित्ते-सीसाणं सिस्सिणीणं आए से तं सचित्ते से किं तं अचित्ते अचित्ते-पडिग्गहाणं वत्थाणं कंबलाणं पायपुंछणाणं आए से तं अचित्ते से किं तं मीसए मीसए-सीसाणं सिस्सिणिमाणं सभंडमत्तोवगरणाणं आए से तं मीसए से तं लोगुच्चरिए से तं जाणगसरीर-भवियसरीर-वत्तिरित्ते दव्वाए से तं नोआगमओ दव्वाए से तं दव्वाए से किं तं भावाए भावाए दुविहे पन्नत्ते तं जहा-आगमओ य नोआगमओ य से किं तं आगमओ भावाए-आगमओ भावाए-जाणए उवउत्ते से तं आगमओ भावाए से किं तं नोआगमओ भावाए नोआगमओ भावाए दुविहे पन्नत्ते दत्तं जहा-पसत्थे य अपसत्थे य से किं तं पसत्थे पसत्थे तिविहे पन्नत्ते तं जहा-नाणाए दंसणाए चरिताए से तं पसत्थे से किं तं अपसत्थे अपसत्थे चउव्विहे पन्नत्ते तं जहा-कोहाए माणाए पायाए लोपाए से तं अपसत्थे से तं नोआगमओ भावाए से तं भावाए से तं आए से किं तं झवणा झवणा चउव्विहा पन्नत्ता तं जहा-नामज्झवणा ठवणज्झवणा दव्वज्झवणा भावज्झवणा नाम-द्ववणाओ गयाओ से किं तं दव्वज्झवणा दव्वज्झवणा दुविहा पन्नत्ता तं जहा-आगमओ य नोआगमओ य से किं तं आगमओ दव्वज्झवणा आगमओ दव्वज्झवणा-जस्स णं झवणे ति पदं सिक्खियं ठियं जियं नियं परिजियं [नामसमं घोसममं अहीणक्खरं अणघक्खरं अव्वाइद्धक्खरं अक्खलियं अमिलियं अवघामेलियं पडिपुत्रं पुडिपुत्रघोसं कंठोइविप्पमुक्कं गुरुवायणोवगयं से णं तत्थ वायणाए पुच्छाणाए परियट्ठणाए धम्मकहाए नो अनुप्येहा] कम्हा अनुदओगो दव्वमिति कट्ठु नेगमस्स एगो अनुवउत्तो आगमओ एगा दव्वज्झवणा दोण्णि अनुवउत्ता आगमओ दोण्णीओ दव्वज्झवणाओ तिण्णि अनुवउत्ता आगमओ तिण्णीओ दव्वज्झवणाओ एवं जावइया अनुवउत्ता तावइयो ताओ नेगमस्स आगमओ दव्वज्झवणाओ एवमेव ववहारस्स वि संगहस्स एगो वा अणेगा वा अनुवउत्तो वा अनुवउत्ता वा आगमओ दव्वज्झवणा वा दव्वज्झवणाओ वा साएगा दव्वज्झवणा उड्डुसुयस्स एगो अनुवउत्तो आगमओ एगा दव्वज्झवणा पुहत्तं नेच्छइ तिण्हं सहनयाणं जाणए अनुवउत्ते अवत्तू कम्हा जइ जाणए अनुवउत्ते न भवइ से तं आगमओ दव्वज्झवणा से किं तं नो आगमओ दव्वज्झवणा नोआगमओ दव्वज्झवणा तिविहा पन्नत्ता तं जहा-जाणगसरीरदव्वज्झवणा भवियसरीरदव्वज्झवणा जाणगसरीर-भविय-सरीर-वत्तिरित्ता दव्वज्झवणा से किं तं जाणगसरीर-दव्वज्झवणा जाणगसरीरदव्वज्झवणा-झवणे ति पयत्थाहिगारजाणगस्स जं सरीरयं ववगय-धुय-चाविय-वत्तदेहं जीवविप्पजडं सेज्जागयं वा संयारगयं वा निसीहियागयं वा सिद्धसिलातलगयं वा पासित्ता णं कोइ वाएआ-अहो णं इमेणं सरीरसमुत्सएणं जिणदिट्ठेणं भावेणं झवणे ति पयं आधवियं पन्नवियं पल्लवियं दंसियं निदंसियं उवदंसियं जहा को दिट्ठंतो अयं महुकुंमे आसी अयं घयकुंमे आसी से तं जाणगसरीरदव्वज्झवणा से किं तं भवियसरीरदव्वज्झवणा भवियसरीर-दव्वज्झवणा-जे जीवे जोणिजम्भणनिक्खंते इमेणं वेव आदत्तएणं सरीरसमुत्सएणं जिणदिट्ठेणं भावेणं झवणेति पयं सेयकाले सिक्खिस्सइ न ताव सिक्खइ जहा को दिट्ठंतो अयं महुकुंमे भविस्सइ अयं घयकुंमे भविस्सइ से तं भवियसरीरदव्वज्झवणा से किं तं जाणगसरीर-भवियसरीर-वत्तिरित्ता दव्वज्झवणा जाणगसरीर-भविय-सरीर-वत्तिरित्ता दव्वज्झवणा तिविहा पन्नत्ता तं जहा-लोइया कुप्पावयणिया लोगुत्तरिया से किं तं लोइया लोइया तिविहा पन्नत्ता तं जहा-सचित्ता अचित्ता मीसया से किं तं सचित्ता सचित्ता तिविहा पन्नत्ता तं जहा-दुपयाणं चउप्पयाणं अपयाणं दुपयाणं-दासाणं दासीणं चउप्पयाणं-आसाणं हत्थीणं अपयाणं-अंभाणं अंबाडगाणं झवणा से तं सचित्ता से

किं तं अचिता अचिता-सुयण्ण-रयय-मणि-मोत्तिय-संख-सिल-प्पवाल-रत्तरयणाणं संत-सार-सावएज्जस्स झवणा से तं अचिता से किं तं मीसया मीसया-दासाणं दासीणं आसाणं हत्थीणं समाभरियाउज्जालं कियाणं झवणा से तं मीसया से तं लोइया से किं तं कुप्पावयणिग्या कुप्पावयणिग्या तिविहा पन्नत्ता तं जहा-सचिता अचिता मीसया से किं तं सचिता सचिता तिविहा पन्नत्ता तं जहा-दुपयाणं चउप्पयाणं अपयाणं दुपयाणं-दासाणं दासीणं चउप्पयाणं-आसाणं हत्थीणं अपयाणं-अंवाणं अंबडागाणं झवणा से तं सचिता से किं तं अचिता अचिता-सुवण्ण-रयय-मणि-मोत्तिय-संख-सिल-प्पवाल-रत्तर-यणाणं संत-सार-सावएज्जस्स झवणा से तं अचिता से किं तं मीसया मीसया-दासाणं दासीणं आसाणं हत्थीणं समाभरियाउज्जालं कियाणं झवणा से तं मीसया से तं कुप्पावयणिग्या से किं तं लोगुत्तरिया लोगुत्तरिया तिविहा पन्नत्ता तं जहा-सचिता अचिता मीसया से किं तं सचिता सचिता-सीसाणं सिस्सिणीणं सिस्सिणीणं झवणा से तं सचिता से किं तं अचिता अचिता-पडिगहाणं वत्थाणं कंबलाणं पायपुंउणाणं झवणा से तं अचिता से किं तं मीसया मीसया-सीसाणं सिस्सिणिग्याणं समंडमत्तोवगरणाणं झवणा से तं मीसया से तं लोगुत्तरिया से तं जाणगसरीर-भवियसरीर-वत्तिरित्ता दब्बज्झवणा से तं नोआगमओ दब्बज्झवणा से तं दब्बज्झवणा से किं तं भावज्झवणा भावज्झवणा दुविहा पन्नत्ता तं जहा-आगमओ य नोआगमओ भावज्झवणा से किं तं नोआगमओ भावज्झवणा नोआगमओ भावज्झवणा दुविहा पन्नत्ता तं जहा-पसत्था य अपसत्था य से किं तं पसत्था पसत्था चउव्विहा पन्नत्ता तं जहा-कोहज्झवणा [माणज्झवणा मायज्झवणा] लोपज्झवणा से तं पसत्था से किं तं अपसत्था अपसत्था तिविहा पन्नत्ता तं जहा-नाणज्झवणा दंसणज्झवणा चरित्तज्झवणा से तं अपसत्था से तं नोआगमओ भावज्झवणा से तं भावज्झवणा से तं झवणा से तं ओहनिप्फण्णे से किं तं नामनिप्फण्णे नामनिप्फण्णे-सामाइए से समासओ चउव्विहे पन्नत्ते तं जहा-नामसामाइए ठवणसामाइए दब्बसामाइए भावसामाइए नाम-ट्ठवणाओ गयाओ से किं तं दब्बसामाइए दब्बसामाइए दुविहे पन्नत्ते तं जहा-आगमओ य नोआगमओ य से किं तं आगमओ दब्बसामाइए आगमओ दब्बसामाइए-जस्स णं सामाइए ति पदं सिक्खियं ठियं जियं मियं परिजियं [नामसमं घोससमं अहीणकखरं अणच्चकखरं अव्वाइद्धकखरं अक्खलियं अमिलियं अयच्चामेलियं पडिपुत्रं पडिपुत्रघोसं कंठोइविप्पमुक्कं गुरुवायणोवगयं से णं वायणाए पुच्छणाए परिगृहणाए धम्मकहाए नो अनुप्पेहाए] कन्हा अनुवओगो दब्बमिति कट्ठु नेगमस्स एगो अनुवउत्तो आगमओ एगे दब्बसामाइए दोण्णि अनुवउत्ता आगमओ दोण्णि दब्बसामाइयाइं तिण्णि अनुवउत्ता आगमओ तिण्णि दब्बसामाइयाइं एवं जावइया अनुवउत्ता तावइयाइं ताइं नेगमस्स आगमओ दब्बसामाइयाइं एवमेव ववहारस्स दि संगहस्स एगो वा अणेगा वा अनुवउत्तो वा अनुवउत्ता वा आगमओ दब्बसामाइए वा दब्बसामाइयाणि वा से एगे दब्बसामाइए उज्जुसुयस्स एगो अनुवउत्तो आगमओ एगे दब्बसामाइए पुहत्तं नेचअछइ तिण्हं सहनयाणं जाणए अनुवउत्ते अवत्थू कम्हा जइ जाणए अनुवउत्ते न भवइ से तं आगमओ दब्बसामाइए से किं तं नोआगमओ दब्बसामाइए नोआगमओ दब्बसामाइए तिविहे पन्नत्ते तं जहा-जाणगसरीरदब्बसामाइए भवियसरीरदब्ब-सामाइए जाणगसरीर-भविय-सरीर-वत्तिरित्ते दब्बसामाइए से किं तं जाणगसरीरदब्बसामाइए जाणगसरीरदब्बसामाइए-सामाइए ति पयत्थाहिगारजाणगस्स जं सरीरयं वयगय-घुय-घाविय-चत्तदेहं जीवविप्पजदं सेज्जागयं वा संथारगयं वा निसीहिगयं वा सिद्धसिलातलगयं वा पासित्ता णं कोइ वएज्जा-अठो णं इमेणं सरीरसमुत्सएणं जिणदिडेणं भावेणं सामाइए ति पयं आघवियं [पन्नवियं परुवियं दंसियं निदंसियं] उवदंसियं जहा को दिद्धंतो अयं महुकुंमे आसी अयं घयकुंमे

आसी से तं जाणगसरीरदव्वसामाइए से किं तं भवियसरीरदव्वसामाइए भवियसरीरदव्वसामाइए-  
जे जीवे जेणिजम्मणनिकखंते इमेणं चेव आदत्तएणं सरीरसमुत्सएणं जिणदिट्ठेणं भावेणं सामाइए  
ति पयं सेयकाले सिक्खिस्सइ न ताव सिक्खइ जहा को दिट्ठतो अयं महुकुंभे भविस्सइ अयं  
घयकुंभे भविस्सइ से तं भवियसरीरदव्वसामाइए से किं तं जाणगसरीर-भवियसरीर-वतिरित्ते  
दव्वसामाइए जाणगसरीर-भविय-सरीर-वतिरित्ते दव्वसामाइए-पत्तय-पोत्तय-तिहियं से तं  
जाणगसरीर-भविय-सरीर-वतिरित्ते दव्वसामाइए से तं नोआगमओ दव्वसामाइए से तं  
दव्वसामाइए से किं तं भावसामाइए भावसामाइए दुविहे पन्नत्ते तं जहा-आगमओ य नोआगमओ  
य से किं तं आगमओ भावसामाइए आगमओ भावसामाइए-जाणए उवउत्ते से तं आगमओ  
भावसामाइए से किं तं नोआगमओ भावसामाइए नोआगमओ भावसामाइए-१५०-३-१५०-३

(३३०) जस्स सामाणिओ अप्पा संजमे नियमे तवे  
तस्स सामाइयं होइ इइ केवलिभासियं ॥१२७॥-१२७

(३३१) जो समो सव्वभूएसु तसेसु धावरेसु य  
तस्स सामाइयं होइ इइ केवलिभासियं ॥१२८॥-१२८

(३३२) जह मम न पियं दुक्खं जाणिय एमेव सव्वजीवाणं  
न हणइ न हणावइ य सममणती तेण सो समणो ॥१२९॥-१२९

(३३३) नत्थि य से कोइ वेसो पिओ व सव्वेसु घेव जीवेसु  
एएण होइ समणो एसो अत्रो वि पज्जाओ ॥१३०॥-१३०

(३३४) उरग-गिरि-जलण-सागर-नहतल-तरुणसमो य जो होइ  
भमर-मिय-धरणि-जलरुह-रवि-पवणसमो य सो समणो ॥१३१॥-१३१

(३३५) तो समणो जइ सुमणो भावेण य जइ न होइ पावमणो  
सयणे य जणे य समो समो य माणावमाणेसु ॥१३२॥-१३२

(३३६) से तं नोआगमओ भावसामाइए से तं भावसामाइए से तं सामाइए से तं  
नामनिष्फण्णे से किं तं सुत्तालावगनिष्फण्णे सुत्तालावगनिष्फणे-इयाणि सुत्तालावगनिष्फण्णे  
निकखेवे इच्चावेइ से य पत्तलक्खणे वि न निक्खिप्पइ कम्हा लाघवत्थं अओ अत्थि तइए अनु-  
ओगदारे अनुगमे त्ति तत्थ निक्खित्ते इहं निक्खित्ते भवइ इहं वा निक्खित्ते तत्थ निक्खित्ते भवइ  
तम्हा इहं न निक्खिप्पइ तहिं चेव निक्खिप्पिस्सइ से तं निक्खेवे १५०+१५०

(३३७) से किं तं अनुगमे अनुगमे दुविहे पन्नत्ते तं जहा-सुत्ताणुगमे य निज्जुत्तिअणुगमे य से  
किं तं निज्जुत्तिअणुगमे निज्जुत्तिअणुगमे तिविहे पन्नत्ते तं जहा-निकखेवनिज्जुत्तिअणुगमे  
उवग्घायनिज्जुत्तिअणुगमे सुत्तफासियनिज्जुत्तिअणुगमे से किं तं निक्खेवनिज्जुत्तिअणुगमे  
निकखेवनिज्जुत्तिअणुगमे अनुगए से तं निक्खेवनिज्जुत्तिअणुगमे से किं तं उवग्घायनिज्जुत्तिअणुगमे  
उवग्घायनिज्जुत्तिअणुगमे-इमाहिं दोहिं दारगाहहिं अनुगंतव्वे तं जहा - १५१-११-१५१-१

(३३८) उद्देसे निद्देसे य निग्गमे खेत काल पुरिसे य  
कारण पच्चय लक्खण नए समीयरणा नुमए ॥१३३॥-१३३

(३३९) किं कइविहं कस्स कहिं केसु कहं केधिरं हवइ कालं  
कइ संतर मविरहियं भवा गरिस फासण निरुत्ती ॥१३४॥-१३४

(३४०) से तं उवग्घाय निज्जुत्ति अणुगमे से किं तं सुत्तफासियनिज्जुत्तिअणुगमे सुत्तं  
उच्चारयव्वं अक्खलियं अमिलियं अवच्चाभेलियं पडिपुत्तं पडिपुत्तघोसं कंठोद्विप्पमुक्कं  
गुहवायणोवगयं तओ नज्जिहिति ससमयपयं वा परसमयपयं वा बंधपयं वा मोक्खपयं वा

સામાઈયપયં યા નોસામાઈયપયં ધા તઓ તમ્મિ ઉદ્ધારિણ સમાણે કેસિંધિ મગવંતાણં કેહ  
અત્યાહિગારા અહિગયા ભવંતિ કેસિંધિ ય કેહ અણહિગયા ભવતિ તઓ તેસિં અણહિગયાણં અત્યાણં  
અહિગમદ્ધુયાણ પદેણં પદં વણ્ણાહસામિ । ૧૫૧-૨૧-151-2

(૩૪૧) સંહિતા ય પદં ચેવ પદત્યો પદવિગ્ગહો

ચાલણા ય પસિદ્ધી ય છવ્વિહં વિદ્ધિ લક્ખણં

॥૧૩૫॥-135

(૩૪૨) સેતંસુત્તપાસિયનિજ્ઞુસિઅણુગમેસેતંનિજ્ઞુસિઅણુગમેસેતંઅણુગમે । ૧૫૧-151

(૩૪૩) સે કિં તં નણ સત મૂલનયા પત્રસા તં જહા-નેગમે સંગહે વવહારે ઉજ્જુસુણ સદે

સમઢિરુદ્ધે એવંમૂણ તત્થ । ૧૫૨-૨૧-151-2

(૩૪૪) નેગેહિં માણેહિં મિણ્ણિ તિ નેગમસ્સ ય નિરુત્તી

સેસાણં પિ નયાણં લક્ખણમિણમો સુણહ વોચ્છં

॥૧૩૬॥-136

(૩૪૫) સંગહિય-પિંડિયત્થં સંગહવયણં સમાસઓ વેતિ

વદ્ધાહ વિણિંછિયત્થં વયહારો સવ્વદવ્વેસુ

॥૧૩૭॥-137

(૩૪૬) પદ્ધુપ્પણગાહી ઉજ્જુસુઓ નયવિહી મુણેયવ્વો

ઇચ્છાહ વિસેસિયતરં પદ્ધુપ્પન્નં નઓ સદ્ધો

॥૧૩૮॥-138

(૩૪૭) વત્થુઓ સંકમણં હોહ અવત્થૂ નણ સમમિરુદ્ધે

વંજણ-અત્થ-તદુભયં એવંમૂઓ વિસેસેહ

॥૧૩૯॥-139

(૩૪૮) નાયમ્મિ ગિણ્ણિયવ્વે અગિણ્ણિયવ્વમ્મિ દેવ અત્થમ્મિ

જહ્વવ્વમેવ હ્મ જો ઉવણસો સો નઓ નામ

॥૧૪૦॥-140

(૩૪૯) સવ્વેસિં પિ નયાણં વહુયિહવત્તવ્વયં નિસામિત્તા

તં સવ્વનયવિસુદ્ધં જં ચરણાણુણ્ણિઓ સાહૂ

॥૧૪૧॥-141

(૩૫૦) સેતં નણ । ૧૫૨-૨૧-152

## ૪૫ અણુઓગદારાઈ સમત્તાનિ

### બિહયા ચૂલિયાસુત્તં સમત્તં

#### પળયાલીસ આગમ સુત્તાણિ સમત્તાનિ

આ ૪૫ આગમ સંશોધન-સંપાદન-મુદ્રણ કાર્યમાં છબસ્થાવસ્થાથી,  
ઉતાવળથી, મતિ વિભ્રમથી કે અન્ય કોઈ કારણોથી જે ત્રુટી-જે દોસ-જે ભૂલ  
કંઈપણ રહ્યું હોય-થયું હોય તે સર્વેનું ત્રિવિધે ત્રિવિધે મિશ્રામિ દુઃકરૂપું

દીપસ્તસાગર


[5]

## :- અ-મા-રા- પ્ર-કા-શ-નો :-

- [૧] અમિનવ હેમ લઘુપ્રક્રિયા -૧- સત્તાઙ્ગ વિવરણમ્
- [૨] અમિનવ હેમ લઘુપ્રક્રિયા -૨- સત્તાઙ્ગ વિવરણમ્
- [૩] અમિનવ હેમ લઘુપ્રક્રિયા -૩- સત્તાઙ્ગ વિવરણમ્
- [૪] અમિનવ હેમ લઘુપ્રક્રિયા -૪- સત્તાઙ્ગ વિવરણમ્
- [૫] યુદ્ધન્તમાલા
- [૬] વૈત્યવન્દન પર્વમાલા
- [૭] વૈત્યવન્દન સહગ્રહ - તીર્થજિનવિશેષ
- [૮] વૈત્યવન્દન ચોવિશી
- [૯] શત્રુઞ્ચ મક્તિ [આવૃત્તિ-દો]
- [૧૦] અમિનવ જૈન પદ્યાઙ્ગ - ૨૦૪૬
- [૧૧] અમિનવ ઉપદેશ પ્રાસાદ -૧- શ્રાવક કર્તવ્ય - ૧ થી ૧૧
- [૧૨] અમિનવ ઉપદેશ પ્રાસાદ -૨- શ્રાવક કર્તવ્ય - ૧૨ થી ૧૫
- [૧૩] અમિનવ ઉપદેશ પ્રાસાદ -૩- શ્રાવક કર્તવ્ય - ૧૬ થી ૩૬
- [૧૪] નવપદ-શ્રીપાલ- [શાશવતી ઓળીના વ્યાખ્યાન રૂપે]
- [૧૫] સમાધિમરણ [વિધિ-સૂત્ર-પદ્ય-આરાધના- મરણભેદ-સંગ્રહ]
- [૧૬] ચૈત્યવંદનમાળા [૭૭૮ ચૈત્યવંદનો નો સંગ્રહ]
- [૧૭] તત્ત્વાર્થ સૂત્ર પ્રબોધટીકા [અધ્યાય-૧]
- [૧૮] તત્ત્વાર્થ સૂત્રના આગમ આધાર સ્થાનો
- [૧૯] સિદ્ધાચલનો સાથી [આવૃત્તિ-બે]
- [૨૦] ચૈત્યપરિપાટી
- [૨૧] અમદાવાદ જિનમંદિર ઉપાશ્રય આદિ ડિરેક્ટરી
- [૨૨] શત્રુઞ્ચ ભક્તિ [આવૃત્તિ-બે]
- [૨૩] શ્રી નવકારમંત્ર નવલાખ જાપ નોંધપોથી
- [૨૪] શ્રી ચારિત્ર પદ એક કરોડ જાપ નોંધપોથી
- [૨૫] શ્રી બાસ્કત પુસ્તિકા તથા અન્ય નિયમો [આવૃત્તિ-ચાર]
- [૨૬] અમિનવ જૈન પંચાંગ- ૨૦૪૨; [સર્વ પ્રથમ, ૧૩ વિભાગોમાં]
- [૨૭] શ્રી જ્ઞાનપદ પૂજા
- [૨૮] અંતિમ આરાધના તથા સાધુ સાધ્વી કાળધર્મ વિધિ
- [૨૯] શ્રાવક અંતિમ આરાધના [આવૃત્તિ-ત્રણ]
- [૩૦] વીતરાગ સ્તુતિ સંગ્રહ [૧૧૫૧-ભાવવાહી સ્તુતિઓ]
- [૩૧] (પૂજ્ય આગમોદ્ધારકશ્રીના સમુદાયના) કાયમી સંપર્ક સ્થળો
- [૩૨] તત્ત્વાર્થાધિગમસૂત્ર અમિનવટીકા- અધ્યાય-૧
- [૩૩] તત્ત્વાર્થાધિગમસૂત્ર અમિનવટીકા - અધ્યાય-૨
- [૩૪] તત્ત્વાર્થાધિગમસૂત્ર અમિનવટીકા- અધ્યાય-૩

## [6]

- [३५] तत्त्वार्थविगम सूत्र अभिनवटीका- अध्याय-४  
 [३६] तत्त्वार्थविगम सूत्र अभिनवटीका- अध्याय-५  
 [३७] तत्त्वार्थविगम सूत्र अभिनवटीका- अध्याय-५  
 [३८] तत्त्वार्थविगम सूत्र अभिनवटीका- अध्याय-७  
 [३९] तत्त्वार्थविगम सूत्र अभिनवटीका- अध्याय-८  
 [४०] तत्त्वार्थविगम सूत्र अभिनवटीका- अध्याय-८  
 [४१] तत्त्वार्थविगमसूत्र अभिनवटीका- अध्याय-१०



[४२] आयारो	[आगमसुत्ताणि-१ ]	पढमं अंगसुत्तं
[४३] एयगडो	[आगमसुत्ताणि-२ ]	बीअं अंगसुत्तं
[४४] ठाणं	[आगमसुत्ताणि-३ ]	तइयं अंगसुत्तं
[४५] समवाओ	[आगमसुत्ताणि-४ ]	चउत्थं अंगसुत्तं
[४६] विवाहपन्नत्ति	[आगमसुत्ताणि-५ ]	पंचमं अंगसुत्तं
[४७] नायाधम्मकहाओ	[आगमसुत्ताणि-६ ]	छट्ठं अंगसुत्तं
[४८] उवासगदसाओ	[आगमसुत्ताणि-७ ]	सत्तमं अंगसुत्तं
[४९] अंतगडदसाओ	[आगमसुत्ताणि-८ ]	अट्ठमं अंगसुत्तं
[५०] अनुत्तरोववाईयदसाओ	[आगमसुत्ताणि-९ ]	नवमं अंगसुत्तं
[५१] पण्हावागरणं	[आगमसुत्ताणि-१० ]	दसमं अंगसुत्तं
[५२] विवागसूयं	[आगमसुत्ताणि-११ ]	एक्करसमं अंगसुत्तं
[५३] उववाइअं	[आगमसुत्ताणि-१२ ]	पढमं उवंगसुत्तं
[५४] रायपसेणियं	[आगमसुत्ताणि-१३ ]	बीअं उवंगसुत्तं
[५५] जीवाजीवाभिगम	[आगमसुत्ताणि-१४ ]	तइयं उवंगसुत्तं
[५६] पन्नवणा-सुत्त	[आगमसुत्ताणि-१५ ]	चउत्थं उवंगसुत्तं
[५७] सूरपन्नत्ति	[आगमसुत्ताणि-१६ ]	पंचमं उवंगसुत्तं
[५८] चंदपन्नत्ति	[आगमसुत्ताणि-१७ ]	छट्ठं उवंगसुत्तं
[५९] जंबूहीचपन्नत्ति	[आगमसुत्ताणि-१८ ]	सत्तमं उवंगसुत्तं
[६०] निरयावलियाणं	[आगमसुत्ताणि-१९ ]	अट्ठमं उवंगसुत्तं
[६१] कम्मवडिंसयाणं	[आगमसुत्ताणि-२० ]	नवमं उवंगसुत्तं
[६२] पुप्फियाणं	[आगमसुत्ताणि-२१ ]	दसमं उवंगसुत्तं
[६३] पुप्फचूलियाणं	[आगमसुत्ताणि-२२ ]	एक्करसमं उवंगसुत्तं
[६४] वण्हिदसाणं	[आगमसुत्ताणि-२३ ]	बारसमं उवंगसुत्तं
[६५] चउसरण	[आगमसुत्ताणि-२४ ]	पढमं पईण्णगं
[६६] आउरपच्चक्खाण	[आगमसुत्ताणि-२५ ]	बीअं पईण्णगं
[६७] महापच्चक्खाण	[आगमसुत्ताणि-२६ ]	तइअं पईण्णगं
[६८] भत्त परिण्णा	[आगमसुत्ताणि-२७ ]	चउत्थं पईण्णगं

## [7]

[૬૧] તંદુલવેચાલિયં	[આગમસુત્તાણિ-૨૮ ]	પંચમં પર્વણગં
[૭૦] સંચારગં	[આગમસુત્તાણિ-૨૯ ]	છટ્ઠં પર્વણગં
[૭૧] ગચ્છાવાર	[આગમસુત્તાણિ-૩૦-૧ ]	સત્તમં પર્વણગં-૧
[૭૨] ચંદાવિજય	[આગમસુત્તાણિ-૩૦-૨ ]	સત્તમં પર્વણગં-૨
[૭૩] ગણિવિજ્ઞા	[આગમસુત્તાણિ-૩૧ ]	અદ્ઠમં પર્વણગં
[૭૪] દેવિંદત્યઓ	[આગમસુત્તાણિ-૩૨ ]	નવમં પર્વણગં
[૭૫] મરણસમાહિ	[આગમસુત્તાણિ-૩૩/૧ ]	દસમં પર્વણગં-૧
[૭૬] વીરત્યવ	[આગમસુત્તાણિ-૩૩/૨ ]	દસમં પર્વણગં-૨
[૭૭] નિસીહ	[આગમસુત્તાણિ-૩૪ ]	પદ્મં છેયસુત્તં
[૭૮] કુહત્ કપ્પો	[આગમસુત્તાણિ-૩૫ ]	વીઅં છેયસુત્તં
[૭૯] વવહાર	[આગમસુત્તાણિ-૩૬ ]	તદ્અં છેયસુત્તં
[૮૦] દસાસુપક્કંધં	[આગમસુત્તાણિ-૩૭ ]	ચડત્યં છેયસુત્તં
[૮૧] જીયકપ્પો	[આગમસુત્તાણિ-૩૮/૧ ]	પંચમ છેયસુત્તં-૧
[૮૨] પંચકપ્પમાસ	[આગમસુત્તાણિ-૩૮/૨ ]	પંચમ છેયસુત્તં-૨
[૮૩] મહાનિસીહ	[આગમસુત્તાણિ-૩૯ ]	છટ્ઠં છેયસુત્તં
[૮૪] આવસ્સયં	[આગમસુત્તાણિ-૪૦ ]	પદ્મં મૂલસુત્તં
[૮૫] ઓહનિજ્ઞુત્તિ	[આગમસુત્તાણિ-૪૧/૧ ]	વીઅં મૂલસુત્તં-૧
[૮૬] પિંડનિજ્ઞુત્તિ	[આગમસુત્તાણિ-૪૧/૨ ]	વીઅં મૂલસુત્તં-૨
[૮૭] દસવેચાલિઅં	[આગમસુત્તાણિ-૪૨ ]	તદ્અં મૂલસુત્તં
[૮૮] ઉત્તરજ્ઞયણં	[આગમસુત્તાણિ-૪૩ ]	ચડત્યં મૂલસુત્તં
[૮૯] નંદીસૂચં	[આગમસુત્તાણિ-૪૪ ]	પદ્મા ઘૂલિયા
[૯૦] અણુઓગદારાઈ	[આગમસુત્તાણિ-૪૫ ]	વિતિયા ઘૂલિયા

નોંધ: પ્રકાશન ૧૮૧ અભિનવ શ્રુત પ્રકાશને પ્રગટ કરેલ છે.

પ્રકાશન ૪૨-૮૦ આગમ શ્રુત પ્રકાશને પ્રગટ કરેલ છે.

● ૪૫ આગમ-સેટ ના પ્રાપ્તિસ્થાનો ●

શ્રી ડી. કે. ઠક્કર ૧૬, અલકાનગર, ટ્રિપલક્ષ્મી મિલ્સ પાસે એલેક્ષિક રોડ, વડોદરા	શ્રી જગદીશભાઈ એમ. શાહ ૧-અલકાનંદા સોસાયટી, આઝાદ સ્વીટ્સ સામે, આશ્રમ રોડ, વાડજ, અમદાવાદ
શ્રીમતી નયનાબેન રમેશચંદ્ર શાહ ૨૦, ગૌતમનગર સોસાયટી રેસકોર્સ સર્કલ પાસે, વડોદરા	ડૉ. પિનાકીન એન. શાહ ૨૧, સુભાષનગર, ગિરધરનગર, શાહીબાગ, અમદાવાદ


નોંધ:- આગમના ૧-સેટ માટે “આગમ શ્રુત પ્રકાશન” વડોદરા નો રૂ. ૧૫૦૦/- ની કિંમતનો પ્રકટ આપીને જ સેટ મેળવી શકશો.



[8]

## -: પરિસિદ્ધ-નિદંસણં :-

- ૧ પદમં પરિસિદ્ધં - “વિસયાણુકકમો”  
આ પરિશિષ્ટમાં ૪૫-[૪૯] આગમનાં વિષયોની બૃહદ્ અનુક્રમણિકા છે. જે માટે અમારું ભાવિ પ્રકાશન “૪૫-આગમ બુહત્ વિસય કોસ” જેવું.
- ૨- વીર્યં પરિસિદ્ધં “વિસિદ્ધ સદ્ધાણુકકમો”  
આ પરિશિષ્ટમાં ૪૫-[૪૯] આગમનાં વિશિષ્ટ શબ્દો કક્કાવારી મુજબ ગોઠવાયેલા છે. તથા જે-તે શબ્દ જે-જે આગમમાં આવેલો છે તેનો સ્થળ નિર્દેશ કરેલો છે. તેને આગમ શબ્દ સંદર્ભ-કોસ પણ કહી શકાય તે માટે અમારું ભાવિ પ્રકાશન “૪૫-આગમ વિસિદ્ધ સદ્ધકોસ” જેવું.
- ૩- તદ્વ્યં પરિસિદ્ધં - “વિસેસ નામાણુકકમો”  
૪૫-[૪૯] આગમમાં આવતા ખાસ નામો જેવા કે ગોયમ, સોમિલ, ...વગેરે કક્કાવારી ક્રમમાં ગોઠવી, તેનો આગમ-સંદર્ભ આ પરિશિષ્ટમાં રજૂ કરાયો છે. જે માટે અમારું ભાવિ પ્રકાશન “૪૫-આગમ વિસેસ નામ કોસ” જેવું.
- ૪- ચઠત્વ્યં પરિસિદ્ધં - “ગાહાણુકકમો”  
૪૫-[૪૯] આગમમાં આવતી ગાથાને જ કારાદિ ક્રમમાં રજૂ કરેલ છે. સાથે સાથે તે-તે ગાથાનો સ્થળ નિર્દેશ કરેલો છે. જે માટે અમારું ભાવિ પ્રકાશન “૪૫-આગમ ગાહાણુકકમો” જેવું.
- ૫- પંચમં પરિસિદ્ધં “સુત્તાણુકકમો”  
૪૫-[૪૯] આગમમાં આવતાં સૂત્રોને જ કારાદિ ક્રમમાં સ્થળ નિર્દેશ પૂર્વક રજૂ કરવા વિચારણા છે. ભાવિ ઉપયોગિતા વિશેના તજજ્ઞ-અભિપ્રાયધારે હવે પછી તૈયાર કરવા ભાવના છે.



નોંધ :- સમગ્ર ૪૫ આગમમાં પ્રત્યેક સૂત્ર કે ગાથાને અંતે અંગ્રેજી ક્રમાંકન થકી વૃત્તિનો અંક નિર્દેશ છે. તે વૃત્તિમાં છ છેદ સૂત્રો અને વંદવન્નતિ સિવાયના આગમો માટે અમે પૂ. આગમોદ્ધારક શ્રી સંશોધિત સંપાદિત અને (૧) આગમોદય સમિતિ, (૨) દેવચંદ લાલભાઈ ઠંડ (૩) ઋષભદેવ કેસરીયલ પેઢી એ ત્રણ સંસ્થાના પ્રકાશનો જ લીધા છે. - વંદ વન્નતિ માટે હસ્ત લિખિત પ્રત લીધેલી છે, - બુહત્કમ્પો - પૂ. પુન્યવિજયજી મ.સંપાદિત, નિસીહ-પૂ.કનૈયાલાલજી સંપાદિત, વવહાર, પૂ.મુનિ માણેક સંપાદિત, જીયકમ્પો. પૂ.જીનવિજયજી સંપાદિત છે મહાનિસીહ ની વૃત્તિનથી. દસાસુયક્ષંધ ની મૂર્તિજ મળી છે. માટે તેનું ક્રમાંકન થઈ શકેલ નથી.

૪૫-આગમના પ્રધાન આર્થિક અનુદાતા

સામ્યન્દ્ર શ્રુતાનુરાગી શ્રમ.જો.પા.સિ.કા

શ્રીમતી નયનાબહેન રમેશચંદ્ર શાહ - પરિવાર, વડોદરા

પ્રસ્તુત આગમમાં મુખ્ય દ્રવ્ય સહાયક